

*Asgard Muxtor.*



84  
14-96



*Chodinetskaia*

84  
14-96



# Asqat Muxtor

# Chodirayal

Hikoyalar

Ikkinchchi nashri



2520

O'ZBEKISTON RESPUBLIKASI  
OLIV VA O'RTA MAXSUS TALIM VAZRUGI  
TOSHKENT VILOYATI CHIRCHIQ  
DAVLAT PEDAGOGIKA INSTITUTI  
AXBOROT RESURS MARKAZI

TOSHKENT

«O'ZBEKISTON» O'ZBEKISTON RESPUBLIKASI  
OLIV VA O'RTA MAXSUS TALIM VAZRUGI  
TOSHKENT VILOYATI CHIRCHIQ  
DAVLAT PEDAGOGIKA INSTITUTI  
AXBOROT RESURS MARKAZI

1-FILIALI

UO'K 821.512.133-3

KBK 84(5O)'6

M 96

To'plab, nashrnga tayyorlovchi:

*Farhod Hidoyatov*

### **Muxtor Asqad.**

M 96 Chodirxayol. [Matn] Hikoyalalar xazinasi /Muxtor

Asqad. To'plab, nashrnga tayyorlovchi: F. Hidoyatov. –

Toshkent: «O'zbekiston» NMU 2018. 192 b.

ISBN 978-9943-28-400-5

Elimizning atoqlari va ardoqlari ijodkor, O'zbekiston xalq yo'zuvchisi, Asqad Muxtor XX asr o'zbek adabiyoti rivojiga salmoqligi hissa qo'shgan adiblardan biri hisoblanadi. Uning shef, hikoya, qissa va romanlari iteshi tegmagan voqealarga va xarakterlarga boyligi bilan hamisha o'quvchini hayaforiga solgan. Adlibning asarlari odob-axloq malnaviy olam, milliy qadriyatlari, sho'ro davri adolatsizliklari dadil yortuladi.

«Hikoyalalar xazinasi» rukni ostida nashr etilgan ushbu «Chodirxayol» to'plamiga uning turli mazulardagi hikoyalari jamlangan bolib, kitobxonlar tomonidan katta qiziqish bilan qabul qilinadi, degan umiddamiz. Taqdim etilayotgan hikoyalarda o'sha davr ruhini saqlab qoldirildi.

Mazkur hikoyalalar to'plami barcha yoshdagagi kitobxonlarga mojlallangan bolib, kitob javoningizni yana bir sermazmun kitob bilan boyitadi.

UO'K 821.512.133-3  
KBK 84(5O)\*

*Chodirxayol*

### **KECHIRING MENI, ODAMLAR**

**Y**olg'iz o'g'li Qarshi cho'liga jo'nab ketganida Xatcha xola avvaliga ancha cho'kib qoldi. U bebosh o'sha yodqa uylanib ham olgandan keyin esa, xabar siyraklashib, yolg'izlik kampir boyaqishining suyak-suyagidan o'tib ketdi. Jamoa xo'jaligidan berilgan uylari qishloqning uzoq chekkasida edi, yetti yashardan yetmish yashargacha hamma ish bilan band, yozilib gurunglashish u yodqa tursin, ikki og'iz gap qotish uchun ham o'zing tengi bekorchini topish amrimahol.

Mana shunday sabri tugab, zerikish, uyqusizlikdan cho'pday bolib yurganida Xatcha xolaning ishini xudoning o'zi o'nglab yubordi. Ro'paradagi katta

Idan yaqinda avtobus qatnaydigan bolib, ko'cha bo'lganda ham - beton zinalariga temir quvurdan ustunlar qoqlib, tepasi yashil shifer bilan yopildi, soyabon tagiga sirlangan skameykalar qo'yildi, xullas, havasga kelib o'tradigan.

Bekat kecha-yu kunduz gavjum, shovqin-suroni xatcha xolaning derazasidan kirib turadi. Terlab-pishgan shofyor bir piyola suv so'rab kirs, Xatcha xola xursand bo'lganidan ko'k choy damlab yoki muzdek ayron atalab beradi. Shofyor bolaning

ISBN 978-9943-28-400-5

© Asqad Muxtor, 2015, 2018  
© «O'ZBEKISTON» NMU, 2015, 2018

qora moyga belangan qo'llarida shokosani baland ko'tarib, ayronni qult-qult sipqorishi xolaga o'zi bir baxtday ko'rindi. Qarashlari mayinlashib, suq bilan tomosha qiladi. Goho yomg'ir yog'ib qolsa, qop, tugun ko'targan yo'lovchilar ham Xatcha xolanikida pana oladi. Jazirama tush paytleri yosh bolali yo'lovchilarga rahmi kelib, xolaning o'zi ularni derazadan imlaydi, ichkariga, salqingga taklif qiladi, bolasiga pechenye yo olma tutqazib, ko'zi quvonadi. Bora-bora ko'p shoyyorlarning ham, muttasil qatnaydigan yo'lovchilarning ham otlarigacha biilib oldi. O'zi esa hamma uchun «xola» edi.

- Xola, buni sizga olib keldim...

- Xola manov shu yerda tura tursin...

Birov tugumni qo'yib, birov echkisini bog'lab, yana birov go'dagini ushlatib ketadi. Biron sabab bilan avtobus uzoq kuttirib qo'ysa, choyxo'rlik, chaqchaq gurung xolanikida bo'ladi. Ne gaplar o'tmaydi bu yerdal! Shahar-u qishloqning butun yangiliklarini eshitasiz, Xatcha xolaning ham turish-turmushi ham-maga ayon: pensiyani qayyoqqa sarflashi, o'g'idan qancha kelishi, kelin...

- Kelinni qachon ko'ramiz, xola?

Ilgari bo'lsa, bu savol og'ir botardi. Lekin endi kelin tugul bebosh o'g'lining o'zi ham xayoliga kelavermaydi. Sog'inish, zerikishlarga fursati ham yo'q. Suronli, ivrisiq hayotga shunday o'rganib qoldiki, agar birov kelib, ertaga hammasi boshqa-cha bo'ladi, desa, xudo saqlasin, shu xabarning o'zidanoq xolaning yuragi yorilib, bir kor-hol yetishi mumkin.

Xolaning tanish-notanish odamlarning hojatini chiqarishdan bo'lak tashvishi yo'q. Bozorini ham

Siddiqjon degan pakanagina qora shofyor bola qilib berib turibdi. Tunov kuni sabzi-piyozdan tashqari, yo'l-yotakay xo'jalik markazidan uch oylik gaz baloni ham keltirib, hovliga yummalatib ketdi.

Shunday azamat avtobusni o'yinchoqday olib yuradigan yosh, baquvdat shu Siddiqjon ham keksa xolaga havas qiladi.

- Men sizning o'rnингизда bo'lganimda, tarallabedod qilib yashardim.

- Nega unday deysiz, bolam?

- Shukur qiling Siddiqjon. Birovlar borki...

- Boqishni aytaman-da, xola. Xo'p men ketdim. Siddiqjon doimo shoshgan shoshgan. Gapini tugatmay jo'naganida xola hammavaqt orqasidan jilmayib qarab qoladi: shu yoshida yetta-ya! Bu ham shoshganidan, omon bo'lgur.

Nonni Sobira degan hamshira xotin olib keladi xolaga. Shundoq non do'konining yonginasida turarkan, ishga ketayotib uch kunda bir yumshoqqina ikkita non tashlab o'tish unga hech gap emas. Ba'zan esidan chiqsa, xola hech xafa bo'lmaydi. Biladiki, o'zining ham tashvishi boshidan oshib yotibdi, juvon sho'rlikning. Eri bilan airashib, g'ururining zo'ridan, hech narsa talab qilmay, uydan bitta ko'yakda chiqib ketibdi. Bo'lmasa kattagina ro'zg'orlari, mashinalari, yana birga orttirgan alanimalari bor ekan, talab qilsa, qoq yarmini olardi. Xola shuni aytса, jahli chiqdi:

- Shu gapni qo'ying, xolajon, men ochimdan o'imayman! - dedi. Dedi-yu, uzoq jim bo'lib qoldi. Xullas, sir ko'p bu juvonda.

Bir kuni avtobus bekatga kelib to'xtaganda  
Siddiqjon kabinasidan salonga chiqdi:

- Oralaringda elektrik yo'qmi? Xolaning chirog'i  
o'chib qolgan, - deb so'radi.

Yo'lovchilar orasidan elektrik chiqmadi-yu, dera-  
za yonida o'tirgan keksaroq rus kishi birpasdan  
keyin tovush berdi.

- Bunga montyor bo'lish shart emas, ana ko'rinish  
turibdi - terakning shoxi simni bosib tushibdi...

Matvey degan bu xirqiroq ovozli kishining  
otini ko'pchilik eslo mas edi-yu, o'n yashar yetim  
nevarasini «kish o'rgataman» deya ergashtirib, har  
kuni qurilishga qattashimi hamma bilardi.

- Viktor sumkani ol-chi! - nevarasini oldiga  
solib, avtobusdan tusha boshladi. - Uch minut  
kutasizlarmi?

- Kutamiz! Kutamiz! - deyishdi. Faqat Sobira bilan  
yana allakim shoshib turishgan ekan, soatlari ga qarab  
burunlarini jiyirishdi-yu, ko'pchilikka bo'y sunishga  
majbur bo'llishdi.

Keksa ishchi qandaydir shoti topib, Viktor  
uzatgan qisqich bilan simni bir zumda qirqib uladi,  
keyin birato'l shoxni arralab tashlamoqchi bo'llib,  
arra qidira ketdi.

- Ichkarida, divanning tagida, aylanay, - dedi  
Xatcha xola. U o'zi yo'lakdag'i sandiqni ochib, lattaga  
o'r algan pullarini titar edi: cholga ul-bul berish  
kerak, har holda, begona odam...

Viktor shotini ushlab turdi, bobosi shoxni ham  
qirqib tashlab, ayvondagi chiroqni charaqlatib  
yondirganida avtobus derazasidan hamma narsani  
ko'rib turgan yo'lovchilar «Ura!» deb qichqirishdi.  
Go'yo bu yaxshilki o'zları qilib qo'ygandalay. Matvey

hovlidan chiqayotganida xola darvoza yonida yo'lni  
to'sdi.

- Baraka top, znakom, - deya qo'liga uch so'm  
tutgan edi, keksa ishchi kulib, bosh chayqadi.  
Olmadı.

Avtobus jo'nab ketdi.

Xatcha xolaga bu yo'lovchilarning quvonchigina  
emas, tashvishlari ham tatirdi. Birovi kelib mushkul  
bir maslahat soladi, birovning qayg'usiga sherik  
bo'lib, tasallli berish, ko'nglini olish kerak. Kecha  
bekatga Sobira kelib, hech kim bilan gaplashmay, bir  
chetda yolg'iz ancha turdi, keyin Xatcha xolanikiga  
kirib, stol chetida tumshayib o'tirib oldi. Avtobus  
keldi ham, shoshilmadi. Shofyor o'zi kirib «lalayib  
o'tirmanglar, ketamiz», desa ham, Sobira indamadi.  
Siddiqjon, albatta, avvalo, bir kosagina ayron  
dardida kirgan. U bu uyda o'zi xo'jayin, ayronni ham  
o'zi qiladi: ayvonda chakillab tomib turgan sarg'ish  
xaltachadagi suzmadan jinday chimdib, kosada  
muzdek suuga atalaydi-da, ho'kizzay pishqirib  
shimiradi, keyin g'udur peshonasini yengi bilan  
sidirib artadi.

- Ketdik...

Sobira burchakka tikilgancha o'tiraverdi. Avto-  
bus jo'nab ketgandan keyin Xatcha xola ham uning  
yoniga kelib, mung'ayib o'tirdi.

- O'zing chiqqib ketgan bo'lsang, muncha kuyasan?..  
- Ishingiz bo'imasin...

Shu o'tirishda Sobira azongacha qimir etmadı.  
Yarim kechada xola turib, uning titroq yelkasiga  
o'zining shol ro'molini tashlab qo'ysi. Uning  
saharlari sovuqdan shumshayib chiqqib ketayotganini  
ko'igan Xatcha xola juvon o'lmagurning ko'ngliga

yo'l topmaganiga afsus chekdi. «Sho'ring qurg'urning yotarli joyi ham yo'qmi, nima balo?» degan shubbaga borib, yuragi uvishgancha izidan qarab qoldi.

Odam bor joyda tashvish bor. Shular bo'lnasa, xola nima qillardi. Nonushtadan so'ng shu to'ng badbaaxning tumshayish sabablarini surishtirib bilmoqchi bo'ldi. Jamoa xo'jaligiga boradi, zarur bo'lsa idoraga krib, boshliqlarga maslahat soladi. Bo'lnasa, g'ururi qursin, qaytaga o'zini xor qilyapti, juvon o'lgur.

Lekin Xatcha xola hech qayoqqa borolmadi. Kutilmaganda o'zining boshiga kulfat tushib qoldi. Nonushtadan keyin dasturxonni o'rab, negadir sandiqni ochdi-yu, hang-mang bo'lib, o'tirib qoldi. Pensiyadan orttirib ikki yildan beri jamg'argan puli... Sandiqni titib tashladi, bo'g'lnari qaltirab ketdi. O'g'lining qiyig'iga tugib qo'ygan edi, tuguni bilan yo'q! 430 so'm! Bu qanaqasi bo'ldi? Sandiqqa kim daxl qilishi mumkin?

Xatcha xola butun uyni yana bir titdi. Nima balo, odamlar bilan bo'lib, u dunyoligini ham unutdimi? Uch yil oldin o'g'lidan kelgan 60 so'm ham shuning ichida edi, niyatları bor edi... Endi bunday pulni qayaoqdan oladi? «Sho'rim quridi, sho'rim qurib qoldi, odamlar!..» deb soniga shaptilab, tovushsiz yig'lardi kampir. U birdan yana ham keksayib qolgandek, majolsizlamib, serajin nam yuzlari burushib ketdi, o'llimi ko'z oldiga keldi... Nima qiladi bir tiyinsiz, qandoq oyoq uzatadi? Qandoq ko'z yumadi?..

Anchagacha bosh ko'tarolmay o'tirdi xola. Aksiga olib, avtobus ham ko'rinnasdi, odamlarga tezroq yuragini yoray desa. Aytganday, odamlar.. ularga nima deydi? Dabdurstdan... kim olgan bolishi

mumkin? Ular orasida shunday odam bormi? Nahotki? Xola hammasini taniydi-ku? Birontasidan shubha qilishga ko'ngli boradimi?

Lekin xola hamon tinchiyolmas, borgan sari alam qillardi. 430 so'm-al Uch so'mdan-to'rt so'mdan, goho tiyinlab orttirib jamg'argan edi. Uning shu puldan boshqa nimasi bor? Nahotki shunday noinsof odamlar bo'lsa?

G'azabi sal bosilganda Xatcha xola sandiqni ochgan paytlarini, uyiga kirib turadigan odamlarni birbir eslab, ko'z oldiga keltira boshladı. Ko'plarida pulga muhtojlik, sekin olib cho'ntakka solishga sabab, vaj bor, albatta. Siddiqjonning o'zi... yetta bolani boqish o'zi bo'ladimi? Sobira-chi, sho'ringga sho'rva to'kilgur... boshpanasiz alamzada. Tag'in anavi, oti nimaydi, Matvey... xola uni yaxshi tamimaydi ham, o'sha kuni mishiqi nevarasi bilan xonama-xona yurib... Lekin, yo'q, bularning pulni olishga sababi bo'lsa ham, vijdonlari yo'l qo'ymaydi!

Xolaning xayoliga hech narsa sig'may qoldi. Boringki, gap pulda ham emas. Jumboqning o'zi g'alati axir. Bordi-yu, biron tasidan shartta so'rasa-chi? Kampirdan xafa bo'larmidi? Masalan, Siddiqjondan... o'z uyidagiday bamaylihotir kiradi, o'tiradi, gugurt qidiradi, choy qo'yadi, qatiq ichadi, goho issiqa graikkä qarab olib, bir zum cho'zilib ham oлardi... juda muhtoj bo'lib turgan paytida, shundoq ko'zi tushgan bo'lsa-yu... «Bir oyog'i go'rda, shuncha pulni nima qiladi», deb.

Shu mahal avtobus kelib qoldi-yu, Xatcha xola buni astoydiroq o'ylashga ham ulgurmey, Siddiqjoni bir chetga chaqirib, bor gapni ayтиб qo'ydi. Siddiqjon kampirga tikligancha anqayib qoldi.

Bunday jumboqni boshqa birovdan eshitganida-ku o'zi bilardi.. Lekin hozir xolaning ahvolini ko'rgach, o'z izzatini ham unutib, g'azabini bosdi-da:

- Men kelaman, tekshiruv o'tkazamiz! - deya jo'nab qoldi.

Xatcha xola «men olganim yo'q», degan javobni kutgan edi. Javob mujmalroq tuyulib, allaqanday o'yarga bordi. Bir ko'ngli - Siddiqjon pulni olib keladiganday ham bo'lib ko'rindi.

Ammo Siddiqjon kechqurun ishdan keyin juda jiddiy, qandaydir begonaroq qiyofada kirib keldi.

- Qani, qayerda edi? Qachon payqadingiz yo'qolganini? Doim ochiq turadimi? - deb xuddi tergovchiday, xuddi hozir o'g'rini tutib, pulni topib beradiganday savol yog'dira boshladi. U yoqqa bordi, bu yoqqa keldi, o'tirdi, o'yaldi, lekin «men olganim yo'q», deb ayttishni or bildimi, indamadi. Shunda xola asta kelib uning yomiga o'tirdi-da, qandaydir umid bilan, yosh bolani avrayotganday:

- Bolam, qari odam pulni nimaga jamg'aradi, bilasiz... Buning gunohi...

Siddiqjon endi o'rnidan turib ketdi.

- Xola! Topamiz pulingizni! Agar o'g'rini sizga o'zim tutib bermasam, shu yerda til tortmay... Yoki... - uning ko'zi dahshatli olaydi, - yoki mendan ko'raysapsizmi?

Xolaning tiliqa so'z kelmadi. Siddiqjon qayoqqadir shoshib jo'nab ketdi. Kampir yerga qaraganacha qoldi. Ertasiga ko'zlar qizargan, sochlari to'zg'igan Sobira shaxd bilan kelib, kechagi shol ro'mohni ko'chadagi skameykaga tashlab ketdi. Peshinga borib, Matvey chol o'z nevarasini qon-qora qaqshatib kaltaklagan emish, degan xabar yetib

keldi. Siddiqjon jahl bilan yana allakimlarni haqorat qilibdi. Xola bularni eshitgan sari eti uvishib, o'z qilmishidan pushaymon, o'zidan nafratlanar edi. Buning ustiga, uchinchi kun deganda tokchadan samovarni ko'tarsa, orqasidan o'sha tugun sabil chiqib qoldi. Xola ne ko'z bilan ko'rsinki, hamma pullari joyida! Bari esiga tushib, yerga o'tirib qoldi: o'sha Matvey chol simyog'ochga chiqqan kuniunga uch so'm beraman deb, tugunni ochganida uni sandiqqa qaytib qo'y may, tokchaga tiqa qolgan ekan. «Esim qursin-a, bu kuminidan bekafan ketganim afzal emasmidi!» deb, ho'ngrab yubordi kampir. Topilgan pullar ko'ziga ilon-chayonday souvuq ko'rinib ketdi. «Endi nima qilaman? Nohaq ranjitan bu odamlarimidan endi gunohimni qandoq tilab olaman?» der edi xola.

Uy huvilab qoldi. Quvnoq odamlar ham, echkinning ma'rashi ham, bolaning yig'isi ham eshitilmaydi. Bekatta onda-sonda ko'ringan yo'lovchilar tezroq avtobusga o'tirib, jo'nash payida bo'lar, Xatcha xolaning ochiq derazasiga hech kim qayrilib qaramas edi. Kunlar o'tdi, xolani yolg'izlik g'uussasi ezaverdi. U oqibatsiz o'g'lini eslar, ishtahasi yo'q, bukchayib qolgan edi. Qani endi bironiasi eshik qoqib kirib kelsa, o'sha notanish betavfiq kelini bo'lsa ham mayli edi.

Avtobus chang to'zg'itib jo'nab qolganda Xatcha xola deraza rafiga suyanib, yolg'iz pichiraydi.

- Siddiqjon, bolam, kechir...

Yo'lovchilar to'la avtobus yana keladi. Guvil-laganacha yana siljib ketadi. Xatcha xola derazadan qarab qoladi - odamlarning har biriga borib aytay olmaydi-ku, rozini. Lekin ko'zlarida hamon o'sha

mung: «Tashlab ketmang, odamlar, kechiring meni... Men sizlarni oson topgan edim, balki shuning uchun qadringiza yetmadim. Mayli, boshqa qiyinoq bilan jazolanglar, lekin yolg'iz qo'y manglar, bolalarim...»

## SHERBEKNING ARG'UMOQ'I

**Sh**erbek bolaligidan otni yaxshi ko'rardi. Tanaf-fus vaqtida daftariga chopqir toychoqning suratini chizib, o'zi tomosha qilar, darslardan bo'shadi, deguncha Ippodromga yugurar edi.

U yerda uning tanishi Zokir chavandoz o'zining otini yuvib-tarashga, sug'orish, tizzinidan tutib turishga ruxsat beradi. Sherbek Zokirga beminnat yordamchi bo'lub qolgan. Otxonani tozalaydi, egar-jabduqni joy-joyiga ilib, otni ko'l yoqasiga yetaklab chiqadi. Zokirning oti juda chiroyli qora arg'umoq, ismi ham o'ziga yarasha «Duldu». Sherbek yapanlang'och bo'lib, uni salt minadi-da, ko'nning chuqur joyiga chulaydi. «Duldu» yaxshi suzadi, sovuq suvda rohat qiladi.

Oyatib chiqqandan keyin, sayozroq joyda Sherbek uni maxsus cho'tka bilan ishqab, yana yuvadi. Titrab, yilt-yilt etib turgan sag'risini qayta-qayta siypab taraydi. Uzun bo'yими, ikkiga bo'linib turgan semiz sirtimi, quyib qo'ygandek chiroyli, ingichka, kuchli oyoqlarini, aqlli ko'zlarini havas bilan uzoq tomosha qiladi. Ot unga xuddi odamdek aqlli, mehribon bo'lib tuyuladi. Bo'yindan quchoqlasa, «Duldu» ham go'yo uning yaxshi ko'rishini tushungandek, indamay turadi...

Urushda ot qayoqda deysizi! Nuqul tank, pule-myot, zambarak – bari temir-tersak... Avvallari Sherbek otni xuddi qishlog'ini, ota-onasini, uksini sog'ingandek sog'indi. Lekin keyinroq... sog'inishga vaqt bormi! Qur-showda qoldi, atakaga bordi, yarador bo'ldi. Sekin-sekin ot ham esdan chiqib ketdi. Sanab ko'rsa, olti marta yarador bo'libdi. Bir martasida o'rtasida tupo-roq ostidan kovlab olib, gospitalga eltgunicha ham hushiga kela olmabdi. Lekin Sherbek baquvvat edi, tuzalib, yana boyagi-boyagidek safga qo'shilib, jangga kiraverdi. Jang ham endi odatdag'i ishdek bo'lib qol-gan edi, axir to'rt yildan beri...

Darvoqe, to'rt yil deganda Sherbek birinchı marta otga duch keldi. Otlarni ko'rди-yu, butun hayoti, bolaligi ham, ertasi kuni ham ko'z o'ngiga kelib, o'yari, tuyg'ulari alg'ov-dalg'ov bo'lib ketdi. Ot bilan uchras-handa bu qadar dahshatga kelishini o'ylamagan edi. To'rt yil urishib, hali hech qachon yuragi bu qadar larzaga kelmagan.

... Dengiz bo'yи edi. Sherbeklarning qismi nemis-larni yarim orolning uchigacha surib borib, suvga uloqtirdi. Keyin o'zları ham sohilga chiqib borishdi. Qirg'oq tikka jar edi. Sherbek shu jarlik tepasidan dengizga tikildi. Uzoqlarda uning to'linlari mo-viy ko'rinardi, berirog'i esa – kuhrang. Undan ham berirog'i, sohilga tutash joylari... qip-qizil. Qon. Sher-



bek ko'zini ololmay qoldi. Yonida jangovar sherkilari gaplashishar, yerlik jamoa xo'jaligi a'zosidan birimi ortaga olib, suhbatlashishar edi. Sherbek qirg'oqdag'i to'lqinlardan, yana allaqanday qora do'ngilklardan ko'zini olmay, gapga quloq soldi.

Xo'jalik a'zosining gapiga qaraganda, fashistlar yarim oroldan qochayotib hamma narsani - yo'llarni, ko'priklarni, fermalarni, omborlarni, maktablarni portlatishgan, yondirishgan. Ammo otlarni nima qilishni bilishmagan. Bu yerdagi ot jamoa xo'jaligining bir necha ming yilqisi bor ekan. Dushman oxxonalar-

ga o't qo'ygan-u, otlarni na yondirishning, na portlatishning ilojini topolmagan. Shunda fashistlar yilqi uyurlarini shu tikka qirg'oqqa haydab kelib, hammasini bir-bir otishgan. Ertadan kechgacha o'q ovozi eshitilib turgan. O'q yegan jonivorlar tikka qirg'oqdan dengizga ag'anayvergan...

Bir necha ming ot... Sherbek ularning sayoz sohilda toshday qorayib yotgan jasadlarini, ularning naqadar ko'pligini endi payqadi. Minglab ot jasalari qizg'ish ko'pqli to'iqinda tebranan, dahshatli dengiz o'lik uyurlarni kavshab yamlayotgandek edi...

Sherbek, ko'pni ko'rgan jangchi Sherbek shu yerdan hushidan ketib qoldi.

O'rtoqlari hayron edi. Ular Sherbek uchun ot nima ekamini bilishmas edi-da. Birov «qon hidi ta'sir qildi» desa, birov «charchagan, dengiz havosi elitti» - dedi, Sherbekni ko'tarib, medsanbatga olib bordilar.

Yarim kechada Sherbek ko'zini ochdi. U biridan qarib qolgandek, qorong'i tunda rangsiz-ruhsiz ko'rindi, sochida oq tolalar ham paydo bo'lgan edi.

Yuragi go'yo bo'm-bo'sh, mislsiz g'azab uning bolalikdan ardoqlagan hislarini ham, yigitlik darmonini ham go'yo yeldekk uchirib ketgan edi. Horg'in mijjasini yumganida, qizil to'lqin ichida kishnab chopayotgan qora arg'umoq ko'z oldiga keldi...

## TO'QQIZINCHI PALATA

*Nafing qancha bo'lsa - umring shuncha (Quloqqa chalingan gaplardan)*

Qurilish shaharchasining yangi kasalkonasi juda qulay joyga tushgan - tog'ning kungay etagi, bir tomoni yosh terakzor, katta yo'dan uzoqda. Yoz kunkari bemonlar derazalarni lang ochib, tog' havosini to'yib-to'yib shimirishadi.

Bahromovning palatadagi qo'shnisi keksa odam, alvoi ancha og'ir, lekin ko'p sergap ekan, yotgan joyida ham inqillab gapirishni qo'ymaydi.

- Ha hozirgilarni nuqul yuragidan olyapti, taqsir, oltmisiga bormay, «sersam-sersam»ga tushib qolishyapti. O'zlarini nechaga kirdilar?

- Oltmis yetti, - dedi Bahromov.

- Ana Bizniki shu yil tut pishig'ida ikkam sakson bo'ldi, xudoga shukur, sera-persa bilan ishimiz bo'lgan emas...

Lekin Bahromov ko'rib turibdiki, cholning mazasi yo'q, salqi qovoqlari sap-sariq, kecha sartarosh kelganda ham ornidan turishga majoli yetmad. Undan ko'ra, qimir etmay yotsa ham, Bahromovning o'zi te-tikroq.

Hamshira kirdi. Bu Ma'mura degan uzunchoq yuzli, bo'ydorgina qora qiz edi.

- Sizga qimirlash mumkin emas, bilasiz-a, - dedi u Bahromovning yostig'ini sal ko'tarib, - mana mun-

doq, faqat chalqancha yotasiz.

- Bilaman, bilaman, qizim, ming marta eshitdim, faqat... qancha? Qachongacha shunday yotaman? Hech kim aytmaydi.

- Aytamiz.

Ma'mura «aytamiz» derdi, lekin uning shu holda qancha yotishi kerakligini bilmasdi - bir haftami, uch oymi... Hamshiraning vazifasi bemorni ogohlanitirib, ko'z-qulqoq bo'llib turish.

Ammo Ma'muraning bu palatadan ko'ngli tinch edi: bemorlari beozor, ikkalasi ham keksa, bosiq odamlar, kelgan kuniyoq til topishgan, u dunyo-bu dunyodan gaplashib, ortiqcha oh-u nolasiz kуни kech qilishadi.

Hamshira cholga ham dori ichirib, chiqib ketdi. Ochiq derazadan maysazor maydon ko'rinnardi. Barra maysada hurpaygan chipor tovuq jo'jalarni ergashtirib o'tib borarkan, Bahromova o't-o'langa qoqina-qoqina tizilib ketayotgan bu sarg'ish-yashil momiqchalar juda zaif, himoyasizdek tuyulib ketdi, kalxat-malxat yo'qmi, deb osmonga ham qarab qo'ydi, osmon shishadek tiniq edi. Uch haftadan beri qimir etmay chalqancha yotib, badanlari tosh qotib ketgan Bahromov hamma narsadan bezor bo'sdi, hamma narsadan to'ysi-yu, mana shu tubsiz tiniq osmonga tikilib to'ymadi. Goho shu soflikka tikilib, xayolga cho'mganida cholning ming'ir-ming'ir gapi han bachkana tuyulib, yoqmay qoladi, qulqoq solmay qo'yadi.

- Bugun ham kun o'tdi, - dedi chol, - ana, taqvodor qo'shnimiz namozi asirga o'tirdi, qarang...

Bahromov qaramasa ham biladi: sayxonning nariji chetida tikanaq chetan bilan ihota qilingan salqin mevazor hovli bor, hovlining egasi doim oq yakkak, oq ishton kiyadigan namozxon odam. Besh vaqt namozini kanda qilmay, mana shu hovli etagida o'qydi.

Qo'shnisining bu taqvodorni orqavorotdan kalaka qilishlari yoqmasdi Bahromovga. Oti Hoji buva, o'zi saksonga borgan bo'sha ham, kasalxonaning yovg'on oshini bismillosiz tushiradi. «Imonsiz chol» deb qo'yardi Bahromov ichida.

- U dunyodan umidi katta qo'shnimizing, - dedi Hoji buva.

**2520.** - Ha, umid... - Bahromov osmondan ko'zinii uzmay gapga qo'shildi. - Umid degan odam bolasini ne ko'yilarga solmaydi. Bir kitobda o'quvidim - Hindistonda keksalar muqaddas Gang bo'yida jon berishni orzu qilisharkan. U yerda o'lgan odam shahid ketib, to'g'ri jannatga noil bo'larmish. Shuning uchun odamlar Gang sohilida uzlat chekib, haftalab och yotishar, kecha-yu kunduz xudodan o'lim tilashar ekan. Umid shunaqa. Umid har xil bo'tadi... Hoji buva. Biri diligni kundai ravshan qilib, bamisol qanotdek osmonga uchirsa, biri...

- Yo'q, menga unisi ham kerak emas, bunisi ham... - dedi «imonsiz» chol zahil yuzimi, ko'ksiga yoyilgan soqolini silab. - Mening umidim - yashash. Shuncha umrni bergen xudo buyog'ini ham aya-

- Nima ish qillardingiz, buva? - so'radi Bahro-

mov.

- Endi ish qoptimi, taqsir, - dedi chol, chamasasi WAZIR VAZIRIYATI o'ziga qo'shishdan chalq'itishga urinib - kop ish qul-

2 - DAVLAT PEDAGOGIKA INSTITUTI

AXBOROT RESURS MARKAZI

17



- Meniki bo'lnasa, o'zgalarniki bor, Hoji buva, - dedi Bahromov, yostig'ini sal qiya qilib derazadan bo'qdi. Alisher, xuddi o'ylaganidek, adashib chiqqan bir jo'janing ketidan xuddi koptok singari yumalab ketib borar, oyisining kuyib-pishgani bilan ishi yo'q edi.

Bahromov to qosh qorayguncha derazadan ko'z uzmadidi. Uning so'lgin yuzida xira nurlangan shom sharpalarini tushunmagan Hoji buva yana bir nimalarni gapirdi, shu yoshidagi oyisiga quloq solmagan Alsherni «tirmizak» deb so'kdimi, u odam bo'lguncha onasi qarib-churiydi, undan umidi nima bo'lardi, dedimi, bu gaplar Bahromovning qulog'iga kirmadi. Qiziqliki, boshida hech qanaqa o'y ham yo'q edi, shunchaki, hech narsani o'ylamay, rohat qilib yotaverdi. Keyin shu bilan uyquga ketibdi.

Ertalab chamalab qarasa, shunday miriqib uxlabdiki, ko'p oyillardan beri shunday shirin uxlagani yo'q edi. Shunday bo'laversa, tuzalib ketishi ham hech gap emas.

Biroq shu kuni kechga yaqin qo'shnisi Hoji buvaning ahvoli og'irlashib qoldi. Uning to'satdan «o'laman»ga tushib qolishi birinchi marta bo'layotgani yo'q, lekin bu galgisi chindan ham xavfli edi, shekilli, vrachlar, hamshiralilar yugurgilab qolishdi. Uzoq davom etgan kasaldan keyin sarg'ayib ketgan, xaltadek osilgan badanlariga yana allaqanday ukollar qardashdi. Cholning yuzi cho'zilib ketgan, atrofdaglarni tanimayotgandek bejo tikilar, gapirolmas edi. Goh jon berayotgandek ko'zidan ma'nio qochganda, atrofdagilarning nafasi ichiga tushar, yurakni muzlatadigan sovuq jumlik cho'kkanda, Ma'muraning kolksini yorib chiqqan yig'i tovushi eshitilar edi.



Ma'mura cholning qiyngalnalarini ko'p ko'rgan. Ayniqsa, uning halviragan badanlariga igna sanchib qlynalişlarini ko'rgani ko'zi yo'q edi. Hozir ham vrachlar to'pidan chetda. Bahromov koykasining yonida turib, yig'lab, qizarib ketgan burnini xalat etagiga arttar edi.

- Nimaga qijmashadi-ya! Tinchgina jon berishiga qo'yishmay... Bahromov yotgan joyida uning qo'slini ushlab qisdi.

- Tavba deng, qizim.

Ma'mura baqirib yig'lab yuborishdan qo'reqib, yugurib bo'lishdi. Bemor bir zum tilga kirib: «Uydagilarni chaqiringlar, xayrashib, roziliklarini olay», dedi. Undan yana qon olishdi, tomiriga bir nimalar quyishdi, ukol qilishdi. Ertalab Ergash yetib keldi.

Bahromov uni sira ko'rmagan bo'lsa ham, darrov tanidi. Novcha bo'yli, tiyrak ko'zli, chayir o'spirin Ergash bir necha o'rtoqlari bilan kelgan edi. Buvasi uni tanimadi, kun yorishganda Ergash o'rtoqlariga javob berdi - ular smenaga borishlari kerak edi. Yolg'iz qolganda Ergash Bahromov bilan gaplashib o'tirdi. Bobosi ko'z ochganda go'dakday quvonib, xaltasini ag'dara boshladi:

- Qishloq bozoridan oldim, buva! Mana gilos, ko'nglingiz tusasa olcha! Jindak xomroq ekan, lekin yirik-yirik, qarang!

Shu-shu Ergash tez-tez keladigan bo'idi. Hoji buva bir haftaga qolmay, o'nglanib, oyoqqa turdi. U butunlay tuzaldi desa bo'lardi. Lekin qandaydir



xunuk to'lishib, ovqatga to'ymaydigan bo'lib qoldi. Kasalxonada bergenlari yuq bo'lmay, Ergash ko'tarib kelgan pomidormi, nonmi, kolbasami - barini ko'rdim demay supurib tashlaydigan bo'ldi. Shunda ham ko'zlar ola-kula. Bahromovning qolgan-qutganimi ham kishi bilmas yamlab, yana eshikka alanglar, ovqat kutar edi. Ovqat kelsa, og'zini chapillatib, soqollarini iflos qilib, ochko'zlik bilan tez, xunuk yeydi. Bahromov keyinroq sezib qoldiki, uning javonidan ham ba'zan beso'roq, ko'zini shamg' alat qilib, to'grisi - o'g'irlab u-bu yeydigan bo'ldi. Bahromov keksa odama yarashmagan bu qiliqdan dam hayratda qolar, dam rahmi kelib tikilar, ovqatdan chalg'itishga urinib, gapga solar edi.

- Ergashningiz siz aytganchalik «ko'chada qolgan» bola emas ekan, - dedi Bahromov, - gaplashib o'tirdik - havasim keldi. Aqli, mag'zi butun ishchi yigit. Vijdonli mehnatkash bo'ladi.

Hoji buva og'zini chapillatib, bir nimani kavshar edi, indamadi. Anchadan keyingina:

- Bugun kech qoldi, qayoqda daydib yuribdi ekan, bachchag'ar, - deb ming'lladi.

Bahromova u Ergashni emas, Ergash ko'tarib keladigan xaltani, oziq-ovqatni kutayotgandek tuyldi.

Endi Bahromovga juda qiyin bo'lib qoldi. Qo'shni bilan ilgarigidek gaplasholmaydi. Hoji buvанин gapi endi kasalliklar mavzuyidan chetga chiqmay qoldi, u ham ko'pincha ma'nosiz. Qachondir bod bo'lib, siyidik bilan davolanganı bormi, qaysi bir irimchi kampirning topgan giyoohlari bormi, ishqilib, na aqlga, na ko'ngilga qo'r bo'ladigan gaplar. Xunuk semirib, betinim pishillab ovqat yeyishlari bo'lsa,



joniga tegib ketdi. Tezroq tuzalib chiqib keta qolsa edi. Kasal deydigan joylari ham qolmagan, o'rnidan turib ham yuradi, lekin doktorlar negadir javob bermay, ushlab turishibdi.

Bahromovning ahvoli bo'lsa o'sha-o'sha. Qimir etmay chalqancha yotgani yotgan, atrofdagi hamma gap qulog'iga kiraveradi, qiladigan ishi yo'q, goho uymalashib kelgan oylardan boshi tars yorilguday bo'ldi. Eng dahshatlisi - uyqusiz kechalar.

Bugun kechasi osmonni bulut qoplab, yomg'ir beqaror shamol esib, yarim tunda to'zonli dovul turdi. Daraxtlar dengizdek shovullar, qayoqdandir ochiq qolgan deraza palatlari urilib, chilparchin bo'lar, terak shoxlari sinib tushar, to's-to'polon. Qora tun tuynugiga chang-to'zon tiqilib qolgandek, nafasi bo'g'ilari edi.

Bahromov zo'rg'a tong ottirdi. Ertalab Ma'mura derazalarni ochganda haligina sevalab o'tgan yomg'ir hidi keldi, osmon yana musaffo, ko'm-ko'k sayhonning har joy-har joyida sinib tushgan shoxlar yaproqlari so'lib yotardi.

Bahromov iliq yomg'ir yuvgan maysazorni uzoq tomosha qilib yotdi. Ertalabki quyoshda yilt-yilt etgan nam maysarning salqinimi bag'rida sezganday bo'ldi, jilmaydi. Shu maysani yalangoyoq bosib, lo'kangjab borayotgan Alisherga shunday havasi keldiki, ko'zidan yosh chiqib ketdi. Kim biladi, hozir yerni qo'msab, burishib yotgan tovonlariga shu maysa tegsa, butun vujudiga orom yetib, dardchil badaniga jon kirib tuzalib ketarmidi...

Bahromov xayolga sho'ng'ib ketgan ekan, birdan bezovtalanib, qichqirib yubordi:

- Hoji buva! Hoji buva! Alisher kelyapti, qarang!  
Qo'shnisi qimir etmadi: nima bo'pti, har kungi  
o'sha boladir-da.

- Qoch! Qayt! Kelma, Alisher! Qarang qo'shni,  
qarang, simga qarab kelyapti! Qoch deyman, qayt,  
ana oying chaqiryapti!

Alisher lo'ppi, momiq oyoqchalari bilan maysani  
bosib, hamon kelardi, oldida esa, tomdan uilib  
tushgan yaland'och simming uchi ilondek buralib  
yotibdi. Elektr simi! Bola yana o'n qadam yursa,  
yonib ko'mir bo'ladi!

- Qo'shni, jon Hoji buva, turing, yuguring, simga  
qarab kelyapti! Hoy, kim bor!

Hech kim yo'q edi, hech kim javob bermadi.  
Hoji buva asta turib, kavushini kiydi-da, derazaga  
yaqinlashdi. Qarasa bola chindan ham simga tikka  
kelyapti. Sim ustida kechasi dovulda simib tushgan  
o'rik shoxi ko'karib yotardi, danakday-danakday  
g'o'ralari yiltillab, bolani o'ziga tortardi chog'i.

- Tegma, - dedi Hoji buva. Bola eshitmasdi.

- Yuguring, jon aka, oling bolanil! - deb yalindi  
Bahromov, - uning ko'zlar bejo, o'zining ojizligidan  
azobda, bo'yin tomirlari bo'rtib chiqqan edi. - Tez  
bo'sangiz-chi!

Hoji buva bolani «bachchag'ar», onasini «qizi-  
g'ar», qaynatasini «taqvoyingdan o'rgildim» deb  
so'ka-so'ka, karavotiga o'tirib, paytavasini o'ray  
boshladi.

- Hoji buva! Jon aka! Qoch, qaytl! - deb talvasa  
chekar edi Bahromov. Hoji buva ming'ir-ming'ir  
qarg'anib, javondan borib etigini oldi, yana kelib  
karavotiga o'tirdi. Etik qo'nijdag'i eski loyni tirsagi  
bilan ishqab tozalay boshlaganida Bahromoving

sabr-kosasi to'ldi shekilli, ko'rpani shartta uloqtirib  
tashlab, derazaga o'zini urdi.

Hoji buva uning «Alisher! Alisher!» degan ovozini  
eshitib qoldi, xolos, qarasa - bir yarim oy qimir etmay  
chalqancha yotgan qo'shnisi ishtonchan maysada  
yugurib ketyapti!

- Hoy, sizga turish mumkin emas-a, hay siz  
yoting, qo'shni, nima qiliapsiz! - degancha Hoji  
buva derazadan qarab qolaverdi. Bahromov bolani  
simming shunday yonginasidan dast ko'tarib, olib  
krib qo'ysi. Ichkaridan Alisherning oyisi yugurib  
chiqli. Bahromov qaytib kelib simni tayq uchiga  
ilib, devorga ko'tarib qo'ysi. Keyin atrofiga alanglab,  
maysada gandiraklagancha derazaga qarab yurdi.

- G'o'rada olakeling birato'asi, qo'shni, - dedi  
ichkaridan Hoji buva, - hozir qatiqmi-sut payti, juda  
xushxo'r, nordon bo'ladi.

Bahromov eshitmadni, boshi gir aylanib, ko'z  
o'ngi qorong'ilashgan edi, derazaga kelib suyandi,  
qo'shnisi uni qo'liidan tortib, ichkariga oldi.

- Hoji aka... Hoji aka, qayerdasiz! - dedi yot-  
ganidan keyin ham hech narsa ko'rmay, - qanday  
yugurib borganimga hayronman, dorimni olib be-  
ring, - dorisini ichib ham ko'z ochmadi. - Ma'muraga  
aytmang, xo'pmi, Hoji buva... Xo'p deng.

- Xo'p, xo'p, akasi, lekin bekor qilding. Do'xtir  
buyurmaganini qilish kerak emas, rangingni qara,  
loxovla-a, murdaday bo'lib qolding.

Bahromov bir zumga ko'zini ochib unga qaradi-  
yu, yana yumdi. Tinchib qoldi.  
Qo'shnisi ham yoqasini ushlagancha o'rniga  
borib yotdi. Keyin Ma'mura kirdi. Hoji buva bo'lgan  
voqeani aytmadi. Bahromov aytadimi deb qo'rqib

yotgan edi, yo'q, aytmadı. Lekin Ma'mura dorilarni berib, chiqib ketayotganida Hoji buva uni to'xtatdi.  
– Qizim, sen... ketma. Birpas o'tir, – deb qoldi. Ma'mura cholning nimadandir qo'rqib qaltirayotganini payqab qoldi. Shunda ikkalasining ko'zları uchrashib qolib, qiz tushundi: Bahromov oppoq bo'lib yotardi.

Bahromov jum qolishlaridan ularning xavotirini sezdi-yu, gap bilan ovora qilishga urindi.

– Rostdan ham, Ma'mura qizim, biz qariyalar bilan ham bir nafas gplashib o'tirsang bo'lmaydim? – dedi madorsizligini yashirishga harakat qilib. – Yo boshqa palatada yoshlar ko'pmi? Darvoqe, bu yerga kelgandan keyin yosh bo'lib qayoqqa bordi, bu yerda yosh-u qari barobar, barining oti «bemor», – u gapni to'xtatmaslikka urinar, qizni o'zidan chalg'itish uchungina emas, o'zi ham hozir negadir sergapligi tutib, ko'nglmi nimalardandir bo'shatib olgisi kellar edi. Nafasini rostlab, davom etdi.– Odam bir umr esi past bo'lar ekan, qizim. Yoshimizni yashab qarimiz, munkayib qolamiz, olim yelkamizdan nuqib turadiyu, es-hushimiz hamon ravshan tortmaydi. Ammo, nihoyat, shunday bir zum keladiki, qizim, es-hushinggina emas, butun vujuding ravshan tortib, hamma narsani birdan tushunasan... Bir umr yongan-kuyganlar, yig'lagan-quvonganlar, xavotir-uvahimalaring orzu-armonlaring, bari shu bir zumda jam bo'ladi. Titraysan, lovillaysan, yuraging yosh to'kib, yengillashishi istaydi. O'zing ham yo'q, dunyo ham; nimadir, boshqa narsa ko'z oldingda turadi: u tunday qorong'i, quyoshdek yorug'..

Odam bu zunning kelishimi ilgaridan bilganda edi... Biz bilmaysmiz-da, qizim. Kunimiza quvo-

nib, yerimizdan, odamlar mehridan nurlanib yuraveramiz. Aytmaymizki, hay, inson bolasi, buning oxirida barini chaqmoqday yorituvcchi, yakunlovchi bir zum bor, unda hayotingdagi eng mayda narsalar ham buyuk bo'ladi, butun bosib o'tgan yo'lling esa, cheksiz bir olamdek ko'rindi. Hayratda qolasan: nega buni bilmagan ekanman, nega buni ilgari o'yamagan ekanman, deb hayratda qolasan...

Bahromovning yana ko'p gaplari bor edi, shekilli-yu, darmoni yetmadi. Ma'mura unga sehrlangandek termilib qolgan edi. Birdan pay-qadiki, bemorning yuzi yorishib ketdi, lab-liga rang kirgan, qoshlari qop-qora, uzunuzun kipriklari nurlangandek edi. Ma'mura Bahromovning bunday chiroyli odam ekanligini ilgari payqamagan ekan, qo'rqib o'rnidan turdi. Ko'ngliga dahshatlilik fikr keldi: «Nega bexosdan bunday gaplarni gapirib qoldi!»

– Endi, sen boraqol, qizim, damningni ol, men uLAYMAN... – dedi Bahromov.

– Yo'q, men shu yerda o'tiramani! – deb yubordi Ma'mura. O'zining owozidan o'zi cho'chib tushdi. Nega bunday deganini o'zi ham bilmaydi, lekin Bahromov unamadi.

– Bor, men uLAYMAN, xayr... – dedi qizning qo'lini zaifgina qisib.

Bir soatdan keyin Ma'mura palataga Alisherning onasini boshlab keldi.

– Mana shu yerda, shu, shu, – der edi ayol; uning quchog'ida bir dasta atirgil. Alisherini yasantirib, yetaklab olgan, Ma'muraning ogohlanlantirishiga qaramay, bostirib kirib kelaverdi.

Ma'mura bemorning yoniga borib:

- Bahromov aka, uxlaysapsizmi, mana sizga gul keltirishibdi, - Ma mura ovozini pasaytirib, ayoldan so'radi: - Kimdan? Kimdan dedingiz?

- Alisherdan.

- Alisherdan ekan, mana, voy manavi gulni! Bahromov aka...

Bemor uyg'onmagandan keyin hamshira uning yuzini ochdi-yu, sariq devorga yuzini bosib qotib qoldi. Bir zumdan so'ng yelkalar titrab, yig'lab yubordi.

- Voy, o'lay! - deb qichqirdi ayol Alisherini bag'riga tortib.

Bahromov o'lgan edi.

Ma'mura yig'lagancha doktorlarni boshlab kirdi.  
- Bilgan edim, ko'nglim sezuvdi, nega ketdim!  
Nega ketdim! - deb yig'lardi Ma'mura. Ayol nima qilishini bilmay, guldastani o'rtadagi javon ustiga shisha bankaga soldi. Javonning u yonidagi o'rinda Hoji buva suyuq ovqatga qo'llini solib, bir nimani kavshayotgan edi. Javon ustida ertalab Ergash keltirgan olmalar qip-qizarib yotardi. Alisher yonib-yillab turgan olmalarga zavqi kelib, tikiilib boqqan oldi. Hoji buva isqirt qo'sli bilan darrov yig'ishtirib oldi. Buni payqagan Ma'mura qizargan ko'zlarini bilan cholga shunday achinib boqdiki, go'yo bu palatada hozirgina Bahromov emas, Hoji buva jon bergen edi.

Qiz Alisherni bag'riga olib, chiqib ketdi. Keling ham o'lik yonida og'zini chapillatib ovqat yayayotgan cholga g'alati qarab, uning yonidagi guldastani oldi-da, Bahromovning ko'ksiga avylabgina sochib tashlab, Ma'muraning ketidan tez chiqib ketdi.

Shom oldidan maysazorda yana chipor tovug bilan momiq jo'jalar, yana qizil botinkacha kiygan yum-yumaloq Alisher ko'rindi, to'qqizinch palatining derazasida esa yana katta, durkun guldasta paydo bo'ldi.

### ATIR

### U

Idoraning eshigiga barvaqt kelib qolgan ekan. Hali qorovul ham tol soyasidagi chorpoymaga choppinsi tashlab, xurrak otib yotibdi. «Hoy, Madraim nima qilib yuribsan sahamardonda?» deydig'an odam yo'q. Suvhiniki shu-da, hamma uxlaganda ishlaydi, hamma ishlaganda uxlaydi. Quyosh nayzaga kelganda shiypponning zaxroq burchagini tanlab, jindak mizg'ib oladi-da, tun o'zinik, oydinda suv tarab tong ottiradi. Hozir ham daladan kelishi. Ketmonni zinapoya suyab, etigining loyini obdan qirib artgach, qabulkonaga kirib o'tirdi. Nos otib, mulohazaga tushdi: bemavrid keldi-yov... javob berishi amrimahol. Ha, saratonda suvchining joyi xuddi shaharda, deya kesabit chiqarvorsa-chi? Tag'in bilib bo'lmaydi, qaysi tomoni bilan turganiga ham bog'flq. Omadi yurishib, yosh xotindan xursand bo'lub, chehrasi ochilib qolsa... Raisning mashinasi charaqlagan quyoshni chaqnatib, soat sakkizlarda kelib to'xtadi.

- Suv qalay?

- Suv serob.

- Ko'llatmanglar.

Rais shunday dedi-yu, salomlashmasdanoq idorasiga kirib ketdi. Madraim qabulkonada esankirab, yaktagining etagi bilan peshonasini qayta-qayta sidirib artgancha, kirsammi-kirmsasammi deganday



depsinib turdi-da, tavakkal qildi shekilli, nosqovog'ini qayta belbog'iga qistirib, eshik qoqdi. Ichkaridan ovoz kelmasa ham ochib kiraverdi.

- Frontchi o'rtog'im kasalkona tushib qolibdi, xo'javin. Xabar olmasam bo'lmaydi. O'zingizdan qolar gap yo'q, birga olib, birga tilig'an qiyomatlik oshna... Shomgacha aylanib qaytaman, xo'javin, - dedi elanib. Nima desa ham, jerkib tashlasa ham, chidab beraman, deganday yerga qaragancha kutdi. Rais uzoq indamadi.

- Mayli... - dedi anchadan keyin.

Tavba, astag'firullo, ko'z tegmasin bu yosh xotinning sharofati, albatta. Lekin aynimasdan turib, paytidia jo'nab qolish kerak.

- Menga qarang - dedi rais uni ostonada to'xtatib. Madraimning yuragi shuv etdi: «Aytmadimmi, ana, aynidi!» Rais bir parcha qog'ozga nimadir yozib, ellik so'm pul qo'shib uzattdi.

- «Domdehqonga» tushasiz-ku? O'sha yerga yaqin. Shota Rustavelining muyulishida oynavandli magazin bor, «Teje» degan. Atir olasiz. - Madraimning ellik so'mni ushlagancha hayron bo'lib turganini ko'rib, yuzi kengayib jilmaydi. - Keliningizga. Otini mana bu qog'ozga yozdim.

- Ko'p bo'jadi, xo'p bo'jadi, - deya chiqib ketdi o'zida yo'q xursand Madraim. Osongina javob berganining boisi bu yoqda ekan-ku. «Selmag» ga bir asil mol kelsa, avval shu kishining oldidan o'tishadi: «Kelinoyimizga mabodo...?» Ellik so'mni yana olib qarab qo'ydi Madraim. O'zining kecha olgan ikki oylik «avansi» 43 so'm, mana belboqqa tuguglik... Nahotki bitta atir ellik so'm bo'lsa? Oti ham... oti ham qiyomat, begona so'z bo'lsa kerak, odamning tili kelishmaydi. Shiyponga qaytib toza etik, oq ishton,

yangi yaktak kiyib, barini belbog'ga qistirdi-da, yo'lg'a tushdi. Hayallab bo'lmaydi, kechga qaytib kelishi kerak. Yaxshi bo'ldi. Bo'tavoy-seriandtan hol so'rash qiyomat-qarz edi, raisga rahmat... jonon kelinga rahmat, ochig'i. Madraim o'zicha jilmayib qo'ydi. Shoshsangshaharga bor. Hamma yelib-yugurib yuradi. Ko'pchilik qatori sen ham. Imillab ko'r-chi, tutrib o'tadi. Eshitasan eshitmaganningni. Shoshganningdan, ishing bitganini o'zing ham payqamay qolasan. Bozor, kasalkona, Bo'tavoy bilan apoq-chapoq suhbat, yana «Domdehqon», Shota... Rustaveli, chakana yo'l bosmadi, o'ylab qarasa. To'g'ri, Bo'tavoy-serjant bilan uzoq o'tirishga ruxsat berishgani yo'q. Bu ham o'z yo'liga omad-da. Oynavandlik «Teje» yopilib qolsa nima bo'llardil! «Teje» degani nima degani - xudo biladi. Madraim raisning yozib bergarteni ichida takrorlab-takrorlab, yana o'ziga ishommay, qog'ozni ochib boqdi. «Poisoh» - eskichcha harfdä yozilgan ekan. Kapitalistlarda tutganini qo'ymaydi, hali-hali o'sha eski alifboda o'qib-yozib yurishibdi. Eshikni ochishi bilan, oh-oh-oh, allaqanday xushbo'y hidlar dimog'iga urildi. Sotuvchi qizaloqlarni-chi? Osmondan tushgan parizodlarmi deysiz, qo'g'irchoqday bejirim, uzun kiprikleri yuziga soya solib, yanoqlari yal-yal yonib turibdi. Ayniqsa, o'rtada birovi chilvirsoch, ko'zları teran chashmaday, qarashlari osuda... Xayrining yoshligiga o'xshab ketadi. Xudo haqqi, sal yondan qarasang, Xayrining o'zginasi-ya, iyagining chuqurchasigacha.. Madraimning esini yig'ib olishiga ancha vaqt ketdi. - Atirni sho'tta sotadimi?

- Atir do'konida turibsiz-ku, amaki! - deb chiroyli kului sotuvuchi qiz. Ovozi o'xshamas ekan. Ayniqsa, hozirgi Xayrinxiga. Madraimning qulog'iga xotinining

ovozi eshitilib ketdi: «Hoy, qaysi qora go'rda yuribsiz? Avans qani, bugun yigirmasi! Opkeling buyoqqa, suprani qoqib, qozonni qantarib qo'yibman!»

Avans... Oylik, maosh degan gaplar bo'lardi, bizza avans degani chiqqan. Yalintirib beradi-da, yillik hisobda yalintirmay-netmay osongina chiyirib qoladi...

Madraimning xayoli ketib qolgan ekan, haligi parizodning ovozi o'ziga keltirdi.

- Xizmat?

- Payson degan atir kerak, - dedi Madraim qog'ozdag'i yozuvni zo'rg'a eslab. Qiz yelkasini qisib, dugomasiga kulib qaradi.

- Unaqasini eshitmagammiz, amaki.

- Nega eshitmas ekansiz, mana, - deb Madraim raisning qog'ozini uzattdi. Qizlar, o'qib, kulib yuborishdi. Keyin haliginisi soddha odamdan uzr so'raganday, muloyim ovozda tushuntirdi:

- «Puazong» deyiladi bu, amakijon, - atir nomidagi oxirgi «N» harfini dimog'idan chiqarib aytди, - Fransuz atiri bu, juda qimmat.

- Bilaman, ellik so'm, - dedi Madraim belbog'idan pulni chiqarib. Qizlar tushunishdiki, bu soddha odanga nozik xaridi bir boyvachcha buyurgan. Olib ko'rsatishdi. Kichkinagina, tillarang xat biltigan shishacha. Madraim uni avaylab oldi, shishacha dag'al barmoqlari orasida naq yo'qolib ketdi. Xaridor ishonqiramay, qoshini chimirib uzoq boqdi. Ajabo, ellik tomchi ham kelmaydi-ku bu! Nahotki, tomchisi bir so'mdan oshiq bo'lsa?

- Boshqa hech narsa olmaysizmi, amak, - dedi haligi Xayrining yoshligiga o'xshagan qiz bo'yalgan uzun tirmoqli barmoqlarida qalamni o'ynatib, - keli-noyimlarga ham oling, arzonrog'i bor.

Xayriga atir? Madraim xoxolab kulib yubo-rishiga sal qoldi. Xayriga-ya! Shishasi bilan urib boshingni yorar! Bugun yigirmanchi, avansni kutib, ko'zi to'rt bo'slib o'tirgandir. Pul o'rniga mana bu shishachani olib borsa, jazavasi tutib, doktor charishiga to'g'ri keladi. Bu parizodlar nimani biladi, nimani ko'ribdi, na ro'zg'or bularda, na bola... O'tgan yigirmanchi chisolni esladi. Avansni olib endi ko'chaga chiqsa, do'konga muzdekk pivo tushgan ekan, to'rtta ulfat uchrab, ikki krujkani ichib qo'ysi-da. Madraim o'zi ichmaydi, hadeganda nafsa ham chalg'imaydi, ammo ko'ngil ekan, ha-ha ol, bilan yana bir krujka ichdi. Pivopurush loterrey ham beshtasini tutqizib turibdi. Gapdan gap chiqib, ola-g'ovurda kimdir maqtanib qoldi: qo'shni xo'jalikda bir oshmasi shu lotereyega mashina yutibdi emish. Yana birov kimdir gilam, kimdir mototsikl yutgan deb xabar qildi. Sal kayf qilgan Madraimni ham shayton chalg'itdimi, yigit-yalang qatori uchta loterey olsa bo'ladimi?!

- Yutasiz, yutasiz, qatorasiga oling! - deb turishibdi tekin nasihatchi sheriqlari...

Qisqasi, endi uya kelgandagi ahvolni ko'ring. «Avans»ni kutib o'tirgan Xayri loterey biletlarini shundoq oldi-yu, shirakayf erining basharasiga urdi, biletlar sochilib, shabada hovlining burchak-burchagiga, biri toklar orasiga, biri o'choq boshiga kapalday pirpirab uchdi.

- Baloning o'qimi yutasiz! Tuyani dumiyerga tek-kanda! - deb baqirdi Xayri, - ana boqing to'rtta bolani o'sha qog'ozlaringiz bilan! - bo'xhasini tugib, onasini kiga ketib qoldi.

Bunday paytda unga qarshi gapirib bo'lmaydi, jazavasi tutib, yiqilib qolishi ham bor. Madraimning kayfi yelday uchib, ostonada qaqqaygancha qoldi. Bola boqish nimaligini ana o'shanda bilgan Madraim. Yolg'izlikning o'n to'trinchi kuni kechasi bilan yig'lab, xayolida xotinining yorilib ketgan chaqa barmoqlarini o'pganini haligacha birovga ochilib gapirgani yo'q. Xotini o'n yetti kun deganda bolaliga tugunchada u-bu ko'tarib qaytib keldi. Adabini yegan Madraim Xayrini hali ham yaxshi ko'rishini ich-ichidan tan olgan edi, o'shanda.

- Boshqalar oladi-yu siz nega olmas ekansiz kelinoymilarga! - dedi haliqi qiz, - yozaman chek, o'n to'qqiz so'm bo'ladi, xo'pmi, amakijon?

Uning ovozi eritvordi Madraimi. Atirni qo'lliga olganida o'sha shirinzaboning qo'llini olgan day bo'ldi: kickhina, chiroqli, xushbo'y... Indamay o'ylanib turganida qiz chekni yozib, u tomon surib qo'ydi. Madraim tufigini zo'rg'a yutib, quruqshagan lablarini yaladi. Yuziga muloyim qaragan qizza bir nima deyolmay, pulni chiqardi, xayollarini chuvalib, «men nega olmas ekanman, men... nega olmas ekanman...» deya ko'nglida takrorlab, do'kondan chiqdi. Qizchaga rahmat, xayr deyoldimi-yo'qmi esida ham yo'q. Endi uning xayoli boshqa yodda edi: uyga qanday kirib boradi, nima deydi, xotiniga atirni qanday beradi, undan keyin nima bo'ladi? 19 so'm! Avansning qariyb yarmi-ya! Kechga yaqin eshikni g'irchillatmasdan ochib, yuvosh kirib bordi. Xotini o'choq boshida bolalar bilan chug'ullahardi.

- O'zingizmisiz? - dedi Xayri sharpani sezib, qayrilib qaramasdan. - Ulfatlar uchramadimi ishqilib? Bugun yigirmanchi chislo-ya...

«Boshlandit!» - dedi Madraim ichida: savollarga javoban, «Ha, keldim», deganday yo'talib qo'ydi. Lekin hamon etigini yechmay, garangsibroq turardi. Ha, qo'lingiz cho'ntagingizga yopishib qoldimi?

- Yo'g'e, nega... - Madraim hali ham atirni mahkam ushlab turganini endi payqab, qo'llini oldi. Jilmaygan bo'ldi. Sun'iy chiqdi jilmayishi.

- Bir nimani yashiriyapsiz, - dedi xotini. Madraim bolalarning ham kelib, «hozir janjal bo'ladi» degan-day baqrayib turishganini ko'rdi.

- Qiziqmis... Nimani...

O'zi bo'lsa o'yaldi: avval sovg'ani bersammikan, yo qolgan pulnimi? Ikkalasi ham xatarli, ikkala holatda ham o't olib ketishi mumkin...

Endi tavakkal, bo'lar ish bo'ldi. Madraim harsaga tayyor edi. Atirni yaktak kissasidan shartta chiqardi-yu, xotiniga uzatdi.

- Mana!

Xayri beixtiyor ikki qo'llab oldi-yu, peshonasini tritshtirib, bejirim qukichaga tikilib qoldi. Keyin uni asta ochib, jajigina yumaloq atir shishasini xuddi uchib ketadigan qushchaday hovuchida ushlagancha, yana uzoq tikilib turdi. Nima bo'ldi unga? Tezroq bir nima desa-chi? Yo g'azabi tomog'iga tiqlidimi? Baqir, Xayri, so'k, qarg'a, faqat jum turma! ... Hozir jazavasi tutadi, idish-tovoqni ko'tarib uradi, yiqiladi... Madraim juda ko'rqib ketdi: Xayri tildan qolgan, yumuq ko'zidan yosh sizib, ko'ksi to'lqinlanib, qavdasi chayqalib ketdi.

- Oyi! Oyi! Nima bo'ldi sizga? - deyishdi bolalari. Xayri, - dedi uning yiqilib ketishidan qo'rqqan Madraim. Haqiqatan ham yiqiladigan ekan, eriga suyalib qoldi va shu zumdayoq bo'yinidan mahkam

quchib, osilib qoldi. – Xayri... – dedi yana Madraim xavotirda.

– Hidi yaxshi ekan... boshim aylandi. O'zingiz yaxshisiz-da, – dedi Xayri yana mahkamroq quchoqlab, – esingizda turgan ekan... to'yimiz bo'lgan kun. Esingizda ekan...

– Xayri, o'zingni bos, bolalar qarab turibdi, – dedi baxtiyor Madraim ijayib.

– Allaqachon unutgansiz deb o'ylovdim.

– Xayri, esigni yig', kuppera-kunduzi... deya shivirladi xotinining haroratini butun vujudi bilan sezgan Madraim.

– Axir kechasi yana ketasiz... bugun ham oydin, suv taraysiz...

### TAQDIR KIMNING QO'LIDA

**Q**ulahmadning hushyoxxonadan chiqadigan kuni edi. Zulukdaygina mo'ylov qo'yan yosh leytenant uni xonasiga chaqirdi-yu, bunday vaqtida qiladigan «o'git-nasihat»ini boshlayolmay, timirsilanib qoldi. Stolidagi qog'ozlarni yig'ishitirdi, tungi navbatchilar bulg'ab ketgan kuldanni qayoqqa to'kishni bilmay, noiloj qaytib joyiga qo'ydi. Bu hamon g'ashiga tegardi shekilli, tag'in olib stol tagidagi sim savatga, g'ijim qog'ozlar ustiga to'kdi. Chekmaydigan odam, tamaki kulining hidiga burnini jiyirdi. Bosh ko'tarmay, Qulahmadga gap qotdi:

– Yara bitmabdi-ku hali ham...

– Bu... o'tgan safargi, – dedi Qulahmad ham bosh ko'tarmay, iyagida soqol aralash qo'tirlab qotgan eski yarani siladi. Keyin kir ko'ylagining yoqasini qayririb, yelkasini ko'rsatdi. – Kechagisi mana, bilinmay ketdi...

*Yosh leytenant yana ancha ezmalandi-da, axiri uning yuziga tikka, achinib boqdi:*  
 – Menga qarang Qulahmad aka, yoshingiz ellikdan oshibdi. Men sizga, o'g'lingiz tengi odam, har gal o'g'it-nasihat qilib o'tirsam... – u gapidan to'xtab qoldi.  
 Qulahmadning turqi haqiqatan ham juda ayananchli edi. Hushyoxxonada dush bor, sovun bor, majbur qilib bo'lsa o'shanda ham bir umr sovun ko'rмагандай. Yo'q, u o'zi shunaqa, turgan-bitgani shu, qandaydir yuvuqsizing nusqi bor, afti-basharasida... Qovoqlari salqi, yorg'oq boshiga qasmoq do'ppini bostirib kiygan, qolllari chaqa, kulrang yuzida eski-yangi yara izlari, bo'yinlari tirmalgan...

...baribir nasihat qilishga to'g'ri keladi, – deb davom etdi leytenant. – Hech kim siz bilan menday muloyim gaplashmaydi, bilib qo'ying. Ish joyingizza ham bu gal, mayli, qog'oz yozmayman. Buning qadriga yetish kerak. Agar yana bir marta mushtlashadigan bo'lsangiz... – qarasa Qulahmadning xayoli uzoqda, qulog'iga gap kirayotgani yo'q. Leytenant o'rnidan turib, eshikni mahkamroq jipslab yopib keidi.

– Menga qarang, graidann Qulahmad aka, agar ichmaslikning ilojini topmasangiz, iching...  
 – Men piyonista emasman.

– Iching, mayli, – dedi leytenant eshilk-de razaga yana alanglab qo'yib, – lekin janjal-suron ko'tarmang, xudo haqqi, mushtlashmang! Hech bo'limasa shuni eplay olasizmi?

– Men hech kimni urmayman... Meni...  
 – Nega meni hech kim urmaydi-yu, sizni uradi? Bekor gap! Jim yotgan itni ham hech kim tepib



o'tmaydi... - Leytenantning so'zi og'zida qolib, kamgap Qulahmadga yer ostidan qarab - kechirasiz... - deb qo'ydi-yu, o'zi ham o'ng'aysizlanib, jum bo'lib qoldi. - O'tgan gal ham shunday degansiz, - dedi ovozini pasaytirib. - Kim urdi desak, xuddi bezabon, indamaysiz. Bezoirlarni, jinoyatchini yashirganlik uchun qonunda alohida modda bor, bilasizmi?

Leytenant amin edi: Qulahmad ashaddiy ichkilikboz. Ichsa shunday mast bo'ladiki, kim bilan adi-badi aytishib, kimlar bilan mushtashganini ham esolmaya.

- Menga qarang, Qulahmad aka, odamning taqdiri o'z qo'lida, ha, har kim... Ilgari ko'p eshitgan odatdag'i bu o'gitlardan zerikib o'tirgan Qulahmad shu o'rinda bir hushyor tortganday, seskanib qo'ydi, qizargan mijalarini pирpiratib, leytenantiga tikildi. - Qo'lingizza hunaringiz bor, otam, shu yosha kirib o'zingizni eplomaganingizga... Ahvolingizza qarang... Mening sizga gap uqtirib o'tirishim uyat Boring.

Qulahmad xuddi shunday bo'lishini kutganday, yengil turib, eshikka qarab yurdi, lekin ostona da orqasiga qayrilib, xuddi yosh bola singari:

- Ikkinci qilmayman, leytenant, - dedi-da, eshikni tovushsiz yopib, chiqib ketdi.

JEKKa qaytib kelganda soat to'qqizzdan oshgan, xonalarda hech kim yo'q edi. Telefon jiringladi, Qulahmad trubkani olib, «Hech kim yo'q, hamma obyektda» dedi-da, o'zining divaniga cho'zildi. Uning yotadigan joyi shu, o'rtoqlari o'rniga kechalari navbatchilik ham qiladi, shuning uchun hamma xodimlar undan xursand. Kecha-yu kunduz timmay jiringlab turadigan telefonga beriladigan javob ham yod bo'lib ketgan, xuddi avtomatday: «Hech

kim yo'q, hamma obyektda». Hozir yotdi-yu, yosh leytenantni o'ylab ketdi: yaxshi bola. Milisaga sira ham o'xshamaydi. Taqdir odamning o'z qo'lida emish... Jo'n gapini qara. Hay to'xta, bordi-yu chindan ham shunaqa bo'lsa-chi? Eh-he... Aytishga oson. Sodda-da, nimani ham ko'ribdi. Nima bo'lsa ham, bolani qiyomasligi kerak. Yo'q! Endi boshqacha yashaydi, gap bittal! U Ishchanlik bilan o'mridan turib, buyurtmalar yoziladigan daftarni varaqladı. Titlib ketgan varaqlarga santexnikka kechasi bilan to'rtta buyurtma tusngani yozilgan ekan. Sherikchilik tumbochkasidan kechagi somsa bilan ikkita olmani olib, tikka turgancha chaynadi, ustidan shishani boshiga ko'tarib, kefir ichdi-da, asbob qutisini olib, yaqinroq manzilgohga qarab jo'nadi. Qayerlaridir zirqirar, boshi g'uvullab, qoqilib-surilib borardi. Qulahmadning qo'li gul. Hunariga ehtiyoj ham ko'p. Zang bosib ishdan chiqqan ventillar, rezinasi yeyilib oqib yotgan kranlar, latta tiqilib qolgan oqova quvurlar, tirsillab devorga urgan qaynoq suv... Bu og'ir, gohi nopol, qora ishlarning oxiri-keti yo'q. Bu bilan bir umr kun ko'radiganlar ko'p. Qulahmad ham yuraversa bo'lardi, hech kim xalaqit bermaydi. Lekin tirkchilik ekan, ba'zan bir nimaga duch kelib qoqiladi, keyin... Ayb albatta o'zida. Yoki taqdir o'z qo'lingda degani shumikin? Taqdir... taqdir degani bu umr-ku axir? Butun bir umrga bitta leytenant bilan duchlashtuv nima degan gap, bir hafta vaqtning o'tishi-chi? Mana, bir haftasi ham o'tdi, voqeasiz, mashmashasiz... Hammasi joyida, hamma buyurtmalar bekami-ko'st bajarilib turibdi. Qulahmadning yaralari ham bitib ketdi, milisaga ham duch kelgani yo'q. Zuluk mo'ylov leytenantni ham endi yelkasining chuquri ko'rsin!

Lekin olausiz odamning ishi qiyin, ba'zan yolg'izlik ich-i chinini yeydi, yuragi ezilib ketganda dil tortib kimglargadir yaqinlashadi, ulfatga qo'shiladi. Mana, hafta tinchgina o'tdi deganda, to'qqiz qavatlarning biqinida bir to'da remontchilar uchrab qoldi. Kranini tuzatgan kvartiraning issiq suvni ochib, yerto'ladan chiqib kelarkan, bu suronli, xushchaqchaq bolalar keksa santexnikni kasbdosh deya o'zlariga yaqin olishib, iliq salomlashishdi. Shokir degan bir cho'logi bor ekan, og'zi qulog'ida, cho'ntagidan yaritmani olib, ko'z-ko'z qildi.

- Qayyoqdan olaqolding darrov, Lang?

- Tekin! Osmondan tushdi! - dedi Shokir cho'loq, - oltinchi qavatdan batareyani ko'tarib tushayotsam, bir kampir tushmagur etagimga osilib olsa bo'ladi! Kirsam, suv oqib, vannasi jezday sarg'ayib yotibdi. Savob bo'lar deb, shundoq olib qayta burab qo'yuvdim, tappa to'xtadi, jonivor. Endi chiqay desam, kampir manuni qo'yninga tiqayapti. Yo'q, buvi, dedim, bizga oylik to'lashadi, bo'maydi, dedim. Qani endi ko'nsa, hansiragancha, hadeb tiqishtirayotibdi da, kampir tushmagur. Atay navbatga turib, senga deb olib qo'yganman, bir hafta kutdim seni, deydi. Meni samtexnik deb o'ylagan ekan. Tak chto, boboy, sizning ham haqqingiz bor bunda, yuravering, - deya Shokir Qulahmadni yengidan ushladi.

- Yo'q, bolalar, menga to'g'ri kelmaydi!

- Be, besh kishiga nima bo'lardi yarimta, yuring, - deyishdi sheriklari ham.

- Rostini aytsam bolalar, kech qolaman...

Qulahmadning bo'shgina qarshiligini noz deb tushungan ulfatlar qo'yarda-qo'ymay uni to'qqiz qavatli uyning podvaliga olib tushib ketishdi. Bu

podvalni Qulahmad yaxshi bilardi: ozodagina is-siqxonasi bor. Sozlovchilar axlatxonaga tashlab yuborilgan eski stol bilan shaloq divanni ham olib kirib, uyoq-buyog'ini tuzatib olishgan. Goho sovuq kunlari shu yerda yashiklarga o'trib, nonushta qilishadi. Bu gal u yerdan anchagacha ahil gangur-gungur gap, ba'zan esa baralla kulgi, gohida o'qin-o'qin gurung bir maromda eshitilib turdi. Salkam bir soatardan keyin podvalda nimadir taraqladi, shovqinsuron ko'tarildi, yana keyimroq esa, baqiriq-chaqiriq so'kinish, xunuk tovushlar yangradi. «Issiqxona»ning tunuka qoplangan pachoq eshigi taraqlab, qulog'iga cha qizarib ketgan Shokir otlib chiqdi. Ketidan sozlovchi bolalar yerto'la eshididan bir-bir chiqib, har tomonga tarqaldilar, kayfdan asar yo'q, hammasi behafsala, qovog'i soliq, gap-so'zsiz, biri tish orasidan chirs etib tuflab, biri jahl bilan nimanidir tepib, jo'nab qolishdi. Qulahmaddin darak yo'q edi.

Yomg'ir savalay boshladi. Chang bosgan yaproqlar yoqinli shitirlab, tuproq hidi anqidi. Tar-novdan podvalning zinasiga sharillab suv oqar edi. Shu mahal pillapoyalari ko'chib ketgan o'sha iflos zinada Qulahmadning qasmoq do'ppisi, keyin o'zi ko'rindi. U ikki qo'li bilan devorlarni ushlab, gohi esa «to'rt oyoqlab», zo'rg'a chiqib kelar edi. Endigina hushiga kelganga o'xshaydi. Yorug' jahon borligiga ishonmayotganday, ko'karib ketgan ko'zlarini chimirib, osmonga boqdi, hansirab kesakiga suyandi, keyin o'pka to'latib nafas oldi-da, duch kelgan joyga, devorga suykilib o'tirib qoldi. Yomg'ir quyar, ro'parasidagi daraxt barglaridan yelkalariga loyqa suv tomar, u esa, sulayib o'tirgancha, seskanmas ham edi. Xuddi shu joyga kulmi, garbit qoldig'imi

to'kilgan ekan, osti ivib, qolansa hid taraldi. Lekin Qulahmad buni ham sezmad, hushiga kelishi bilan haligi ulfatlarini ko'z oldiga keltirishga urina boshladi. U bunday «kampaniya»larni ko'p ko'rgan. Ichuvchilarning ajab turfa xillari bo'ladi. Birov sal kayf qilsa, shiringina jinni bo'ladi-qoladi. Otangdan ham mehribon, umrida ko'rmagan odamning betiga so'lagini surkab o'pishtigan o'pishtigan. Birov bo'lsa yengiltak shilqim bo'lib qoladi. Umrida qilgan hamma iffoslilarini hayosizlik bilan to'kib soladi. Yana biri bekordan bekor yig'lab, jigaringni ezib, ko'ksingni ho'l qilvoradi. Boshqa biri esa, hayvon bo'lib ketadi, butun dunyo uning oyog'iga tiz cho'kishi kerakday, pichog'iga qo'l yugurtiradi. Birov beozor ko'pirib maqtansa, birov dunyoni dushman bosganday, esiga kelgan odamni yoki o'z xotinimi yomonlab ketadi. Uni bo'g'ib o'dirishga va'da beradi. Yana birovning esa, bir umr ichini tatalab, bag'rini zaharday tilib yotgan biron dardi qo'zg'ab, achchiq alami posodday yoriladi-da...

Qulahmadning xayoli bo'sindi: yomg'ir yuvib o'tgan yo'llidan bilagiga qizil tasma taqqan uchta nazoratchi gurunglashib borardi. Qulahmad o'tirgan joyidan yomidagi buta tagiga asta ag'anadi. Chunki ko'z qovogi ko'karib, bu ahvolda o'tirgan odamni ko'rishsa, nazoratchilar indamay o'tishmaydi. Qulahmad yumalab yotgan joyi bilchillagan loy bo'lsa ham, biqiniga sovuq o'tsa ham, chiddi, bordiyu payqab qolishadigan bo'lsa ularga nima deyishini o'yab ketdi. «Tanimayman ularni... Men boshlaganim yo'q. Nega bo'lmasa odamning yuziga tuflaydi... Men nima qilibman ularga...» Ko'kargan ko'zini ushlab qo'ydi Qulahmad. Nazoratchilar o'tib ketishdi. Uh... hali ham or-nomusi bor-da. Uning o'rnida

boshqa birov bo'lsa bu milisa-yu hushyoxxonalarini allaqachon pisand qilmay qo'yan bo'lardi. Ha, nomusini saqlab qolgan, naqadar azob bo'lsa ham u bilan yashash... Ammo-lekin jo'nash kerak bu yerdan. Mahallaga otning qashqasiday bo'lib qoldi. Umuman, bu tumandan, iloji bo'lsa, bu shahardan butunlay gumdon bo'lish kerak. Yuradimi endi bitta zulukmo'ylov bolaga chap berib... Nega iloji bo'lmas ekan? Bedanuning uyi yo'q, qayga borsa pitbidiq. Ertasiga arizasini tashlab, asbob qutisini oldi-da, avtobusga chiqdi.

– Bitta. Ohangaronga.

– Avtobus Chirchiqqa boradi.

– Mayli, Chirchiqqa, – dedi Qulahmad. Pattachi uning aftiga bir qarab qo'yib, patta yirtib berdi. Qulahmadning yo'ldayoq omadi yurisha boshladi. Bir o'rindiqda to'rxaltalarini tizzasining orasiga olib o'tirgan qo'shni, baqaloqqina po'rim yigit, juda ochiq, sergap ekan, birpasda o'zini ham batamom tanitib, Qulahmadni ham miridan-sirigacha bilib oldi. – Bizni xomin mana shunaqa – to'rttani tug'ib qo'yib... Ana endi bu qop-u tugunlardan akang qarag'ayni yelkasi yag'ir... Xo'sh, endi munday qilamiz, Qulahmad aka. Avtobusdan tushib, tikka kapratipga boramiz. Temirni qizig'ida bos, degan mashoyixlar. Bizza ishaydiganlar albatta kamida ikki-uch hunarni egallagan bo'lishi kerak, amolaykim, boshlig'imiz o'gil bola yigit, sizning ahvolingizni hisobga oladi. Keyin, santeznik degani bizda yo'q hisob.

– Menga qarang, Hojimat uka... Boshliq deyapsiz, men uning oldiga bu qiyofada kirsam...

Hojimat qo'shniiga razm solib, boshidan oyog'i-gacha yana bir ko'zdan kechirdi.

- Hechqisi yo'q, undan avval sartaroshxonaga birrov kirib, pardoz qilib chiqamiz, aka.

Qulahmad xursand bo'ldi.

- Siz o'zingiz qaysi hunarlarni...

- Menmi? Men, - deb ilib ketdi Hojimat, - hozircha suvoqdamon. Amolaykim, zarur bo'lganda oboy yelimlashni ham eplab turibman. E, yigitga hunar kasod ekanmi, o'rganib ketasiz, Qulahmad aka, bizda nima ko'p - ikir-chikir yumush ko'p. Muhandis, dezayner, agronom, hatto pedagoglar ham bor, amolaykim. O'shalarning orasida siz bilan biz ham yursak nima qipti, aka. Daromad bo'lsa chakki emas.

- Bunisi menga baribir...

- Menga ham! Amolaykim mana bu zumrashalar bor-da, - deb Hojimat negadir yana to'rxaltalarini ko'rsatdi.

Bu baqaloq Qulahmadga borgan sari yoqardi, ko'pdan beri birinchi marta ichi ilib, jilmayib qo'ydi. Ular to'rxaltalarini ko'tarishib tushgach, sartaro-shga kirib chiqdilar-da, shahar bog'ining orqasidagi bir qavatlak bino yonida to'xtadilar. Hafsalal bilan tekis oqlangan bino peshtoqiga «Fayzz» - kooperativ «UYUT» degan lavha qoqlig'an edi. Hojimat: «Dadi bo'ling, aka, boshlig'imiz o'g'il bola yigit, hal!», deb Qulahmadni shu yerda qoldirib, «zumrashalar» yoniga shoshdi. Boshliq chindan ham o'g'il bola yigit ekan, siyosat, qilib o'tirmadi:

- Bizda hozir birinchi galdag'i masala -«Fayzz» ning obro'sini oshirish. Jamoamizda hamma ziyozi. - Tushunarli. Men ichmayman. Agar qoidalarin-gizga xilof bir ish o'tsa, ikkinchi kuniyoq bo'shatib yuboring rozman.

- Ish bo'shatishgacha borsa, kech bo'ladi. Men sizdan hech narsani yashirmayman.

- Men ham yashirmayman, sizga xalaqt berishi mumkin bo'lgan ikkita kamchiligim bor: birinchidan, hunarim bittagina, ikkinchidan, turarijoyim yo'q.

Boshliq biroz o'ylanib, kuldii:

- Bu ikkitagina kamchilikdan ikkita fazilat yasa-masak, kooperator bo'lib qayoqqa bordik! Qulahmad tushunmadi-yu, yuzi yorishibroq unga tikilib qoldi.

- Bizga «tungi direktor» ham kerak, hunaringiz ikkita bo'ladi. Shu yerda, - qollarini yozib, yaxshi jihozlangan keng xonani ko'rsatdi, - hozircha shu yerda yotib ham yuraverasiz. Shu bilan ikkinchi kamchililingiz ham... Keyin u «tungi direktor»ning vazifalarini uzoq tushuntirdi. Shunday qilib, ajoyib odamlar orasiga tushib qoldi Qulahmad. Bunaqangi omad tushiga ham chalingan emasdi. Uy-xo'jalik ishlarning o'nlab xillarini bajarib turgan «Fayzz» kooperativini butun shahar bilardi. «Fayzz»danman, chaqirganmidingiz?» desa qo'li gul bolalarga hamma eshiklar lang ochiq. Qulahmad ikki oy deganda umrida kiyungan kostum oldi, hushyoxnalarda qirilaverib unutilib ketgan sochlari ham qorayib chiqdi. Chakkalarigina jinday kumushrang edi. Yuzidagi, bo'ynidagi yaralar chandiqsiz bitib ketdi. Ammo bu yuzaki o'zgarishlar, yuzadagi yaralar ekan. Ularning bitmaydiganlari borligini oddiy bir telefon qo'ng'irog'i eslatib qo'ydi.

Qulahmad tungi buyurtmalarni dispetcherga topshirgandan keyin, kabinetni shamollatib, endi nonushtaga chiqmoqchi bo'lib turgan edi, bosh-hilqning xosxonasiida telefon jiringlab qoldi.

- Allo, ha, «Fayzz», - dedi Qulahmad trubkani olib.  
- Ijroqo'mdan gapiryapmiz, allo, men Mirtojiyevman... eshityapsizmi?

Qulahmad bo'shashib, oqarinqirab ketdi.

- Kim? Kim gapiryapti?

- Komil Mirtojiyevichman...

Ijroiya komitetining xodimi keyin kooperativ bilan tuzilgan shartnomaga-yu, uning allaqaysi mod-dalari, qandaydir instruksiya haqida ezmalanib gapirdi. Bu tanbeh-u eslatishlar Qulahmadning qulog'iga kirgani yo'q, u tarashadek qotib qolgan edi. Trubkaning joyini zo'rg'a topib qo'ydi-yu, hozir Komil Mirtojiyev eshikdammi, derazadanmi kirib keladiganday, atrofga alangladi. Keyin esimi sal yig'ib oldi shekilli, divanga o'tirib qoldi, ko'ziga stoldagi telefon apparatiidan boshqa hech narsa ko'rinnas, haligi ovoz havoda mullaq osilib turar edi: «Komil Mirtojiyevman...» Aval, u meni atay qidirib topib, tusmollab telefon qilyapti, degan fikr keldi, unday bo'sa, tanidimiyo'qmi? To'xta-chi.. ovozi o'xshamaydi shekilli? E, shuncha yillardan keyin ovozni tanib bo'lar ekanmi. Ko'chada ro'para bo'llishsa ham, bir-birini tamimas... Darvoqe, bu boshqa odam bo'sa-chi? Ismi-familiyasi o'xshash odamlar kammi! Bu o'ylardan Qulahmadning joniga orom yetmadi. Bu o'sha Komilmi, boshqami, endi buning ahamiyati yo'q, go'yo butun umrining astar-paxtasi ag'darilib, o'y-xotiralari ham, ko'ngil mulki ham alg'ov-dalg'ov bo'lgan edi. Ertasiga Qulahmad g'oyib bo'ldi. Toshkent vokzalida tasodifan o'sha Hojimat po'rimni ko'rib, «Fayzz»ga endi qaytib bormasligini aytди. U xuddi tuman ichida adashganday, boshi oqqan tomonga qarab yurardi, qayoqqa bo'sa ham,

faqat olisroqqa ketsa bo'lgani.. Kechasi bir maromda taqa-tuq, taqa-tuq qilib, shaldirab ketayotgan bo'sh vagon ichida hushiga keldi. Mudrab qolgan qariya tikkaytirib qo'yilgan qopiga suyanib o'tirgancha misg'iyotgan ekan, ko'zlarini yirtib, derazaga qaradi. O'shanda ham, bu vagonda qayoqlarga ketayotganini emas, o'sha Komilni o'ylardi. Bu uzuq-yuluq xottiralar tushlarini o'ngiga ulab qancha davom etdi - o'zi ham bilmaydi.

„O'qish muhimmi, g'oyaviy soflik muhimmi? G'oyaviy soflik muhim. Bu isbot qilingan. Bu isbot talab qilmaydigan aksioma edi. Shuning uchun dars emas, majlis birinchi o'rinda turardi. Yoshlar majlisi uch kun surunkasiga davom etganda ham pedagoglar hech narsa deyolmay, muallimlar xonasida intizom saqlab, kun-uzun shumshayib, bekor o'tirishardi. Institutting katta zalida bu shovqin ikki kundan beri timmaydi. Uchinchil kuni Mirkomil (u vaqtida Komilning oti shunday to'la aytilar edi) majlisi qariyb butunlay o'z qo'lliga oldi. Uning ovozi hamma suronlarni bosib tushar, keskin, dadil edi. Aval zalning o'rtarog'ida kursining ustida tikka turib, qo'llarini paxsa qilgancha, baqirib gapirdi. Keyin minbarga chiqib oldi. Minbar sahnada, baland joyda bo'lib, unga chiqib qo'llarimi yoygan odam zaldagi xalqning ustida uchib ketayotgan burgutday ko'rinardi. Mirkomil dastlab minbarga bir necha gazetalarni yoyib tashladi-da, baland ovoz bilan undagi yirik sarlavhalarni o'qidi:

- «Gazandalar xalqning qahri g'azabidan qo'chib qutulolmaydi!» «Hukmimiz beayov: xalq dashmalariga o'sim!» «Itga it o'limi - azmi qarorimiz qat'iy!» - zaldagi mudhish jumlakka bir zum qulqoq

solgandan keyin Mirkomil davom etdi - Mana shu adolati hukm-u qarorlarda institutimiz jamoasining ham munosib hissasi, vijdon ovozi bor! Sovet kishilarli xalqaro imperializmning qonxo'r josuslarini temir supurgi bilan supurib tashlayotgan bir paytda biz o'z saflarimizning g'oyaviy sofigiga loqayd qaray olamizmi? Fosh etilgan xalq dushmanlarining arzandalari oramizda bemaol yursa, biz bunga chidab turishimiz mumkinni? Xo'sh! Mana, hali ham komsomol safida yurgan ikkinchi kurs talabasi Qulahmad Nazirovning otasi qayerda hozir, bila-sizlar! U o'z arzandasining qulqlariga, uning yuragiqa qanday qorra niyatlarini, o'zining qanday chirkin umidlarini shipshidi ekan, xo'sh, buni kim ayta oladi? Men saflarimizni bunday shubhali unsurlardan tozalashni qat'iy talab qilaman!

Uch kundan beri shunday suronlar ichida gangib o'tirgan studentlar zalni boshlariga ko'tarishdi. Shunda ham Mirkomilning baqiriq-chaqiriqlari hammadan baland eshitilar edi.

- ...komsomol safida o'rin yo'q!

- ...o'chirlisin!

- Haydalsin!

- Otasining yoniga borsin!

Qulahmad, bu suron oyoqdan yiqitadigandy, qulqlarini ikki qo'llab bekitib, baqiriq-chaqiriqlar ostida qoqla-suqila zaldan chiqib ketdi. Uni ovozga qo'yish, qo'l ko'tarish yo'li bilan emas, quvib haydab soldilar. Uni komsomol safidan emas, hayotdan haydab chiqardilar. «Otasining oldiga borsin!» Qayoqqa boradi, otasi qamalganiga ikki yil bo'ldi, otildimi, surgun qilindimi - darak yo'q. Qayoqqa boradi. Tentirab yana o'sha institut yotoqxonasiga

borib qoldi. Begona ko'zdan yashirinib, qo'rqa-pisa yotog'iga kirib, yechinmayoq, ko'rpara o'rani yotdi. Ko'zidan tirkirab chiqqan yoshlaridan ori kelib, go'yo o't ichida to'lg'anib, tunni kech qildi. «Dadajon, o'zingiz dushtman bo'sangiz ham, menga yomon ishni o'rgatmagansiz-ku! Qulog'imga hech narsani shipshimagansiz! Nega bunday qilishadi? Endi qayoqqa boraman, endi qayoqqa sig'amani? Mirkomil-ku, mayli, u mendan Murshida uchun o'ch olayapti, ko'rgani ko'zi yo'q. Boshqalar-chi?» G'azabda to's-to'polon ko'targan zal ko'z o'ngiga keldi, baqiriq-chaqiriq, nohaq haqoratlar qulog'ida yangrab, boshimi ko'rpara burkab oldi.

Ertasiga Murshidani hech qayerdan topolmad. Dardini ayrib ko'nglini bo'shatadigan birdan-bir yaqini shu edi, nima bo'ldi, nahotki u ham... Institutda darslar yo'q hisob. Majlislar davom etyapti. Qulahmadning esa endi boradigan majlisi yo'q. Gaplashadigan odami ham yo'q. Moxovday yakkalanib, hech qayerga sig'may qoldi. Faqat yotoqxonadagi farrosh kampir «dardingni olay, boy bo'lgur» deb, budkasiga chaqiradi-da, choy uzatib, gurunglashib o'tiradi. U bir kuni xunuk gap ayrib qoldi: Murshida qishlog'iga ketib qolgamish.

Keyin Qulahmad bu gapning tagiga yetdi. Mir-komil uning yotog'iga bostirib kirib, shilqlimlik qilibdi. Avval yaltoqlik bilan: «Jazmaningni kavushini to'g'riladik, endi otasining oldiga ketadi, umidingni uz», degti. Shu gapiga Murshidadan tarsaki yegan-dan keyin: «Manjalaqi, gazandaning quyqasi!» deb haqorat qilib, chiqib ketibdi. Tarsakining alami juda o'tib ketgan ekan, bunga ham qanoatlanmay, talabalar orasida Murshida haqida fisqi-fassod tarqatibdi. Endi



majlisga olib chiqmoqchi bo'lib yurganmish: «Fosh

etilishini bilib, institutdan qochib ketdi, shuning

o'zi isbot qilib turibdiki...» Qulahmad buniisiga dosh

berolmadi. O'zi har narsaga, har qanday turki-yu

tepklashlarga ko'nihi mumkin, ammo Murshidani

tahqirlatib qo'yishga uning yigitlik paylari tortishadi.

Qulahmad hali nima qilmoqchi ekanini bilmasdi.

Bunday paytda odam o'z tarbiyasiga, o'z muhitiga,

o'z zamonasiga yarasha ish tutadi. Davrlar bo'ganki,

bunday vaziyatda yoshlar bir-birlarini duelga

chaqirishgan. Lekin Qulahmad o'z davrining bolasi,

uning miyasiغا duel emas, boshqa tadbir kelishi

tabiiy edi.

«To'xtab tur, Mirkomil! – dedi u yana, – to'xtab tur, tavbangga tayantirmsam! O'zingni shu kunga solmasam!» – bu tahdidning davomi borga o'xshaydiyu nima ekanligi darrov esga kelaqolmasdi. Esga avval boshqa bir narsa keldi, bundan bir yilcha avval bo'lgan bir dars. Ximiyadan, tajriba darsи.

Ximiya laboratoriysi kamdan kam ochilar, qarosiz edi. Farrosh xotinning paqir-u supurgilar, yong'inga qarshi asboblar ham shu yerda saqlanar, foto to'garagining mashq'ulotlari ham shu yerda bo'lar, keyingi vaqtida esa bu qorong'i xona naq omborga aylantirilgan edi. Tajribadarsi boshlanganda muallim bu tartibsizlikni ko'rib, o'zicha nimadir deb do'ng'illadi-yu, darsni davom ettirdi. Oyoq ostida qandaydir portretlar teskarri qilib devorga suyalgan, shior yozilgan qizil alvonlar g'ijimlanib chang bosib yotar, eski kursilar bir-biriga mingashtrib taxlangan, hatto biri pachoq, biri butun qandaydir haykallar, byustlar ham burchak-burchakka yumatlib qo'yilgan edi. Sirk, otingugurt hidi anqib, devordagi

krandan chak-chak suv tomari; muallim spirtovka-yu probirkalar qalashib yotgan o'z stoli yonida u yoqburo yoqqa yurib turib gapirardi-yu, ko'rinih turardiki, oyoq ostida tartibsiz yotgan lash-lush jig'iga tegardi. Ayniqsa, ganchdan yasalgan bitta oq byust bemaloi yurib gapirishiga xalaqit berardi. Kimuming byusti ekani ma'lum emas, lekin g'ira-shirada xuddi tirik odam oyoq ostida yumalab yotganday, muallimning g'ashiga tegaverdi. U yoqqa o'tdi – oyog'i tegib ketib bir qaradi, buyoqqa o'tdi – oyog'i tegmasa ham egilib yana bir qaradi. Axiri o'sha yumalab yotgan labi kemtik oq byustini egilib qo'lliga oldi-da, do'q etib deraza rafiga o'tqizdi, keyin basharasiga bir qarab, deraza pardasining orqarrog'iga surib qo'ydi. Dars davom etdi.

O'sha vaqtida qorong'i omborxonalarga tashlab, lo'zdan yashirib qo'yilgan simiq-pachoq byust-u hay-kellar ko'p bo'lar, bu o'shalardan birining byusti edi. Xo'sh, allaqachon o'tib ketgan, odatdag'i, jo'ngina bu dars nima uchun hozir alamzada Qulahmadning xayoliga keldi, dersiz. Gap shundaki, o'sha ximiya muallimi, muoyimjina ziyyoli odam, Mirkomilning dadasi edi.

Qasos jazavasida qolgan Qulahmad «hap sanimil» deb tishini tishiga bosdi-da, yotog'iga bekinib, qo'lliga qog'oz-qalam oldi. Xalq dushmanining haykalini ro'parasiga qo'yib sovet yoshlariiga «dars» beradigan gazanda ozodlikda yurarmidi! Tez orada Qulahmadning qora kuni Mirkomilning boshiga tushdi. Majlislar esa davom etardi. O'qishlar-chi? O'qishlar muhim emas, g'oyaviy soflik muhim. Bu – Mirkomilning o'z iborasi.

Yillar o'tib, Qulahmadning dadasi, yupun, orig, qarib qolgan bo'lsa ham, eson-omon qaytit keldi.

O'qishdan qolib ketgan bo'lsa-da, aqli-xushi butun o'għiġa to'ymasdi: «Men o'zimdan emas, sendan xavotirda edim, o'għiġi, xayriyat! – deb Qulahmadni qayta-qayta quċċardi, – davr axir odamlarni ne koylarga solmadi, otasidan kechib ketgan bolalar bor. Yomon yo'lga kirġanlar qanċha...»

Qulahmad hali yomon yo'lga, kirmagan edi. Yana bir yıldan keyn ximija muallimining otilib ketganligi ma'lum bo'ldi-yu, Qulahmad, ichiga lovullagan cho'g' tashlanganday, o'zini qayooqqo qo'yishni bilmay, uzlat istab borib «betonka»dagi xoli restoranda birinchi marta «to'ygħunċha» araq ichib, yiqlib qoldi. Mastikkda kim ga nima dedi, esloġmaydi, lekin nomalum odamlardan kaltak yeb, sulayib qaytdi. Uning kingadir nimadir deyishi kerak edi. Lekin qilg'i bilan uch deganda otasining hayotiga ham zomin bo'ldi. Ammo bu kulfat ham ichidagi cho'g'ni o'chirolmadi. Nazarida uning yallig'in faqt araq sal paslatardi. Negadir, uni ko'p kaltaklar edilar, u esa o'chakkishib, yana ichaverdi. Goho tiyildi ham, bunga irodasi yetardi, lekin, hayot ekan, goħida bir qoqilib...  
... Vagon taraq etib, tormozlar xunuk għiċċi illi.

Qulahmad uzoq uyqudan uygħonganday, bir seskandida, qop egas qariyya użr aytip, vagondan tushdi. Uxuddi shu shaharga kelayotgħan yo'lovchiday chaqqon tħusħdi, lekin qayerga kelgħanji hali bilmänsi. Buning ahamiyati ham yo'q' edi. Bunday payttarha Qulahmad Ubaydulla tog'ani eslaydi. U moldavixjalik lo'lillardan bo'lib, asli oti Bodulay. Burni doim qip-piqi, sochlari jangalak-patak, bilmagan hunari yo'q, qo'l-i għol odam ed. Qulahmad ikkinchi kursdan haydalib, behuijat, bekasb, sargashtu-yu sargardon bo'lib yurġanida

shu odam uni qanoti ostiga oldi. «Senga bir hunar o'rgatamanki, hujja tħalli ham hojati bo'lma yeddi», dedi. Chindan ham, Qulahmad santexnik bo'lganid bera halib beish qolgani yo'q. Bodulay togħiġi anġi bir hikmati gapi hozir yana yodiga tħusħdi: «Shahar yo'qki, unda JEK bo'lmasa, JEK borki, unda santexnikka albatta eħtiyoj bo'ladi!» Shuning uchun qayerga kelib tħusħġan ħam ah amiyati yo'q edi. Darvoqe, tez orada ma'lum bo'ldiki, bu yer Bekobod ekan.

Qulahmadning oldida eshikklar yana ochildi. U isħdan qorr maydi, duch kelġan joyda tunab ketaverihsa ham o'rgangan. Faqat yana o'sha eski dard – yolg'izlik. Ayniqsa, charchab kelġanida u jismoni ogħriqqa ayanad. Għohi shunday tħuyuladik, yonida bir suħbatdoshi bo'lsa, balki hoshi ham chatnab ogħrimas, beli ham zirqimas ed. U odamlarga intħalli-yu, ulfatdan hadiksiraydi. «Odamovi ekan» deydgħanlar uning dardini bilmädy albatta, tasodifan uchrashib, ikki ogħiżgina gap qilib o'tib ketadigan odamlar, o'tkinchi muloqotlar uning uħħun birdan-bir najot.

Bekobodiikkar odamshavanda, xushmanu malha, sodda-sofdil bo'larkan. «Usta» deganni Qulahmad isħu yerda esħittid: «Bo'ldimi, usta?», «Baraka toping usta!» Shamolini aytmasangiz, shaharning o'zi ham durkungjna ekan. Shamol nima, Qulahmad in iż-żu yuzada emas, shaharning tagħid. Binolar yangi ho'lganid anni, «yer osti xo'jalig» hali ancha botartib, zangħi, yorilish, avarijal kien, ko'pinha, mayda-chu yħda ish: kran, ventil, deganday... eshik qo'nigħi roġi jing- etadi, «Texnik, chaqirganmidngi?», «Ha, kelleg, usta!» Unga hamma peshvoz, hamma korsand. Kunlardan bir kuni zavodga qarashli to'rt

qavatlı uydan buyurtma tushdi. Bu ham o'shanaqa, arzimagan yumush: oshxonada idish-tovoq yuvalig'an kran hushtak chaladigan bo'libdi. O'ynab-kulib borib, o'ynab-kulib to'g'rilab keladi. Uchinchchi qavatda yoqimtogyina ayol eshik ochdi, tisarilib yo'l berdi. Uyda yolg'iz ekan shekilli, Qulahmad unga razm solib boqqani ham yo'q, salomlashgach, oyog'ini artib, oshxonaga o'tdi-da, qutisidan asboblarini oldi. Kran chiindan ham ancha xunuk chinqirib, g'ashga tegadigan bo'lib qolgan ekan. Buradi, yeyilib ketgan rezinkalarini olib tashlab, zanglarini tozaladi. Qutisidan yangi rezinka topdi. Arzimagan shu ishga terlab ketgamini sezib, xijolat tortdi. Manglayini ho'l qojining sirti bilan artib, nima ish qilayotganini unutganday, birpas to'xtab qoldi. Negadir xayoli joyida emas. Orqasida.. haligi ayol tikilib turganday bo'laverdi. Oshxonaga-ku yolg'iz o'zi kirdi, undan boshqa hech kim yo'q, buni biladi, lekin kimdir... Kimdir emas, uy bekasi, haligi ayol, nazarida hamon yelkasiga tikilib turardi. Qulahmadning qo'lli qaltilrab, kalitni zo'rg'a buradi, endi tekshirib ko'rish kerak, kran hushtak chaladimi-yo'qmi.. Chaladimi-yo'qmi.. Qarasa, qo'llari xuddi shol, hech narsa qilolmay, shamday qotib turibdi. Orqasiga qayrilib qarashga yuragi dov bermaydi.

- Murshida... - dedi beixtiyor shivirlab. Qayoqdan keldi ko'ngliga bu ism.. Badani yonar edi. Orqasiga qayrilib qarasa - haqiqatan ham, hech kim yo'q.

Otilib tashqariga, havoga chiqqisi keldi, nima bo'yapti o'zi, yolg'izlik dardi unga turli ko'rinishlarda kelib yopishhadigan bo'yapti, bu ahvolda jinni bo'slib qolish ham hech gap emas. Hali eshik ochganida

bamaylixitir yonidan o'tgan beparvo ayol nega hozir birdan miyasini lovullatib qoldi?

Qo'llini chayishni ham unutib, oshxonadan chiqdi. Ichkari xonaning eshigi ochiq, undan bosiq yig'i tovushi eshitildi. Burchakdagı yumshoq kursiga mukka tushib, yuzini yashirib olgan uy bekasining yelkalari titrar edi.

- ...Hamma... si... bo'ldi... - dedi Qulahmad odatiga ko'ra. Lekin behis, beixtiyor.

- ...Rahmat... usta... - dedi uy bekasi boshini ko'tarib. Qizargan yonoqlari nam, ko'zi hech narsani ko'rmayotganday mo'tirab turar edi. Qulahmad ketolmadı. Bu yig'lagan xotinni yupatmoqchi emas, o'zining yig'lagisi kelardi. Ma'nosiz termulishib turdilar. Nihoyat, Qulahmad buning tush emasligiga ishondi shekilli:

- Murshida! dedi sekin, nimadandir qo'rqib, ikkilanibroq. Ayol o'midan turib, yuz-ko'zini arta-arta, burchakdan yorug'roqqa chiqdi.

- Shubhalañman, Qulahmad aka, menman, men... - to'lishgan yuzida kulgichi yoyildi. Qulahmadning tizza bo'g'inalri bo'shashib ketdi, bu o'sha kulgich edi, o'zi to'fishib ancha o'zgargan bo'lsa ham, bolalarga xos kulgichi o'sha-o'sha. Yo'q, kulgichi ham o'zgargan ulbatta, ilgarigidek nurlanib turadigan sehrli chuquacha emas, jilmayganida ko'z tagidagi ajmlarga tutashib ketadigan g'amgin xotiraga o'xshardi. Murshida ham yo'q, umr ham yo'q, bu tasodifiy uchrashuv ham yo'q hammasi xotira! G'amgin xotira! - Xushnud emasga o'xshaysiz... o'tiring axir. Uchrasharmiz deb men ham hech o'ylamagan edim, - dedi uy bekasi.

Qulahmad duch kelgan kursiga cho'ksi, ko'z oldida g'ujgon o'ynagan qora nuqtalar tarqay boshladi.

- Murshida... - dedi yana, endi unga astoydil tikilib. Uning ilk muhabbat! U nimalarni, kimlarni ko'rdi, hayot uni ham ayovsiz mijig'ladimi, undan nimalar qoldi? Shubbasiz, nimadir qolgan, yoshlikning o'sha sehridan nimadir qolmasa, ular hozir bir-birlarini tanimagan bo'lар edilar.

Ular bu safar kam gapplashdilar, tikilishib o'tirib, bir piyoladan choy ichdilar-da, Murshidaning yolg'izligini bilgandan keyin, Qulahmad negadir ketishga shoshildi.

Nega shoshib chiqib kettganiga o'zi ham hayron, yolg'izlikdan qiyalilib yurgan odam yolg'izlik istab qolganai g'alati edi. Uning xayoliga boshqa hech narsa sig'may qoldi, bir vaqtlar besh qo'day bilgan Murshidasi endi unga nomalum bir olamdek, tobora uni ko'proq bilgisi kelaverdi. Bir bahona bilan, asbob qutisini ko'tarib, yana bordi. Bu safar ular o'tgan yillar haqida uzoq, ochiq gapplashdilar. Ozlari haqida bir-birlariga hikoya qilib, go'yo boshqatdan halokatida nobud bo'libdi. O'zi hozir zavod bolalar bog'chasida murabbiya. Bir qizi bor, eri bilan turadi.

- Men shu yerda qoldim, ish joyiga yaqinroq.

- Uying fayzli ekan. Ana u ticka quvurlarni almashtrish kerak, xolos. Quruvchilar kalibrni noto'g'ri tanlashibdi.

- Kamchiligi ko'p... - dedi Murshida qandaydir aytilmagan o'ydan uylagandek, bosh egib. Qulahmadning keyingi kelishiga Murshidaning o'z «buyurtma»si bahona bo'ldi. Umuman, keyingi vaqtida uning «buyurtma»lari tezlashib, ko'payib qoldi: goh suv bosadi, goh dush ishlamaydi. Duchi kelgan joyda quruq-sovuq tamaddi qilib yurgan,

boshpanasiz Qulahmadga bunday kunlar - bayram. Murshida binoyidek pazanda ekan, buni yolg'izlikda o'zi ham bilmagan ekan, ochilib ketdi, plita yonida yuzlari lov-lov, qo'lli qo'lliga tegmaydi. Bir kuni qizi kelib qoldi. Juda ochiq-sochiq, sergap, serkulgi qiz ekan:

- Voy, chuchvaraning ustidan chiqippan! - dedi kirasolib, shirin taom hidlariga chiroyli burnini jiyirarkan.

Qulahmad unga qarab hang-mang bo'lib qoldi.

- Murshida! - dedi ko'zlarini pirpiratib.

- Murshida emas, Mavluda, - dedi onasi kulib. U qiziga Qulahmad haqida o'tgan safar gapirib bergan, qizi esa uning hazin ohanglaridan bir nimalarни payqagan edi.

- Yo'q, sen emas, mana bu - Murshida! - deb turib oldi Qulahmad. U o'zinинг zavqli haziliga berilib, Murshidani xafa qilayotganini payqamas edi. Ayol chetroqda teskari qarab, bosh egib qoldi.

- Axir mana-ku o'sha Murshida! Qayoqlarda yurgan eding? - dedi yana Qulahmad go'yo hazildan xayolotga o'tib, xotiralar domiga tushib qolgandal. Qiz onasining yoniga borib, yelkasidan quchdi. Qulahmad birdan o'ziga kelganday xomush tortib, kursiga o'tirdi. - Juda ham o'xshar ekansan-da, qizim... - dedi uzr so'regenday. Nega uzr so'rash kerak - hech biri tushuntiro mas edi. Oniy noxushlik oradan tez ko tarildi. Bunga ko'proq Mavludaning «bir qop yong'oq»ligi sabab bo'ldi, dasturxon ustidagi sho'x kulgisi, beto'xtov gaplari bilan og'ir xotiralaridan o'sha chalg'itdi.

- Qulahmad amaki, oyimlarni yolg'izlatib qo'y mang-al - degani yana bir shaddodlik bo'ldi.

Bu ochiqlikdan ko'ngli ko'tarilgan Qulahmad ham uni:

- Yolg'izlanib qolmasliklari uchun u kishiga nevaracha kerak, puchuq! – deb kuzatib qo'ydi.

O'sha kuni Qulahmad ketishga shoshilmadi.

Qizining shaddod gaplaridan uyalinqiragan Murshida allaqanday hayajonda edi, «uni ovutmay tashlab ketish noqulay», deya o'ziga bahona qidirardi, Qulahmad ham. O'zining qarovsiz hayotidan, Qo'riqda, BAMda ishlagan boshvoqsiz yillaridan gapirdi. Divanda qo'l ushlashib, peshana tirashib o'tirib, tunni yarim qildilar.

- Murshida... o'sha yonib-kuyib yurgan yillarda ham semi o'zimga bu qadar yaqin olmagaman...

- Yonib kuyibsiz-u, quylimbabsiz... – deb kuldil Murshida uning qo'lini chetlatib...

Xullas, yanagi uchrashuvda ular, to'y-po'y emas-u, besh-o'nta yor-u birodarlarni chorlab, kichkina bir o'tirish tashkil qilish haqida osongina kelishib oldilar. Muyulishdagi kafening kichik zali juda qulay, xuddi shunday kamtarin mariosimlarga moslab jihozlangan, begona ko'zdan xoli, hatto gulzor tomonga chiqadigan alohida eshigi ham bor edi. Dam olish kuni kechga yaqin shu yerga o'ntacha odam to'plandi. Qulahmadning JEKda ortirigan bir mo'ysafid tanishi, bog'chadan ikkita durkun juvon, bitta kampir, qo'shnilaridan ikki juft er-xotin, ko'pi qariyalar. Yoshlardan faqat sershovqin Mayluda-yu uning ashaddiy kashanda eri, ular ham dasturxonga o'tirmay, xizmatda bo'ishdi – biri magnitofonga kasseta tanlashdan bo'shamadi, biri kabobpaz yonida. JEKdan kelgan –veteran ekan, qo'shnilaridan biri – baxmal do'ppi kiygan muallim, ikkalasi

«kelin-kuyov» haqida ortiqcha gapirib, ularni uyaltirib o'tirmay, har xil zamonaviy hazilomuz «turmushaviy» hangomalar bilan o'tirishni qizitib yuborishdi. Dasturxon yashnagan, pepsi-mepsidan tashqari, burchak-kunjakda, muallimning iborasicha, andak «aqiqayi-taqiqa»lardan ham bor edi.

- Bu, deyman, «Yovuzlik sultanati» degan fikridan qaytibdi-a Reygan ham, – dedi veteran «oqqidan bittasini ochib.

- Qaytmay iloji qancha, mana o'zi kelib hurmatni ko'rib turibdi-ku, – dedi muallim.

Xalqaro ahvoldan gap boshlagan edi. Lekin «bitta-yarimta»dan keyin xotin-xalaj o'z xonaki mavzuyiga o'tib ketdi. Dasturxon ustidagi buderkin, bemalol g'ovur Qulahmadga yaxshi tushday tuyuldi. U o'sha Chirchiqda olgan yangi kostumini kiyib, to'rda o'tirar, Murshida zimdan boqib, o'zicha shirin jilmayar edi. Shuncha haqir sargardonlik yillaridan keyin sevgisiga duch kelib, shunday to'y qilishni, yaxshi odamlar davrasida, dasturxon to'rida o'tirishni xayoliga keltiribdimi? Umri ham, umidi ham, o'zligini ham, hamma narsani yo'qotdim, deb yurgan paytida... U hali kuyovlarga xos kamtarlik bilan ho'plab qo'yib qo'ygan birinchi qadahni... olib ichib yubordi. Ha, bugun ichsa arziydi! Bugungisi savob. Bugun ichmagan noshukr... Davrada g'ovur musiqa bilan aralashib ketgan edi. Kabob kelganda muallim bilan veteranning ovoziga zavq qo'shildi.

- Ular, bilasizmi, hozir bizni nima uchun maqtab qolishdi? Bilmaysiz, taqsir... – dedi veteran. Umallimning gapirardi-yu, yonidagi juvonga xushomad

qilishni ham unutmay, unga issiq kabob tutardi. –

Ularga biz emas, qayta qurishimiz yoqib qoldi.

– Qayta qurishni kapitalizmga qaytish deb tushunishyapti ular. Umidi shundan, taqsir, ha...

Ularning bahsi dam g'ovur-g'uvurga ko'milib ketar, dam kutilmagan joydan yana yuzaga qalqib chiqardi.

– Ammo shaxsga sig'inishing hammasini chiqarishyapti baraka topkurlar! Kecha «Oqshom»ni o'qidingizmi, taqsir?

– Boplashayapti, gazetada ham, televizorda ham.

– O'zimizam, ey, qo'yday yuraverган ekanmiz, taqsir, necha o'n minglab begunoh odam bekordan bekor nobud bo'lib ketsa-ya! – Hech gap emas edi-da, odamni yo'q qilish. – Juda to'g'ri aytdingiz, qo'shni, – deb Qulahmad ham gap qotdi. U anchadan beri gapga aralashgisi kelib o'tirardi-yu, nimadir yetishmasdi chog'i, dasturxon egasi ekanni eslab, qistab qoldi, – Qani olib o'tiringlar, hadeb gap bilan bo'lmay...

Yana «qittak-qittak» olishdi. Gap esa uzilmay davom etdi.

– Bittasi «dushman» bo'lib ketsa, ketidan o'ntasi «dum» bo'lib ketardi-da, qarang.

– Nimasini aytasiz, taqsir, boshimizdan o'tgan, ha. Biron ta oila yo'qli...

– Juda jo'n edi-da, bu ish, men sizga aytam, qo'shni, – dedi Qulahmad hangomaga astoydil kirishib. U ovqatni ham yer, oldida taom to'la likobchalar qalashib ketgan, o'zi esa qo'lida somsami, mantimi, nimanidir bilchillatib ezg'ilaganicha gapir edi. Artlmagan moyli barmoqlari bilan piyolani ushlab, qolgan araqni yana ichib qo'ydi. Gohi adashib qo'shniidan qolganni ham ko'tarib yuborardi. –

Bir parcha qog'ozga yozilgan jo'ngina xat lyuboy odamning boshiga yetardi, men sizga aytasam.

– Bo'igan, bo'igan, Qulahmad og'ayni, nimasini aytasiz.

– Bo'ganda qanday! – Qulahmad endi birovning gapini eshitmaydigan bo'lib qolgan edi, – dushmaningiz bo'lsa, shartta yozasiz, tamom-vassalom, bir kechada aspalasopinga ketadi! Ko'rganmiz-da, mana Murshida guvoh. Deylik, mana sizning o'nta dushmaningiz bor-a? Qani, oldin bittadan ichaylik.. oling. Ha, deylik, mana o'hta, hay o'n beshta dushmaningiz bor. Kechasi yotoqqa kirib, qalamni asta qo'lga olasiz-u, bitta-bitta... nishonga olib, «chiqi», «chiqi!» A labbay? Ha, bamisol qalam emas, men sizga aytam, ovozsiz o'qday gap bu. Faqat tepkisini boshqa joyda boshqalar bosadi. Men o'zim ham bittasini... Mana Murshida guvoh, gumdon bo'lib ketgan.

– Qulahmad aka... – bu hang-mang bo'lib qolgan ko'milib ketdi.

– Lekin bitta-bitta qilib o'tirmay, avtomat bilan tarillatsa ham bo'lardi. A, labbay? Buning uchun o'n beshtasini bir xatga ro'yxat qilib tirkaysiz. Domdaraksiz ketadi, meni aytdi deng!

Bu payt kimlardir dasturxonni tashlab chiqib ketgandi. Ovqatlar sovigan, gap-so'z tugagan, faqat Qulahmadning «ma'ruzas» eshitilardi.

– Jining sevmagan odamlarni pashshaday terib tashlash mumkin edi-da, a labbay, qo'shni. Bir kalima gap topsangiz bo'lgani... Og'zingizning yeli. Go'yo xalq poda-yu sen hukmronsan!

– Qulahmad! – Murshidanning yig'lamsiragan oijz tovushi yana eshitildi.

- Yomon odam bo'lishi ham shart emas, menga qarang. O'sha otlib ketgan ximiya muallimimiz yomon odam emas edi. Lekin o'gli Mirkomil-chi! Mana Murshida aytsin... Ba'zan odamni ayaysan, bitta chertish bilan ketadi, sho'ring qurg'ur. Lekin navbat unga kelganida u seni ayaydimi, qani aytin...

U murojaat qilgan odamning o'rni bo'sh edi. Umuman, davra tarqagan, veteran bilan muallim ham yetaklashib chiqib ketib borar edilar. Qulahmad gapiraverdi. Bir vaqt barzangi eshikdan qaytib kirib, hamkasbining yoniga keldida, yuziga sharitta tuflab, asta chiqib ketdi.

- Mana, ko'rdingmi, Murshida, nega tuflaydi, ayt qani! Har gal shunaqa... urishadi, tepkilashadi. - Qulahmad pjanjasida ezg'ilab o'tirgan go'shtni tashlab, taom yuqi qo'i bilan yuzini artdi-yu, yana davom etdi. Shu vaqt kimdir uni qo'itig'idan olib, «turing», dedi. Bu Murshidamidi, boshqamidi - bilolmadi. Lekin endi u faqat Murshidaga gapi-rardi. - Turmayman. Menga qara, Murshida, men turolmayman, ichimda... tosh bor, O'shanda shum xabarni eshitgandan keyin, peshonanga bir shapati urib, - u peshonasiga tars etib urib ham qo'ydi, - peshonanga shunday bir urib, «men qo-til-man!» dedim-u, yiqildim. O'shandan keyin turolganim yo'q. Ichimda tosh emas, dard bor, Murshida, o'sha yuzaga chiqadi. Qanday alpozda chiqqanini men bilmayman, eslolmayman... Murshida es-esingdami... Inson mag'rur yangraydi, a? Shunday deb o'qiganmiz maktabda, esingdami? Lekin uni yanchish, lattaga aylantirish mumkin. Qayoqqa ketishdi? Men ularga shuni aymoqchi edim. Latta... mana ko'rdingmi? Mudhish gunoh bor, Murshida. Kimda? Bilmaysan.

Bu muammo yechiladimi-yo'qmi, qachon yechiladi, Murshida? Bilasamni, bitta armonim bor: mening ham kimningdir yuziga tuflagim keladi. Lekin kimning yuziga, Murshida? Bilmayman. Bir tuflasam, mast bo'lganda yoriladigan ichimdagi o'sha pasod balki tufugim bilan birga chiqib ketardi...

Qulahmad oldidagi idish-tavoqni nari surib, atrofiga qaradi. Yonida Murshida ham yo'q, allaqachon chiqib ketgan edi chamasi. Shunday bo'lsa ham, yana Murshidaga gapirdi:

- Menden ko'ngling qolgan durust. Samoderjaviye... Esingdami tarixda o'qiganniz. Men... yangi samoderjaviye davrida yashab, endilikda u bilan birga tarixdan tushib qolgan odamman. Yuragim sovuq... «Kuyov»ni chiqarib yuborolmay uzoq burchakda nima qilarini bilmay turgan ofitsiant chakkasiga ko'rsatkich barmog'ini bigiz qilib buradi-da, sheringiga shipshidi:

- Qandaydir samoderjaviyadan gapiryapti...

## QORA DOMLA

**Q**ishlog'imiz Showvasoyning yassi sohili bo'ylab cho'zilib ketgan. Shunday cho'zilganki, narigi tikka qirg'oqqa chiqib qarasangiz, shakli xuddi kattakon yashil chumoliga o'xshaydi: beli ingichka, boshi uzilay deb turibdi. Shuning uchun qishlog'imizning oti ham ikkita: «boshi», ya'ni Showvasoyning yuqori oqimidiagi kichik qismi Bolokapa, etagi Quyikapa deb ataladi. Qishloq tuman markaziga aylanganidan beri, aymiqsa, Quyikapa hisobiga yana ham yoyilib, ajabtovur kent bo'lib qoldi. Yeri toshloq, har bahor

soy toshib, sel kelib bezor qilsa ham, xalq mana shu sohilga naq yopishib olganday, aholi ko'payaveradi: suv serob, bog'-rog' tutash... Bolokapa bo'lsa yersiz, siqiq joy, tog'-tosh orasida rivojlanmay qolib ketdi. Maktabi ham pastakkina sinch-sovuq binoda, to'rt sinflı boshlang'ich maktab. Maktabning joni esa - Bolokapaning birdan bir ziyolisi Qora domla.

Bu laqab bo'limasa kerak, chunki u kishi uncha qora emas edilar, asli otlari Qoravoy bo'lsa ehtimol, biz bilmadik, ishqilib katta-kichik hamma uni orqavoratdan Qora domla, o'ziga esa, Domla deguchi edi. Qora domлага o'r ganib qolgandik, kuminiz shu kishi bilan o'tar, domla bo'limasa nima qilarimizni bilmay, zerikib qolardik. Ayniqsa, bahor, erta kuz kunlari domla bizni zax sinf hujralarida olib o'tirmay, tabiat qo'yning boshtag lab chiqar, toshloq yo'llar oralab Showvasoyning yuqori oqimiga qarab, turnaqator bo'lib yurardik. Bu yerda domla yaxshi ko'radian ajoyib joylar bor: toshlar orasidan o'sib chiqqan na'matak butalari, quyoshda qizib yotgan supaday-supaday xarsanglar. Showvasoy esa, o'z nomiga yarashiq - showvalari ko'p, suv uchquniga boqqanda nuqtasini topib tursangiz naykamalak ranglarining tovlanganini tomosha qilasiz. Bu yerlarni domla ham, biz ham tushlarimizda ko'rardin. Sayohat payti goho to'xtab, silliq soy toshlariga o'tirib, domlaning tabiat haqida, Showvasoyning boshlangan joylaridagi souvuq chashmalar, suvning necha ming yillik mehnati tufayli paydo bo'lgan ko'm-ko'k va zaxkash daralar, chaqir xarsanglar yumalab, tarashlanib mana bu silliq soy toshlarining paydo bo'lishi haqidagi hikoyalari ruhimizda tabiatning salqin soy havosining shavqi

bilan qorishib ketganidanmi, hamma narsani unutib, quloq solar edlik. Bularning ko'pini o'zimiz ham taxminan bilardik albatte, lekin domlaning gapirishlari bo'lakcha, u kishi go'yo shularning barini bir umr umut manglar, deb uqtirayotganday, o'z muhabbatini ham qo'shib dilidan so'zlardi. Nazarimda, hammadan ham bizning og'iz ochib quloq solganimizdan xursand, shundan rag'batla nar, unga sari toshib gapirar edi.

Bizning eng xush ko'rgan joyimiz - qayoqdanam kelib qolib tosh ostidan o'sib chiqqan ikkita jiyda soyasidagi ko'r padekkina maysazor. Bu yerda uzoo qolib ketishimizni bilib, nonimizni ham belimizga tugib kelardik. Asli bu joyda ortiqcha qiziq narsa yo'q, faqat narigi tikka qirg'oq, undagi qaldirg'och uylari, oldimizda esa yoyiq oqqan soy: uning shovqini bu joyda ancha bosiq, shuning uchun jon orom oladi. Undan tashqari, domlaning aytishicha, narigi sohildagi jarlikda xarsanglar ostidan otilib chiqqan muzdekk buloq jimirlab yotibdi ekan.

- Diqqat bilan qarasanglar, buloq suvining soyga qo'shilolmay, anchagacha qorayib oqqanini ko'r asizlar, - deydi Domla. Biz tosh ustida tikka turib qaraymiz. Chindan ham, timiqligidan cho'yan singari qorayib oqqan buloq suvi toshlar orasidan ko'piklanib kelgan oqishroq soy suviga xuddi qilchday sanchilib tushdi.

- Sizlar qimirlamay o'tirib turinglar, - dedi bir kuni Domla. O'zi pochalarini ko'tarib, yenglarini shimarib, choy qaynatadigan tunuka choymagimizni oldi-da, soyga kirdi.

Biz Qora domlaning mushaklari o'ynab turadigan paylari, chayir bilag-u boldirlarini o'shanda ko'rdik.



Kuchli odam edi u. Toshdan toshga sakrab, goh noxos sirg'anib tushib, beligacha shalabbo, biz tomonga qaragancha kula-kula sohilga chiqib qoldi. U yerdagi siyrak quoqzorda anchagacha ivirsidi. Biz nima qilayotganini bilolmay qarab o'tirdik. Intizomli ediik, domlaning chizgan chizig'idan chiqmasdik. Anchadan keyin choynakni boshiga ko'tarib, hali belgilagan toshlari ustidan sakrab-sakrab, yiqlimay qoqimay bu yoqqa o'tib keldi. Sochlari gacha ho'l, katta ish qilib qo'yganday xursand edi. Nima ajoyibot, yo bir mo'jizani boshlab keldi, deb betoqat kutib o'tirsak, choynakda oddiy suv!

- Buloq suvi, tatib ko'ringlar! - dedi, - hali munaqangi shirin suvni ichmagansizlar. Nonlar ringni olinglar, nonushta qilamiz!

Domla ixlos bilan ta'riffagani uchunumi, ochiq havoda yurib ochiqqan ekanmizmi, yo chindan ham suvning o'zi shunaqamidi, ishqilib bizga shu qadar shirin tuyuldi, hind-u seylon choylaringiz uyoqda tursin. Suv ichganday emas, sof havodonan nafas olayotganday vujudingiz yayrab rohat qilasiz. Sovuqligi ham beozor, mayin, shishadek tiniq, ichgan sari ichgingiz keladi. Nonimizni ham ivitib yeb qo'yidik. Domla ko'rib kelgan bulog'ining ta'rifini qilardi. Keyin, bu mo'jiza oldida so'zları ojizligini sezib, va'da qildi:

- Ikki haftada soyda suv qaytadi, kelgusi safar hammanglarni u qirg'oqqa olib o'taman, buloqni ko'rasizlar.

Jyda soyasida birpas dam olib, Shovvasoya suqlanib o'tirdik. Shovvani qancha tomosha qilsan-giz ham zerikmaysiz. Suron bilan tosh yumatlib, ko'pirib oqishidan bo'lak hech narsasi yo'g'u,

baribir zerikmaysiz. Narigi sohilda bir qiz bilan bir yigit paydo bo'ldi. U tikka qirg'oqdan qanday tushib kelishi - bilolmadik, butazorda biron aylamma so'qmoq bordir-da. Yigit pochasini shimarib olgan, ikkisi ham oftobda pishib, yuzlari bo'g'riqib ketgan; buloqni topib borib, uzala tushgancha, rosa suvga to'yishdi, yuzlarini chayib, bir-birlariga suv sachratib o'ymashdi, yayrab ketib, xoli joyda ekanliklarini unutishdi, shekilli, xuddi o'z uylaridagiday qiy-chuv qilishdi. Biz kino ko'rganday kulib qarab o'tirdik. Chindan hammasi xuddi kinodagidek edi.

Narigi tikka qirg'oqning tepasida katta yo'l bor, og'ir-yengil mashinalar g'iz-g'iz o'tib turibdi. Shu atrofda buloq borligimi bilgan yo'lovchilar, ayniqsa, shofyorlar goh to'xtashadi-yu, pastga tushish uchun yo'l topolmay, chanqoq lablarini yalagancha attang, deb yana ketishadi. Lekin bir-ikkitalari ilojini topib pastga tushishdi ham. Ayniqsa, qaytib chiqish mushkul edi. Nishabroq joylarni tanlab tirmashishsa-da, baribir toshlar yumalar, tuproq ko'char, sirg'anib ketib tizzalari, tirsaklari shilinar, xullas, buloqning shirin suvi tatimas edi. Bir amallab, azoba ko'tarib chiqqan qimmatbahoy suvulari tirmalgan yara-chaqalarini yuvishga ham yetmasdi. Biz bir kulamiz, bir achinamiz. Ana katta yo'lda brezent yopilgan yuk mashinasi kelib to'xtadi. Avval shofyor tushib, qirg'oq tepasida turgancha, bilar ekan shekilli, buloq tomonni - pastni ko'rsatdi. Brezent ostidan chiqib kelgan besh-olti yosh-yalang hammasi sho'x, olov, hech narsadan qaytmaydigan boshoqsizroq bolalar ekan chog'i, yo'l tanlab ham o'tirmay, o'zlarini jardan tashlashdi. Tosh-tikan demay, ketlari bilan sirg'alib, ildzi larga tirmashib,



xuddi buloq sapchib yotgan joyni mo'ljallab tusha boshlashdi. Lo'mboz-lo'mboz tuproq nurab, chang-to'zon ko'tarildi, toshlar yumalab, biri ikkinchisiga urilib, tog' ko'chkisiday suron turdi. Haligi beboshlari bir-birlariga baqirib chaqirar, o'zları ko'rinnas edi. Domla o'rnidan turib ketdi. U haligilarning birontasi mayib bo'Imasa, fojia yuz bermasa edi, deb xavotir olardi. Anchadan keyin, ko'chki tinib, buloq boshida chang buluti bosilgach, sho'x ovozlar, chinqirib aytilgan behayo so'zlar, kulgi aralash baqiriq-chaqiriqlar eshitildi. Buloq boshida haligilarni ko'rgach, domla joyga o'tirdi. Uning yuzida boyagi xushnud shu'l'a o'chgan edi.

- Bunaqada bir kun emas bir kun buloqning ko'zi yumilib ketadi... - dedi u ma'yus ko'zlarini narigi sohildan uzmay, - Yaxshilab pillapoya qilib qo'yish kerak edi. Nima ko'p - Showvasoyda tosh ko'p. Serqatnov yo'l, o'tgan-ketgan zinadan sakrab-sakrab tushib, muzdekk buloq suvida yuzini chayib, hordig'ini tashlab, chanqoqbosdi qilib ketardi. Jumlayi fuqaroga tatiyidigan shirin buloq. Savobtalab bo'sang yo'lovchiga bir piyola suv ber, deganlar... Afsus, Ispolkomning qo'lli kalta-da. Bekorchi bo'lganimda o'zimoq urinardim, shu ishga...

Biz Qora domlaming keyingi so'zlariga, shunchaki aytdi-qo'ydi-da, deb e'tibor bermadik. Bolalik ekan, «buluoqning ko'zin», kipriklar pirpirashini, kalta qo'lli Ispolkomni tasavvur qilib o'tirardik. Orada sotti merov deganimiz bo'lardi, semiz, dangasa, ochiq havoda uyqu bosib, mukka ketmaslik uchun cho'p bilan qunga har xil suratlar chizib o'tirardi. Qarasam, qo'lli kaltagina odamning rasmini solibdi. Ispolkomni odam deb bilsa kerak. Suratga qarab

kuldim. Qiziq, qo'lli kalta odamning oyog'i uzun bo'lib ko'rinar ekan... Biz, bolokapalik bolalar, boshlang'ich maktabni bitirgandan keyin har qayooqqa tarqab ketdik. Kimdir Quyikapadagi o'rta maktabga qatnaydigan bo'ldi, kimdir shaharga jo'nadi, kimdir otasasi bilan butunlay ko'chib ketdi. Men o'shandan keyin Qora domlani ko'rmadim. Shuning uchun buyog'iga u haqda eshitib bilganlarimning hikoya qilaman.

Qora domla pensiyaga chiqqandan keyin shirin buloqqa tushadigan tosh zinapoya haqidagi niyatni amalga oshirish uchun bel bog'latdi. Uyda zerikib qolganidan emas, u hali baquvvat, ezgu orzu esa, chindan ham xayolini butkul qamrab olgan edi. Buloq atrofida kun bo'yı aylandi, tikka qirg'oqning o'pirilmaydigan nishab joylarini timirskilab o'rgandi. Toshga o'tirib uzoq o'y surdi. Showvasoy supaday-supaday toshlar orasidan buralib oqar, showvullashlari uzoqdagi tog'-tosh, yashil, zax daralar hikoyasini so'ylaganday battar xayolga toldirar edi. «Nechta pillapoya bo'lishi mumkin», deya bir qo'lli bilan boshidagi do'ppisini ushlab, qirg'oqning balandligini chamladi, domla. «Nishabini tanlab aylanibroq chiqilsa, 40-50 pillapoya bo'lar... Qanchaga boradi bu ish? Yolg'iz o'zi say' etsa o'tgan-ketgan bir nimalarni o'ylamasmikin? Hay, bunisi go'rga. Birov machit insho etadi bu dunyoda, birov - kutubxonasi. Qoravoydan bir zinapoya qolsa qolibdi-da. Savobtalab qariya, u dunyoligini o'ylab qopti», desa der.

Qora domla ochig'i awval savob haqida o'ylagani yo'q, buluoqni saqlash, uni odamlar uchun ardoqlab qolish haqida o'yladi. Axir toliqsan yo'lovchi, shofyor-mofyor, yosh-yalang, bola-chaqa xarsang Ispolkomni odam deb bilsa kerak. Suratga qarab

zinadan yugurgilab tushib, saratonda ko'ksini sovuq toshga berib, oyna buloqdan muzdek suv ichsa, yuzini chaysa, ruhi ravshan tortib atrofga qaraydi, tabiatning kamtarin yashnashini dilidan sezib, nimadandir mammun bo'ldi. Buloq tiniqligi ko'zlarida, shu kun qalbida, Shovvasoyning bir maromda shovullashi esa quloqlarida qoladi... Qora domla shularni o'yladi, ammo-lekin savob degan so'z ham ko'nglining allaqayerida aylanishgani aniq, buni tan olish kerak.

O'y-xayollar tiniqib, dilda niyat qaror topgandan keyin cho'kich-ketmonni yelkalab keluvdiki, reja-ning andak xomligi bilindi: pillapoyaga toshni qayerdan oladi? Soy toshi yaramaydi, ticka jarda uning o'nashuvi mushkul, xavfli. Bunga yassi xarsang yo bazalt kerak. Bazalt degani taxta-bo'lib qatlanadigan qizg'ish qumtosh, zinabop bo'ldi. Shovvada har xil toshdan ko'pi yo'q, albatta. Istagancha topildi. Lekin qazib olish, tashib kelish... Birinchikun ish yurishmad. Asboblarini butalar orasiga yashirib, uya qaytdi. Ertasiga tomorqaga go'ng tashiydigan iki g'il-dirakli temir aravachasini ham g'ildiratib, yana bordi. Yuqori oqima yurib, ikki-uch bo'lak yassi toshni ko'chirib keldi. Tosh ko'p edi, lekin kamida bir tomoni yassi bo'limasa, pillapoyaga yaramaydi. Qora domla qirg'oqning tuprog'i toshlarning g'udur tomoniga moslab o'yib, dastlab topgan xarsanglarini joyladi. Toshlar cho'kich bilan moslab o'yilgan joyga chipa yopishganday, jips joylashdi. Domla mammun bo'lib, manglayini sidirib artida, birinchi pillapoyaga o'tirdi. A'zoyi-badanida og'riq sezdi, bunday charchashni o'yamagan

– Kel, Qoravoy.

– Omonmisan, Sadreddin og'ayni? – Quchoqlashib ko'rishdilar. Ular bo'y-basti qotmaligi, qoramag'izligi

yana bosiqlikmi, mulohazakorlikmi, nimalari bilandir bir-birlariga o'xshab ketishar, chetdan qaraganga aka-ukadek edilar.

– Hay... – dedi Qora domla tosh kursilarga o'tirib, fotiha o'qiganlaridan keyin. Ustaxonaning peshtoq tomoniga suyab qo'yilgan sag'ana yodgoriliklara ko'z soldi. Tarashlangan yapasqi xarsanglar, kattakichik bazalt toshlari, onda-sonda marmar bo'laklari, biriga arab imlosida qandaydir yozuvlar, raqamlar o'yib bitilgan, biriga sellofanli to'garak fotosurat o'yma qilib yopishtirilgan, biri hali chala. – Buyurtma serobmi deyman?

– Shukur deb bo'lmaydi, oshna! Ammo dunyo ekan, bandasi omonat, ishsiz qolganimiz yo'q. O'zing qalaysan?

– Alhamdulillo, senga mijoz bo'ganimcha yo'q, – domla o'zi boshlagan ishi haqidagi gapirib berdi.

– Yaxshi niyat qilibsan, og'ayni, – dedi usta Sadiddin, – o'likdan o'lja yig'gandan, tirikka tekin xizmat qil, degan mashoyixlar. Qani endi har kim hech bo'masa bitta buлоqning ko'zin ochsa. Savob ishga qo'l uribsan, Qoravoy.

– Gap savobda emas. Ko'ngil... Xo'sh, o'zing-chi, o'zing qancha olasan mana bularga?

– Biri besh so'm, biri o'n so'm, har xil.

– Ko'rdingmi, aslida har biriga haftalab ko'z nuringni to'ksan, o'pkangga tosh gardi yuqadi. Quloloqlaring bitib ketadi. Besh so'm, o'n so'm, qancha arzon pullsang savobi shuncha katta.

– Qo'ysang-chi, Qora, xayolga kelmagan gaplarni gapirasun. Bizga kulfatzada bandalar keladi. Savobga-ku, qarshi emasmiz. Lekin insof kerak, jo'ra. – Ana endi o'zingga kelding, bizniki ham shu.

Polvon choy damlab kelib, tosh ustiga qo'ydi. Qora domla ustaxona orqasidagi qiyaliklarga ko'z soldi. U yerda nishxo'rdga chiqqan xarsang bo'laklari dumalab yotar, undan narida ham necha yillik yumilar oqarib ko'rinar edi. Sangtaroshning o'g'li beton zavodida muhandis, otasiga har zamonda samosval topib berib, Showwasoyning yuqori oqimlaridan sag'anabop yassi xarsanglar yuklatib keladi. Nishxo'rd ko'p chiqadi, albatta. Biri tashiganda sinadi, biri iskana uchi tekkanda darz ketadi, biriga tish o'tmay tashlavoriladi. Qora domla aslida mana shularni o'yab kelgandi. Qadrdoni ham ortiqcha gap-so'zsiz tushuna qoldi.

– Muhandisga aytay, samosvalda eltib tashlaydi. – Yo'q, har kuni kelib, aravachamga ikki-uchtasini tanlab-saralab yuklab ketaman. Shoshadigan joyim yo'q, seni ham ko'rib turaman bahonada, – dedi Qora domla.

Shunday qildi ham. Deyarli kunda keladigan bo'ldi. Olib borgan ikki bo'lak toshini yer o'yib joylaydi-da, yana bir pilapoya ko'tarilganiga ko'ngli o'sib, do'sti yoniga keladi.

– Bo'lyaptimi?

– Bo'lyapti.

O'tirib choy ho'playdilar. Polvon domlaning aravachasiga brak bo'lgan zinabop yassi xarsanglardan yuklab beradi. Bir kuni qarasa, Polvon uch gaz keladigan yaxlit, yassi bazaltni aravachaga joylab qo'yibdi, qanday ko'targan – xudo biladi.

– Yo'q, buni olmayman, – dedi domla, – tupkaning tagidan yuklab kelingan mol-a! Eshakka tilla tushov bo'ladi, bu. Olmayman.

– Olaqol, bizda ko'p.

- Yo'q, o'zingga kerak bo'ladi, egasi kelib qolar...  
Qara, tabiatning o'zi tarashlab, sag'anabop qilib  
qo'yibdi. Tushir, Polvon uka!

- Hay, mayli, tushir, - dedi usta. - Aytganingday,  
egasi kelib qolar.

Shunday qilib, Qora domla kun ora kelib  
yuklab ketgan toshlaridan binoyidek zinapoya  
tiklay boshladi. Yuqorida aytganimday, toshlarning  
notekis tomomi puxtalab tuproqqa chippa yopishar,  
oqariib ko'ringan pillapoyalar qiyalikning nishabroq  
joylaridan eshilib-buralib kun sayin tepaga o'rlab  
borar edi. Domla gohi qora terga bothib holdan toyadi,  
sangtaroshning bostirmasida birpas o'tirib choy  
ichadi. Hordiq chiqaradi-da, aravasini sudrab borib,  
isnga tushadi. Ba'zan qattiq charhaganida tizzalari  
qaltirab, zinaming tikka qirg'oq tepasigacha chiqib  
borishiga ko'zi yetmay qoladi. Shunday kunlarning  
birida yelkasiga belkurak tashlab Sotti merov kelib  
qoldi. Yodingizdadir, bu - hov o'sha, tabiatni mahliyo  
bo'lib tomosha qilish o'rniga qumga surat chizib  
otiradigan sinfdoshimiz. Yolgiz o'zi Bolokapada  
qolib ketgan ekan. Qayoqqa ham boradi. Oramizda  
ashaddiy «ikkchi shu edi. Biz uni otaliqqa olib,  
darslarini yodlatib, obdan qiroat qildirib, imtihonga  
rosa tayyorlaganimizda baribir bir amallab ikkini  
olib chiqardi. Mana bugun bir qarashay deb kelibdi.  
Domla xursand bo'ldi. «Odam bo'pti shu merov  
ham» deb. Uning bo'yи cho'zilgan, suyagi buzuq,  
oyog'ida qo'pol etik, qo'li ishga chopib turardi. Ish  
yurishib, zina go'yo tepega qarab «yo'rg'alab» ketdi.  
Sotti merov tushgacha astoydil ishladi. Lekin kechga  
yaqin toliqdi chog'i, tili chiqib, achchiq-tizziq gap ota  
boshladi.

- Dashti biyobonda kimga kerak ekan bu  
dahmaza, domla?

Qora domla yalt etib qaradi-yu, indamadi.  
Kutilmagan bu fikrdan esankirab, merovning mishiqi  
bola paytini ko'z o'ngiga keltirdi.

- Hamma shunga... hayron, - dedi Sotti merov.  
Domla yana indamadi. Nima ham derdi. Bu  
merov shogirdini tuzlab qo'yishi mumkin edi-yu,  
endi... katta bo'lib qolibdi, mo'ylov ham qo'yibdi.  
Bir chekkasi hasharga kelgan odanga qattiq gapirib  
ham bo'lmaydi.

- O'tib ketgan eski dunyoning bandasi ekansiz,  
domla, - dedi merov ham indamagan sari oshib.  
Domla andishaning otini qo'rkoq bilgan bu  
merovni javobga arzitmad. Inson bolasining o'sish  
ulg'ayish, o'zgarishi, bunda o'zining, umuman  
domlalarning o'mi haqida o'yga toldi. Bularga  
ko'p narsani o'rgatdi, o'git-nasihat qildi, tabiat  
go'zalliklarini ko'rsatdi. Lekin beminnat, beg'araz  
ishlar tabiatgagina emas, olamni yashnatgan  
bahorga, tiriklikni barqaror etib turgan sof havo va  
soy chashmalar, oy-u yulduzlargagina emas, insonga  
ham xos ekanligini gapirmagan, amalda ko'rsatmagan  
ekan, o'ylab qarasa. U Sotti haqida o'ylamay qo'ydi.  
U endi ketadi va qaytib kelmaydi. Gap bunda emas...  
Bu mahal Sotti chindan ham etagini qoqib, etigini  
yuvib kiygandi.

- Shogirdlar giz ko'p, qarashvor deb chaqirsangiz  
bo'lmaydim? - dedi domlaning tundligidan battar  
xafa bo'lib, - savobingizza sherik bo'lishadi, deb  
qo'rqasizmi? - dedi iljayib, belkuragini yelkalab  
jo'narkan. Shu ketgancha chindan ham qaytib  
kelmedi. Lekin ish to'xtagani yo'q. Qora domlaning



dilxira bo'lgani qoldi. Uning ilhom chirog'i so'ndiyu, lekin o'chakish shami yondi. O'chakish esa charchash, toliqish bilan hisoblashmaydi. Bir oy deganda domla tamom darmondan qoldi-yu, ammo zinapoya buralib, to'lg'anib qirg'oqning eng teppasigacha chiqib bordi. Qora domla etik yechib, o'z ishini bamaylixotir tomosha qildi. Qarasa, o'z mo'ljalidan oshiq, 53 pillapoya bo'libdi, uzoqdan oqarib yo'lovchi-yu, sayyoqlarni o'ziga chorlab turibdi. Joyida! Domlaning ko'ngli o'rniqa tushib, besaranjom tuyg'ulari bosildi, maloli o'ylari unutildi, hordig'i chiqib, dilidan g'ubor ko'tarilib, bo'g'lnlari bo'shashib, tanasiga orombaxsh bir ilig'lik yayrasi. Joyida... Hali bu yer misli bir qadamjo bo'lib shuhrat topadi, horg'in o'tkinchi chanqog'ini bosib, ehtimol «bu zinapoyani kim qurdiykin, baraka topkur?» - deb ham qo'yar, qari-qartang duoga qo'l ochar, bilganlar esa balki Qoravoyni tilga olar. Yaxshi gap tez tarqaydi, zora bir chaqqon muxbir ham chiqib, gazetga chop etsa, ya'ni shundoq-shundoq niyatli odamlar bor, falon joyda shunday ezgu bir ish bo'libdi va hokazo, deb.

Qora domla o'z qo'l bilan qilgan ishga suqlanib, ko'zi to'ymay, horg'in xayollar uyoq-buyoqqa sudrab, jiyda soyasida uzoq o'tirdi. Quyosh oqqan bo'lsa ham, endi bu zinapoyadan havas bilan birlinchi bo'lib tushib kelgan biron zotni ham ko'rib ketay degan niyatda yana jindak kutdi. Qosh qorammasdan, tepadagi katta yo'lda ikki ayol ko'rindi. Boshini ro'mol bilan tang'ib, kamzul ustidan belini bog'lagan bu ikki xotin Shovvasoyning yuqori oqimi dagi tog'lardan

do'lana terib kelishayotgan bo'lsa kerak, qo'llarida og'ir kajava, jarlik tepasiga kelib to'xtashdi.

- Voy, ovsin, zinapoya bor ekan-ku, - dedi yosh-

rog'i chinqirib. Namozshom jumlida ularning quvnoq chug'ur-chug'urlari yangrab eshitilib turardi.

Kajavalarni boshlariga ko'tarib, yangi zinadan birinchi oyoq bosayotganlarini o'ylamay, hakkalab hakkalab tushishdi. Soyaday qorayib turgan tosh va butalar ortida, buloq labida ularning sho'x qiy-

chuvalari anchagacha eshitilib turdi. Domla qariligi tutibmi, yo bo'limasa shu sokin oqshonda ko'ngli

judu yayrab ketganidanmi: «lloyo qadamlinglar qutli bo'lsin» - deya duo qildi, o'rnidan turdi. Cho'kich, ketmonlarini olib ketish bahonasida er-

talab kelib, zinapoyani yana bir ko'rib ketdi. Joyi-

da. Oqarib uzoqdan chorlab turibdi. Qattiq zo-

riqsan ekan, domla doktorga qatnab, bazo'r

o'ziga keldi. Doktor yordam qildimi yo ko'ngil tinchligimi, ishqilib, beldan gardanga, undan

biqinga ko'chib yuradigan zircqirashlar harna qoldi.

Ko'ngil nisbatan tinch edi-yu, bir chekkasida nimagadir intiqlik, bir bezovta his bor edi. Ochig'i,

domla zinapoya haqida hech bo'limasa biron gap-

so'z bolishini kutardi. Bu kutishni birovlardan, hatto

o'zidan ham yashirmoqchi bo'lardi-yu, eplolmasdi. Buloq obod sayrgoh bo'libdi, yosh-yalang yayrab qolibdi, katta yo'lda hamma to'xtab o'tarmish, degan

gaplar bir necha haftadan keyin yetib keldi. Ammo na buloq, na zina va na domla haqida gazet-pazetda hech narsa chiqmadi...

Aytishlaricha, bir havaskor muxbir tuman ro'znomasiga maqola yozib olib borgan emish, mu-harrir ko'rib: «Xo'sh, nima, DneproGES qurilibdimi,



bu haqda butun boshli maqola chiqarsak?! «Xronika» bo'limiga kiring uch-to'rt satr qilib berishsin», deya qaytarvorgamish. «Xronika» bo'limining xodimi ham yelkasini qisib, «Yo'q, birodar, biz xromikada jizillab turgan o'tkir faktlarningina beramiz. Masalan, bosqin, toshqin, yong'in...», deya barmoqlarini bir-bir bukib uzoq sanab, havaskorning hafsalasini pir qilibdi.

«Xronikabop» jizillagan o'tkir voqealar haqidagi ovoza bir necha oydan keyin tarqala boshladi. Avvalo, qandaydir bir guruh yoshlari obod buloq labida ulfatchilik qilib, qattiq mushtlashishdan keyin, boshi shisha bilan urib yorilgan, birovi kasalxonaga olib kelinganmish... Bu mish-mish yetib kelgan kuni Qora domla gangib qolganidan, pensiya organi borish yodidan ko'tarilib, oilasida xafaqonlik yuz berdi. «Ha, esi pastlar, aroq ichadigan joymi-ya!» deya, kechasi bilan g'o'ng'llab, uyqu ololmay, u yoq-bu yoqqa ag'darilib chiqdi. Yaxshi hamki, bu gap gazetada chiqmay, el og'zida qolib ketdi. Bundan keyingi ovoza ham mish-mish darajasida bo'ldi: kimdir Qora domlaning zinapoyasidan yiqlilib, oyog'ini sindirgan emish. «Emish» bo'lsa ham, bunisi domлага qattiq botdi, chunki xalq og'zidagi gapda «Qora domla zinasi» degan so'zlar ham ora-chora qulqoqa chalinar edi. Domla ezilib ketdi. Bundan keyingi voqeas esa, gazetada do'mbira bo'lib, o'gan ustiga tepgan, deganday, domlani astoydil esankiratdi. Markazdan kelayotgan bir taniqli oila quvnab-yayrab buloqdan suv ichib chiqsa, katta yo'lda qolgan «Volga» mashinalari yo'q emish! Taxminlarga qaraganda, bu xoli joyda shunaqalarni atay poylab chakalakzorda yotgan «shaytonlar» shartta haydar ketishibdi. Hali shunday poylab yotadigan «shaytonlar» ham

chiqbidi desangiz-chi! Domladan souq ter chiqbidi ketdi. Xayriyatki, bu gal gazetda uning nomini tilga olishmadidi. Olishsa o'rni bor, nojo'ya bo'imasdi. Xudo saqlabdi. Yo tovba...

O'sha haftaning o'zida «Xronika» chashmada noma'lum bir qizni zo'rlab ketishganini xabar qildi. Shundan keyin bir oycha tinch bo'lib, domla endi o'zinga keldim deb turganida, buloq atrofidagi butazordan o'lik topildi. Qora domlaning bulog'i-yu zinapoyasi tumanda odamlarning ko'ngliga dahshat soladigan xavfli joyga aylandi. O'zingiz bilasiz, el oshirib, qo'shib-chatib ham gapiradi, ko'p o'tmay o'sha joylarda hech narsadan tap tortmaydigan kallakesarlar ham paydo bolgamish, degan gap tarqaldi. Kim biladi deysiz...

Qora domla bosh ko'tarib ko'chaga chiqolmay qoldi. Yaqindagina, qilgan ezgu ishimni bir og'iz gazetaga ham yozishmadidi, deb ichidan xafa bo'lib yurgan odam, bugun birdan yomon otig' bo'lib, o'sha zina haqidagi niyatni diliqa solgan kuni-soatini kechalar bilan la'nattab chiqadi. Uyda o'trib, cho'kib-bukchayib qoldi. Qulog'ini bekitib o'tirgan bilan qutulib bo'larkanmi?! Bir oycha o'tkazib, bozor-o'charga chiquvdi, ikki joyda notanish odamlar uni «Ana, Qora domla» deb barmog'i bilan turtib ko'rsatganini payqadi. Nariroqdagi rastada bir xotin sotayotgan pomidorining ustini yopib, domla o'tib ketguncha yuzini o'girib turdi. Shundan keyin bozor ahli, hamma unga qiya qarayotganday bo'laverdi, qulog'iga «Qora domla», «Qora domla» degan betinim shivir eshitilardi. O'zidan o'zi darmondan qolgan domla keragini xarid qilolmay, gandiraklab yurib bozordan zo'rg'a chiqib ketdi. Uyda ham uni



shumxabar kutardi: hov o'sha zo'rlangan qizning onasi, telbami-sog'mi bilib bo'lmaydigan darajada, kelib, domlaning darvozaxonasida sochlarni yulib, dod-u suron solibdi. Qo'ni-qo'shnini boshiga to'plab, mudhish qarg'ishlar aytib ketibdi.

Qora domla kechasi bilan bosinqirab chiqdi. Ko'zini yumishi bilan goh changalzorda yotgan kallaslar, goh sochini yulgan telba xotin, goh buloq bo'yida uzala tushib yotgan murda, gohi bozordagi teskari yuzlar, sirli nafrat chaqnagan qarashlar ko'z o'ngiga kelar, o'rnidan turib ketardi. Oxirgi turishda obrezda yarim satilsovnu boshidan quydi-da, tandir biqiniga suyalgan lo'mni yelkasiga olib, chiqib ketdi. Tong salqin edi, yo'tal tutdi. Yo'tal zo'ridan ko'zi tingan domla Shovvasoy yoqasidagi o'zi sevgan chakalakzor gullarini ham, undagi oqish shabnam sarinligini ham, endi uyg'ongan chipor kapalaklarni ham ko'rmadi. U buloq tomonga shoshardi. Qani o'sha «shaytonlar», qani o'sha zo'ravon-u bezorilar, qani o'sha kallakeslar!

Bu darg'azab dard uning ruhida bor-u, jismi bo'shashgan edi. Zina bosib yuqoriga chiqqanida bu yana bilindi, lo'mga suyanganicha kattiq hansirab, pastga, atroflarga ma'yus qaradi, hech zot yo'q edi. Tongda oqarib, namlanib yotgan zinapoya xarsanglariga qaraganida, negadir ko'zidan tomchi yosh sitilib chiqdi. Shuning zo'ri bilan eng tepadagi birinchi pillapoya ostiga lo'm urdi. G'azab bilan qayirib tashladi. Tosh shag'al aralash tuproqni shovvullatib o'pingancha, yumatib tushib ketdi. Qizishgan qariya ikkinchi pillapoya ostiga jon-jahdi bilan lo'm urdi, jahl bilan birga qandaydir yovuz kuch ham to'lishib ketdi. Domla nafas siqishini

unutgan, qora terga botib, tosh qayiradi. Qurish qiyin, yemirish oson, tepe qismini bir lahzada o'pirib tashladi. Sal tinsa butunlay to'xtab qoladiganday, urinib-surinib davom etar, lo'm qo'lidan chiqib ketsa, inqillab yana olar, «manab o'limasa!» deb urganida tosh chaqnab, domlaning o'zi munkillab ketar, lekin timmas, urar, tepar, qayrirar, buzar edi. Pastdan o'n-o'n ikki pillapoya qolganida ichida xuddi bir narsa uzunganday, domla «ing» dedi-yu, toshga o'tirib qoldi. Qo'lidan chiqqan lo'm toshdan toshga urilgancha jaranglab, pastga tushib ketdi. Domla, ko'z oldi qorong'ilashgach, belini ushlab, qayrilgan zinapoya o'rniga yonboshladi. Lekin u o'z ahvolini o'ylash o'rniga, negadir, Sotti mervoni ko'z oldiga keltirdi: «Domla, o'tib ketgan eski dunyoning bandasi ekansiz...» esladi-yu, ingrab yubordi. Quyosh tikkaga kelib qolgandi, lekin uning ko'z o'ngi qorong'i. «Xudoym-ey, - dedi u hamon o'z ahvolini o'ylamay, - qanday kunlarga qoldik? Yaxshilik qilib bo'limasa dunyoda...» Bu payt yuqorida mashinalar to'xtab, ikita shofyor qichqirdi:

— Hoy, jinni bo'ldingmi, nega buzayapsan zinapoya? Hey, senga gapiryapmiz! Birovlar ne azobda qu-radiyu, sen buzib tashlaysam!!! Esing joyidami o'zi...

Ular pastga tushishdi. Qora domla tepasida turgan odamlarni ko'rib, o'z ahvolini esladi:

— Bolalar... belim...

Qarasha, bu «tentak»ning ahvoli chatoq. Ko'tarishib chiqib mashinaga soldilar. Tuman kasalkona-sida qaytalab so'rashdi.

— Qayoqdan?

— Buloqdan, dedik-ku. «Qora domla» zinasida beli chiqib yotgan ekan.



- Obbo, yana Qora domla! - dedi doktor ko'zida vahima bilan. Uch kundan keyin kasalkonada Qora domlaning joni uzildi. O'sha katta yo'l yoqasidagi qabristonga yerladilar. Sadr sangtarosh Qoravoyni maqtab, aravachasiga olmay, «egasi kelib qolar» deb tashlab ketgan o'sha katta bazalt toshga do'stining nomini o'yib yozdi-yu, do'ng tuproqning bosh tomonida uzoq o'tirib qoldi. Xotira toshiga qarab gapirdi:

- Yaxshilik qilding, savobini olding-ketding ekan-da? Yo'q, undoq emas, Qoravoy og'ayni, ovora bo'lasan, savob degani yaxshi zamonlardan qolgan gap. Bizning kunlarda esa...

## JINNI

**S**aidumarni olti-yetti yıldan beri ko'rGANIM yo'q edi. Kabobxonada bir yarim soatcha o'tirib, miriqib gaplashdik. Maktabdoshlardan biri qizini uzatibdi, birining o'g'li askardan qaytibdi, falonchi bobo, joyi jamatdan bo'lgur, o'tgan yili kuzda tom bosib qazo qilibdi, falonchi kelinoyi bo'lsa ikki bolasining ustiga... Ishqilib, bir dunyo xabar, naq borib kelganday bo'ldim qishloqqa. Yaxshi-yomon tanishlar qatori, Halim domlani so'rab qoldim.

- ...domla chatoq... - dedi Saidumar kabob chay-nab turib.

- Ha, nima, kasalmi?

- Undan battar.

- Yo'g'e, nima... qamoqdamni?

- Yo'q... koshkiydi.

Garangsib, Saidumarga tikilib qoldim. Halim domla eng yaxshi muallimimiz edi, ijtimoiyatdan.

Ko'z o'ngimga keltirdikki: endi saksonlarga borgandir, nima bo'lishi mumkin?

- Tirikmi, ishqilib domla, gapirsang-chi, mujmal qilmay! - dedim toqatsizlanib. - Kirdi-chiqdi bo'lib qolgan domla, - dedi Saidumar, ko'rsatkich barmog'ini chakkasiga bigiz qilib.

- Qo'ysang-chi... jinnimi?

Ug'amgin bosh irg'adi. Men jiddiy qabul qilmadim bu gapni, ishonmadim, ochig'i. Bunga ishonish qiyin, niyoyatda esli, sog'lom, ehtiyyotkor odam edi. Haytovur... qariganda nimalar bo'imaydi.

- Nimadan iborat... jinniligi? Nimalar qiladi?

- Nima qillardi... g'irt, sho'ring qurg'ur.

- Yo'q, menga qara, aniqroq gapir, balki tushunmagandirsanlar uni... Axir, ular... - «ular» dedim-u, domлага xiyonat qilayotgandek o'zimdan g'azablanib, anchagacha asabiylashib, jim o'tirdim. Ruhiy kasallar haqida o'qiganlarim yodimga tushdi: - har xil bo'lischadi: biri Napoleonman, deb da'vo qiladi, biri...

- Ha, ha, buning ham da'vosi zo'r - yozuvchiman, deydi. Yozgani yozgan.

- Niman yozadi?

- Har baloni, jinnining gapi-da, nima bo'lardi, qalin-qalin daftarlarni to'lg'izib tashlagan.

- O'zing o'qib ko'rdingmi?

- Ko'rdim-da.

- Xo'sh?

- Masalan, qarg'a haqida... velosiped haqida...

- Nima debdi... qarg'a haqida?

Saidumar kulib yubordi:

- Qarg'a... tumshug'i falon santimet. Kuzda janubdan uchib keladi, Qanoti... e, qo'ying-chi,



hamma biladigan shunday gaplarni daftar-daftar qilib... jinnining ishi-da.

- Velosiped-chi?

- Egari uch burchak, ikkita g'ildiragi bo'ladi. Rezinkadan. Rezinka esa... hay, jinni bo'lsa ham biladi vey. Masalan, sen rezinkaning nimadan bo'llishini bilasamni? Yo'q, u biladi. G'afur Gulom hazillashardi: falonchi shiringina jinni bo'pti, deb. Bu ham esligina jinni bo'lgan. - Saidummar lablarini artib, selkillab kuldil. - Ko'rinishdan binoyiday, qilgan ishlari bo'lsa... Axir, o'rik haqida butun bir daftar-al. Ozimizning oddiy o'rik haqida. Dovchaligida bolalar talashib yeysi emish. Iyun oyining boshida pishadi, ichida danagi bor, chaqib mag'zi yeyiladi, mag'zida yog' bor. Quritib, turshak qilish. Hokazo. Kim bilmaydi buni! Kimga kerak, aytin! Balki, chukchalar, eskimoslar uchundi! - yana tebranib kuldil Saidummar. - Qisqasi... domla bechora chatoq.

Turdik. Saidumarning domlamiz ahvoliga beparvoligi menga yoqmad. Shunaqa ham bo'ladimi! «lshqilib» «qisqasi»... Masxaraomuz gaplar. Shunday fojia haqida-ya!

Yo'q, men domlani borib ko'rishim kerak. Ertasigayoq qishloqqa jo'nadim. Halim domlaning hovlisida deyarli hech narsa o'zgarmabdi. Choyxonaday keng ayvon. Uy orqasi molqo'ra, suvsizlikdan qurib yotgan o'rikzor. Biz bolaligimizda domlaga qarashib, toonga g'o'zapoya g'aramlar, chipta qopga tezak qoplab, o'choq boshidagi bostirmaga g'amlab qo'yar edik. Shuncha yil o'tishiga qaramay, hali ham hammasi o'sha-o'sha. Halim domla bo'lsa sira qarimabdi, ajabo, saksondan oshgan odam... yuzlari qip-qizil, o'zi jonsarak, serharakat... Tavba deyishim kerak,

kallamga bir fikr keldi: telbanning miyasi ishlanmaydi da, nimaga ham qarisin: demak, Saidumarning gapida jon... Domla meni juda xursandchilik bilan kutib oldi, qayoqqa o'tqazishni bilmaydi: «Yozuvchi o'g'lim... yozuvchi inim!» Nazarimda, shoshilb ham qoldi. Men o'z o'yimdan xijolatman-u, lekin domlani hamon zimdan kuzattaman... Yo'q, domla tappa-tuzuk gaplar gapirayapti. Bola-chaqalarimi surishtirdi, yozganlarimi o'qib turar ekan, xursandligini aytdi. Men esa, o'z shubhalarimda o'zimni noqulay sezib, gapimni yo'qotib o'tiribman-u, hamon simamoq bo'llib, savol qidiram: nima desam nima derkan? Unga o'zim jinni bo'llib ko'rinnmasam edim. Domla kam targina dasturxon tuzadi, men bir vaqtlardagiday, unga qarashgan bo'ldim - bu uyda hamma narsaning joyini bilar edim. Ayyonning poli - yer, bo'yra ustida namat tashlangan, xontaxta yonida eski ko'rpa cha, shu yerda o'tirib, bir piyola choy ichdik.

- Domla, siz ham... yozar emishsiz, deb eshitdim. - Ha, bizning yozishlar endi... - deb kamtarona jilmaydi, - bizning yozishlar boshqacha. Ko'p yozaman, ammo-lekin.

Ana... Domla kitob javoni qatidagi tokchani ko'r-satdi. U yerda o'nlab qalin daftarlар taxlog'liq edi. Saidumarning gapi yodimga tushdi: «Yozgani yozgan. Qalin-qalin daftarlarni to'lg'azib tashlagan... Aqlligina jinni...»

- Bir ko'rsam maylimi? - dedim choydan keyin o'mindan turib.

- Sen albatta ko'fishing kerak, - dedi domla nazarimda, quvonib ketdi.

«Yozganlarini hech kim so'rab o'qimasa kerakda», deb o'yladim ichimda. Daftarlardan birini olib

varaqladim. Chindan ham, hamma sahifalarni to'latib, hafsa bilan yozilgan edi. Boshqa daftarlarni ham olib, ochib ko'rdim, ular ham shunday. Tig'iz, puxta yozuv bilan to'la.

- Bularning hammasi... bitta asar bo'ladi? - Bitta kitob... bo'lishi kerak. «Ezgu kitob».

- «Ezgu kitob?» Nomi shunaqami? - Ha, hozircha, taxminan. Ammo, bilib qo'y, bu badiiy asar emas. Aslo! Badiiylikka da'vo qiladigan jinni emasman.

Badanim jimirlab ketdi: nahotki, o'zi ham tu-shunsa? «Ezgu kitob» emish... Ezgu kitoblar yozilib bo'lgan, ular asrlardan buyon yashab kelayapti. Buni tushunmaydigan odam... Dastlab birinchi daftardagi sarlavhalarga ko'zim tushdi: «Zig'ir», «Parovoz», «Dollo», «Chumchuq», «Bezak», «Nosvoy»... I-ya, biri tog'dan, biri bog'dan-ku? Domlaga qarab qo'ydim. Qarashimda qandaydir shubhani payqadi, shekilli, zo'r berib tushuntira boshladi:

- Bu mavzular keyin sohasiga qarab, alfaviti bilan tartibga solinadi: tabiat, texnika, ijtimoiyat, siyosat, ashylolar, jismlar, mavhum tushunchalar... - Lug'atmi? Lug'atlar, qomuslar bor-ku?

Domla o'ychan jilmaydi.

- Sen ham meni barcha lug'at-u qomuslarni qayta yozib chiqishga ahd qilgan jinni ekan, deb o'layotgan bo'smagin tag'in, yozuvchi imim... Bu kitobda narsalarning, ashylarning, hayvonlarning oddiy va batatsil ta'riflari boladi.

- Ko'rib turibman... Mana, arava. Mana, qurbaqa... unga yarim daftar ta'rif. Haqiqatan ham oddiy... Hatto jo'n.

- Ha... Ham keng ta'rif. Kechirasiz, sizni jinni deb o'ylash xayolimga ham kelgani yo'q. Bu - uzoq avlodlar uchun bo'lsa kerak, hoynahoy?

- Uzoq, juda uzoq avlodlar uchun, - dedi domla tetiklanib. - Uzr, men seni ba'zilarga o'xshatmoqchi emas edim, qaytaga meni tushunishingga aminman. Bilasan, dunyoda hech narsa abadiy emas. Faqt so'z, yozuv uzoq yashaydi... So'z, yozuv bo'Imaganda biz; masalan, qadim dunyo qiyofasi haqida tasavvurga ham ega bo'lmasdik.

- Qadim yunon eposlari...

- Barakalla!

Halim domla jilmayib, nimalarnidir esladi chog'i, dam o'tib, davom etdi:

- Buni... Xrushchev davrida, yodingdami, bu ionivorlarga qiron kelib... hamma qo'rasidan dashiga, sahroga haydavorib, juda xor qilishgandi. O'sha kunlari yozganman. Bilasanmi, imim, yer yuzida mamontlar yashagan vaqtda bir senga o'xshagan azamat qalamkash hafsa bil qilib, ularning ta'rifini qog'ozga tushirganda edi...

- U zamонлар qog'oz, yozuv bo'Imagan-da.

- Hozir esa bor! Mamont ta'ifi yozilmagan uchun hozir olimlar uning bir suyagi topilsa katta kitob yozishhayapti. O'z taxminlari uchun fan doktori unvonimi olishhayapti. Iloji bor ekan, dunyoda avlodlar uchun har narsaning ta'ifi qolishi kerak, deb o'layaman. Mana hozirgi yoshlarning hammasi ham Qo'qon aravaning qanday bo'ganligini bilavermaydi. Ming yil o'tib, hozirgi «Jiguli»ning qandayligini kim bilarkan, aytolasanmi?

- Ha, ming yilda ko'p narsa o'zgaradi, ko'p narsa

izsiz yo'qolib, ko'p yangiliklar...

- Ming yilni aytasan, yozuvchi inim. Mana

«Qoraqalpoq qissasi» degan kitobing bor-a?

- Ha.

- O'shani yozganingga necha yil bo'ldi?

- 25-30 yil bo'lgandir.

- Anal! Unda sen Mo'ynoq ko'chalarida turib dengiz, to'lqinlari, chag'alay galalari, teploxdogudoklari haqida gapirasani. Qo'ng'irotdan boshlangan qamishzorlar, tutash ko'llar, jing'il chakallari, to'qaylardan o'tadigan yo'llar haqida yozasani. Shu kunda Qo'ng'irot, Mo'ynoq bolalari yuz kilometr narida dengiz, hatto dengiz ham emas, sho'r botqoqlar borilagini eshitibgina biladilar! Qissangni o'qib hayron bo'ladir. Ba'zan arzimagan bir narsaning ta'rifni butun bir tarixiy-madaniy qatlamni

qayta ochish uchun kalit bo'lishi mumkin. Magnit lentasi, mikroteka, kompyuter davri kelayapti. Bola «pero» nima deb so'raydi. G'oz pati bilan dohiyona kitoblar bitilgan zamonalr uning uchun ertak.

- Sizning rejangizga ko'ra... butun borqlijni ta'riflab, chiqish kerak... bu, kechirasiz, ertakdan battar, utopiya-ku, domla?

- Buni jimmilik deb baholamaganingga xur-sandman. Utopiya esa, to analga oshmagunchagina utopiya bo'ladi.

- Buni bizzdan keyin ham kamlardir davom ettar, demoqchisiz?

- Xuddi shunday. Eng muhimi - boshlash. Keyin borib... balki shu bilan maxsus shug'ullanadigan uyushma, ehtimol, butun bir akademiya paydo bo'lar...

Bunga men o'zim ham qiziqb qolib, suhbati maroq bilan quvatlay boshladim.

- Domla... Nazarimda, bu ishning bir qismi bajirligan ham, barcha tillardagi so'zliklar, qomuslar... ularni bir joyga toplash... yo «Ezgu kitob»ga qo'shish, jamlash...

- Balli!

- Lekin, domla... - axir tillar ham borib-borib o'zgaradi, yo'qolib ketadi. «O'lik tillar» degan tushuncha bor.

- Gap shunda-da... - Halim domla o'yla toldi. Umidsiz, asabiy... nazarimda, sal... jinniroq ham bo'lib ko'rindi. - Gap shunda-da... Odamning o'zi yo'qolib ketmasdan burun qilish kerak buni...

## KOK TOSH

1993

**M**en toshman, ko'k tosh. Otim - Yashm. O'n ming yillardan beri ko'rmagan tomosham qolmadı. Birov boshiga ko'taradi, birov sirtimga minib o'tiradi, birov to'riga qo'yadi, birov - go'riga. Yurmagan yo'llim, ko'rmagan elim yo'q. Bir yer yuzzining qaysi bir nuqtasida yotsam, menga-ku baribir, lekin odamlarga hayronman, tog'-u tosh demay, daryomi-dengiz demay, dam dunyoning u chekkasiga, dam bu chekkasiga sudraganlari sudragan meni. Chiroyli ekanman, asil ekanman, shaffof ekanman, xo'sh, kelib tomosha qilaver. Yo'q-da, meniki bo'lsin. Shu «seniki-meniki» degan faqat odamda bo'ladi, nazarimda - urush-janjali ham, qirg'ini ham shundan, o'limi ham, kulfati ham. Tag'in, buning gunohini o'zlaridan soqit qilish uchun, mening to'g'rimda mudhish afgonalar bo'lar...



to'qishganini aytmaysizmi! Keyingi bir necha ming yil davomida-ku Chin-Mochinning hashamatli saroylarini bezab, ancha tinch o'tirdim. U xoqonning qasridan bu xoqonning saroyiga surgalib, ancha sayqallashib qolgan bo'sam ham, bus-butun edim, birov jon bergani ham yo'q meni deb. Ammo, mana endi, Chingiz degani kelayotgan mish, tuman-tuman lashkari bilan dala dashtni dud-u to'zonga chulg'ab. Meni deb kelayotgammish. Men kerak bo'sam, mana turibman-ku, kel, ol. Nima qilasan butun bir mulkattni o'tga tutib, shaharlarni ko'kka sovurib, lak-lak lashkarni qirib, begunoh elatarni qon-qora qaqqshatib! Yorab!!!

Aytdim-ku, dunyoning qaysi chekkasida yotsam - menga baribir, deb. Mana endi, tag'in sudrab ketishayapti. Chin-Mochinda meni muqaddas hisoblar edilar, mana endi tinchligim buzildi, meni deb yuzta ot, uch yuzta navkar ovora. Ko'p o'tmay, qumda sudraydigan yog'och chanaga tushdim. Chun-ki ustiga xoda qo'yib, meni lo'killatib olib ketayotgan to'rtta fil kecha kechasi o lib qoldi. Cho lga yaramas ekan-da, jonivorlar. Keyin to'rtta tuya o'rka chiga joylab ko'rishi, bo'lmaidi, sirg'alib tushib, qumga yumaladim. Ottita navkarni bosib qoldim, yerga chalpakday yopishib jon berishdi, sho'ring qurg'urlar. Bu voqeadean keyin xoqonning o'zi yana to'rttasini entiyotsizligi uchun qamchilab o'dirdi. Endi mana «chana»daman. Ey, aziz jonini ayamagan odamlar-ey...

Menga-ku, ming yil cho't emas, bu gumrohlar ming umri axir bir nafas. O'ylab ko'rsa-chi, qadriga yetsa-chi! Meni joyimdan qo'zg'aganning o'zi bir falokatga duchor bo'ladi. Bu afsonani, hali aytganimday, odamlarning o'zları to qib chiqargan, o'zları shunga

ishonishadi ham. Asli o'zi shunday, shekilli-da, necha marta sinaganman, o'zim ham ishonib qoldim afromaga. Qo'l tekkizishsa xavottilianib turaman. Lekin odamlar... hamon joyimda tinch qo'yishmaydi. Haligi Chingiz degani ham mana meni ne azob bilan olib keldi-yu, o'zi, o'sha afsonada aytliganiday, bekordan bekor shamollab, to'satdan qazzo qildi. Mening Chin-Mochindan Movarounnahrga ko'chib olganim qoldi. Bu yerning xo'jayini ham, uning oti Chig'atoy edi, naifimni ko'rib-ko'r'may o'lib ketdi. Odamlar buni ham mening kasofatimga yo'yishdi, albatta. Inson o'tmisħdan saboq olmas ekan-da. O'sha Chig'atoyning nevarasi yana menga qo'l urib, Naxshabda taxt qilib, ustingga minib o'tirdi. E... bunga ham yorlaqagani yo'q. Ochig'i, gap mening haqimdagħi afsonada emas, hammasi odamlarning ochko'zligidän.

Axir, Chin-Mochin xoqonlari meni qaytib olib ketish uchun ne-ne hiyla-nayranglar isħlatishmadi, ne-ne pora-yu boyliklar va'da qilishmadi, oradagi sotqinlik xiyonatlar g'oyib bo'lgan, o'lib ketgan, ne-ne odamlar. Axiri, mening bo'lg'usi xo'jayinim ulug' Temur bariga chek qo'ydi, ochko'z urishqoqlarning nafsimi tiyib, boshini qo'shib, bir toj ostiga jipslashtirdi. Bu mashg'ulotlar bilan bo'lib, u zot mening taqdirimni jilla ko'zdan qochirdi. Ammo bir donishmand nabiralari qadrimga topib, poytaxtgħaqka ko'chirish uchun soldirdi. Shikast yetmasin, degar Samarqandgħacha dastlab men yurġa hali ham bor, balki ko'rgandirsiz. buyuk bobosining qabriga qo'y husnim shu zotning abadiv shi



bir necha yuz yil odamlarga shu fikrni eslatib, tinch yotdim. Afsus, ulug'lar o'lar ekan-u, odamlarning badnafsligi o'lmas ekan. O'zini jahongir hisoblagan yovqur hukmdor Nodirshoh yana menga ko'z tikdi. Samarqandning boshqa ganjinalari bilan birga meni ham Mashhadga ko'chirib olib ketishni buyurdi. Ulug' zot qabridan qo'porib... Ammo o'z amri o'z ko'ngliga g'ulg'ula soldi, mening haqimdag'i mudhish afsona yodiga tushib, hukmdor sust ketdi. Qo'rqqoq yuragiga tasallli qidirib, ulug' Temur xotirasiga fotihalar o'qitib, meni poytaxt qasrida muqaddas tosh deb e'lon qilishga va'da berib, o'z dilini ovutdi. Biroq u, baribir, qo'rqqoq bir o'g'ri edi. Dilidagi hadik halovatini oldi. Avliyolarining arvoohlari, oh, Sohibqironning

qo'porilgan qabri, maqbara vayronalari tushlariga kirib, badanini sovuq ter bosib, uyg'onib ketardi. Qo'rquvdan telba bo'lishiga sal qolganda axiri meni Samarqandga qaytarib, o'rnimga qo'yishga farmon berdi. Yana safar, yana sudra-sudra. Yo'l azobidan darz ketgan kumin, Nodirshohni o'z odamlari so'yib qo'yibdi, degan gap tarqaldi. Buni ham odamlar, noiloj, mening kasofatimdan ko'rdilar. Shundan keyin qabr tepasida yana bir necha asr tinch qo'yishdi. Sag'anada yastanib yotish men uchun yangilik emas, yotaverdim. Maqbara muhtasham, hamisha gavium, to'da-to'da bo'lib, dunyoning har chekkasidan kelib ziyorat qilishadi. Mundoq bo'ptida, kelib ko'rish mumkin bo'lgandan keyin, seniki meniki qilib talashish, qo'porish, buzish, urushishga na hojat! Yuqorida aytdim-ku, yer yuzining qaysi nuqtasida yotish mening uchun baribir, deb.

Shunday qilib, odamlarga es kiribdi, deb bamaylixotir yotsam, e-voh, nadomattar bo'lsinki... Bir kuni

yana kelib qolishdi. Bu safar ular ko'pchilik edi, na afsonaga, na qismatga, na xudoga, na arvohga ishonadigan odamlar. Kelishdi-yu, bismillosiz, qo'l-lariga misang-u cho'kich olishdi. Ular hali.. ertsiga lahon bo'ylab qonli qirg'in boshhanishini, to'rt yil davomida ellik milliondan ortiq inson yer tishlashini bilishmas edi. Bu 1941-yilning 21-iyuni edi-da. Hali tarixning eng fojiali tongi otmagan edi.

## INSONGA QULLUQ QILADURMEN

«Dillarni yoq so'zing bilan, payg'ambar!»

A. PUSHKIN

**Q**uyosh subh yoqasini choketib, ko'k maydonida jilva ko'rguzgach, Sohibqiron Qur'oni karimni lavh ustiga qo'yidilar. Kun saraton burjida edi, shiddati beedad. O'rda sahnida davlatpanohning oq chodirlari shukuh-u as'asa ila charaqlab, kunga yuz tutdi. Shu mahal xirgohning ko'rinishxonasi yo'lagida soch-soqoli o'siq, darvishona xirqa ustidan kumush fo'ta bog'lab, unga esa, tug'ro bezagi taqsan bir kimsa paydo bo'lib, mungili ko'zarini yerdan olmay, shohona ostonaga qarab o'taverdi. Chodirning davlatxona qanotida Sohibqirona ko'rinish bermoq uchun muntazir o'llirgan kazo-kazo saltanat ustunlari, fuzalo-yu ulamo, sipohsolor-u no'yonlar, xos-su ra'iyadan kelgan kalontar-u kadxudolar - biri hayratda, biri g'azabda, noiloj qarab qoldilar. Belidagi darxon-u tug'ro nishonlari buning uchun huquq beradirikim, ul zot naqshinkor eshikni beijo-



– Shul nopol devona bila mahrami asror bo'libdurlar, davlatpanoh, – deb nadomat qildi kimdir.

Yana birov mahzal ila kului:

– Bir mahramlari kal Inoq, bir mahramlari bul ro'dapokim, boshi kesilib ketmaganidan holo mamnun emas... «Devona» kirganida Sohibqiron jig'ali sallani bosqlaridan olib, mehmonga joy ko'rsatdilar. U o'tirgach:

– Niyatlarimiz, iloho, mustajob bo'lg'ay, – deb Oollohga takbir aytdilar. Sohibqiron chorpojadagi nardni ham chetga surib, mubohasaga kirmoq uchun shaymiz, degandek e'timod bildirdilar. Ul zot hamon ko'zini yerdan olmay, taammulda qolgani uchun, Sohibqiron uning yodiga soldilar:

– Mubohasa Iso alayhissalom xususida erdi...

– Bale... Alhol Bibi Maryam vaz' to'lg'oqida aftoda erdi, – fasohat bilan boshladi «devona», tovushi ajab ohangdor, tiniq edi, – qulqolqarig'a vahiy keldikim, ayo umminiso, bu kun sandin bir o'g'lon tavallud o'lq'aykim, bu olamda shoh-u gado va jam'i malikussalotin anga tiz cho'kib, toat qilgay va abadul-abad atbo' bo'lurlar. Darhaq, ul sabiy manglayida shu'layi gardish ila keldikim, to jonibi Quddusi sharif tamom munavvar o'ldi. Bu xabari arojif isroil qavmining Irod otlig' shahanshohiga yetib, zuhm-u fazihatda mashhur erdi, aning oshubi haddin oshdi. Tahlikada qolgan ul g'addor amir-u umarosig'a, mirshab-u shabdonlarig'a, hatto jam'i yahuda doyaxonlarigacha amri darg'azab qildikim, ul karomatsaro sabiymi topsinlar va mahv etsunlar. Illo go'dakni topmadilar. Alhol, ul iblis alayhulla'ná: «jam'i shahr-u kentni, tamomi isroil mulkini justijo,

qilib, shul kecha tavallud topgan o'g'lonki bor, barini qatl om qiling» deya...

– Bas qil, mug'anniy... – dedilar Sohibqiron. – Fahmladikkim bizning go'dakligimiz afsonalarig'a shama qilursen.

– Ore, – dedi tinglaguvuchining e'timodid dan qulfi-dili ochilgan so'zamol suhabdosh. – Ore, sening chirot'ingni tangri yondiribduri. Iskandari Zulqarnayn tug'ilgan mag'orada Arastu hakimning lavhayi nomasi topilmish, ami eshitib bilursen. Hukamoyi Rum lavhani o'qidilar: Movarounnaharda bir o'g'lon tavallud topg'aykim, yetti iqrim salotinin zabun etgay, ismi Iskandari Soniy atalur va rub'i maskun aning tasarrufida bo'ur, deb. Alhol, va himaga tushgan yetti salotining josuslari ulus aro yelib-yugurib...

– To'xta. Darhaq, biz ko'p jang-u zahmat ila ul yetti sultanatga muzaaffar-u mansur bo'tib, alhamdulilloh, Movarounnahra barrini yakstar etdik...

– Tamomi mulki Turonzamin, Ho'qond-u Xo'jand, Andijon-u Marg'inon, Qoshg'ar-u Turkiston jatta zulmidin omon topdilar. Movarounnahra itini inson go'shti bilan boqadiring'on jattalardan mosuvo qilib, parchin-u qirpichiq bo'lgan Chig'atoy ulusini davlati qaviy aylading...

– Illo sabiyliqdag'i sehr-u asrori karomat – bari fasonadur. Arastu ulamon yunon turur. Alarda asotir-u fasona bisyor bo'lur. Sen ham fasonago'y erkansen, Ayri. Hamd sano Oollohga bo'lsin, lof bandasiq'a noloyiq. G'iyosiddin Ali Yazdiykim, jangnomasida sha'nimizga lofni ko'p aytilbur, badiasini rad etdik. Yunonistonda dag'i Homer ottig'



asotirgo'y o'tgan. Ulku batamom so'qir ermish. Sen esa, bizni ayon ko'rib turibsen.

– Baribir, el, Amir Temur Olloh taoloning barguzidasidur, derlar. Zero, Zuhal ila Mushtariy burjidida tavallud topibsenkim, Olloh taborak yer-u ko'kni shul soatda yaratmishdir. Nujumotning bu holati har sakkiz yuzlikda bir kelurkim, alarning chehrasida nuri ilohiy zuhur o'lgay. Avvalo, Iskandari Zulqarnayn, andin so'ngra Muhammad alayhissalotu vassallam va dag'i sen, qiblagoh...

Sohibqiron, odatlaricha, lat yegan chap yelkkalariga sal engashgancha silkinib kuldilar;

– Abas bu, nag'masoz! Hisobda g'alat ketding. Avvalo, Iskandari sohibqiron kalimayi shahodatdin bexabar mushrikdur, bizning qatorimizdan emas. Sen Iso alayhissalomdan boshlab eding, aning tavalludi ... – deya yana o'rinalarida tebranib kuldilar; – yo'q, bu bari to'qima, sen esa xizmatimizdasen, nomunosibdur.

– Yo'q, men so'z xizmatidamen, deb aytdim. So'z esa haq xizmatidadur.

– Bale, she'r-u shoir ilohdin. Demishlarkim, otamiz Tarog'ay bahodirning to'fang o'qidin o'lmannagan raqiblari Qozog'on no'yon hazrat Sayfiddin shayyxul-a'lanning bir ruboziylaridin telba bo'lmish. Sen ham bizni abyotgo'ylirk ilia telba qilmag'ay erding, – deya yana kuldilar, ammo ko'rdilarkim, hamsuhbatlari yuzida tabassum yo'q. Shuning uchun jiddiy davom etdilar:

– Go'dak chehramizda nuri ilohiy zohir o'lg'oni loftur, illo ulamolar mashvarati joriy yuzlikda islomg'a rivoj bergen shu zot deya bizga fatvo ber-ganlari rost.

– Ha ... Olam sehrlidur. Sohibqiron. Uning tarixi sening jang-u jadallaringdangina iborat emas. Anda ruhiyat, fusunkor afsona-yu ilohiy hikmatlar...

– Sening tungi navolaring...

Hurmatli kitobxon, ijozatingiz bilan, biz muhoba-sani shu o'rinda bo'lib, diqqatingizni o'zga bir nimarsaga jalg etamiz.

Kimdir bul tap tortmas shaddod?

Dunyoda hech kim, hatto ota-onasi ham senlamagan jahongir hukmdormi senlab, u bilan muroqaba qilur? Nahot, uning joni shirin bo'limsa?!

Voqeа bunday bo'lgan edi.

Movarounnahr hukmdori Xuroson-u Seyistoni o'g'lliariga suyurg'ol qilib, Shom-u Ajam orzulari bilan fors hududlarida qarorgoh tortib turganlarida Mozandaron dorug'asidan shikoyat yetdi. Sheroz ulusi muzaaffariylarning zulm-u musallatlidan dodini kimga aytishni bilmay, qon yig'lab, Sohibqirondan imdod kutar emish. Bu payomdan sarkardaning tashvishlari chandon ortdiki, toqat-u halovatları yo'q edi. Yo rab, bu mumsik voli-yu hokimlar so'qirmiki, na Xudo qahrini, na ra'iyat kasrini ko'radi! Sherozga lashkar tortish sardori mualloning mo'ljalalarida yo'q edi, xayollari besari poy bo'lib, oromlari qochdi. Malomat ikki kelur, naqlidan bo'lib, ustiga ustak, shu kecha vatandan yalavoch chopar yetib, yana bir shumxabar aytdi. Yalavoch aqqib otidan bemajol yiqilib, o'lar holatda shivir berdikim, Dashti qipchoqdan To'xtamishxon yetovida kelgan katta sipohlari Movarounnahrni yag'mo g'orat qilib, Sohibqironning ona beshigi Zanjirsaroyni otashzada, Buxoroyi sharifini esa qamat qilibdurlar.

Buxoroda tolibi ilm-u ahli fuzaloning qatlig'a jazm etmishlar...

Davlatpanoh yuzlariga qon qalqib, u yon-bu yon yurgach, qo'llaridagi jo'ji cho'qmorini urib sindirib, jahl otidan tushgan bo'lib toshga o'tirdilar.

- Ey fosidi fuzuh! - dedilar To'xtamishni eslab.- O'g'ilimiz tengi, nuri ayn degan edik murtadni. Xoja Shams mozorida Qur'oni majidni dastiga olib, «Sizga nauzanbilloh jihod qilmagaymen», deya ont ichgan edi, qasamxo'r! G'addor!

Sohibqiron shu kecha birinchi marotaba horg'in qariyadek oronga yotdilar. Qasri Orifonda bezovta tunadilar. Tushlarida Bahouddin Naqshbandni ko'r-dilarkim, qalandarsifat emish, aytdilar: «Ayo o'glon, jam'i kavkab hut burijga kelidur, qiron bo'ur. Nuh to'fonida ham mundoq erdi, jatta hukamolari buni bilmas. Buxoroyi sharifga lashkar tortgil», deb.

Ertasiga davlatpanoh mashvarati umaroga ayon etdilarkim, «Movarounnahrga darhol qayturmiz, yurtimiz muslimmonlari bizdan najot kutadir». Tasarruffariga olgan yaqin-yovuq shahr-u kentga voliylar tayinlab, ruhi Rasululloh alayhissalomga tilovat bag'ishlagach, ertasiga bo'z ot minib qar-qaroni dubulg'aga o'matdilar-da, nayza-qalqon qo'l-larida, zarrin fo'ta bellarida, yaroq taqqan ming to'fangchi davrasida, yashil tug' ostida saf boylagen ikki tuman lashkarni shimal tomonga siljildilar. Bunday paytda Sohibqiron marqabi kajavada emas, usoq yo'nga ot minar edilarkim, aqqim otning yobon yo'llarida yelishi dillaridagi g'azab cho'g'ini andak sovitар degan umidda. Illo, yo'q, bil'aks, horib-tolganlarida ham osoyish topolmay, yana To'xtamishni eslab ketdilar.

Ul nobakor bir necha yil muqaddam Ursxonning qasdi qatlidan qochib, Sohibqironni qiblagoh deya panohlariga sig'ini kelgan edi. Samarqandda uni iltifot va siylov bilan kutdilar. Davlatpanoh unga O'tror-u Sabron uluslarini peshkash qildilar. Dag'i bir tuman lashkar boshiga qo'yib, «Bor, yog'iyngi da'f et», deya fotha berdilar. Mehr ko'rguzub, nasihat aytdilarkim, «Nuri aynim, zaflarga ko'zing yetsa, yog'iyg'a omon bergil, bog'-bo'stonni vayron qilma, bacha-bag'ini asir olma, avrot qo'lq'a kelsa, asokirg'a ayt - fasad qilmag'aylar», deb. Ul nonko'r esa, barining aksini qilib, Dashti qipchoqdan befath-u zafar, mulzam qaytib keldi.

Sohibqiron bu noshukrni otasining qotili Ursxonidan pana qilib, uning xunxor o'g'llari qutqazdilar. To'rtinchi bor ham necha tuman lashkar berib, Mamayxonni mahv etishiga, Oltin O'rda taxtiga o'tirishiga, Jo'chi ulusining nufuzi ortishiga hamiyat qildilar. Endi esa, ul gustohning ko'zlarini fazihat pardasi bosib...

Qirq kun deganda Jayhunning Xorazm sohillarida Amir Temur lashkarlarining to'zon bulutlari va «suron» sadolari osmonni tutdi. Kokil qo'ygan Temur isipohiyalarining muborizlik vajohatini ko'rgach, kel-gindi jatta saflariga g'uluv tushib, parokanda qocha boshladilar. Sohibqironning Xudodod Husayn, Shayx Ali otlq tumanbegilari To'xtamishni Sarig'suv va Zarmuq yoqalarigacha quvib borib, Anbar tepaligidagi tuman musahhal etdilar...

Bu janglar tinganda hamal kirgan edi. Sohibqiron qurorgoh ko'targan Xo'jand suyining Akar tumanida



navro'zi ajam, xushbo'y subhi saboda qizg'aldoqlar

tebranar, tundayoq ko'priq qurishga chiqqan pulsuz

sipohiy to'dalarning taraq-turuqi olisdan eshitilar edi.

Sohibqiron aslahasiz, yengil xil'atda xos cho-

dirlaridan chiqib, tong nafasini olmoq uchun daryo

sarig'a yo'l tutdilar. Izlarida, rusumga ko'ra, sodiq

qutvollarri Inoq borar edikim, mulozimotlarida

sidqidil, o'lindan tap tortmaydigan qaviy jo'sha va

daler muboriz edi, ikov sohil ustiga dohil bo'ldilar.

Ko'rdilarki, quyida bir to'da juldur-u notavon jo'chi

asirlar yuzzboshi amir Qatag'on posponlig'ida o'tib

boradir. Sohibqiron ko'zlarida alomati savol zuhur

etdi.

- Mahkum yog'iylar, Sohibqiron, qatlom etilur, - dedi Inoq.

Davlatpanoh andak taammulga toldilar va safdan birimi ko'rsatdilarki:

- Ani huzurimizg'a chorlag'il, - deb.

Inoq ul asirni oldiga solib olib keldi. Soch-soqoli o'siq, darvessifat bu zot, belbog'ida kadusimon qo'buzki, ko'hnaligidan sayqallanib ketmish edi, ko'zini yerdan olmadi.

O'tgan kechasi Sohibqiron daryo jonibidan shul qo'buzning dardli nag'masini eshitib, uyqu va oromlari qochib, hushlari parokanda bo'lib edi.

- Nasab-u nasabingni ayt, - dedilar Sohibqiron.

- Mahkum bandamen, - dedi asir behadik.

- Biz seni o'lindan xolis qildik.

- Yo'q, men alar bilan o'limga borurmen, - dedi ul zot. Javobi dag'al eshitildi. Sohibqironga «yo'q» deguvchi bo'imasdi. «Bir devona ekan», degan andishaga bordilar.

- Ixtiyor ila o'imcq bandasiga gunoh.

- O'z ulusingni qatlom etmoq undan ortiq gunohdur, - dedi darvessifat asir.

- Bular xususan sen ham, behayo g'animlar, bosqinchi jattalarsiz! - dedilar Sohibqiron g'azab xurujini bosib.

- Yo'q, men turk farzandimen, bular ham zotib budil bilan turk-u tojik!

- Nechuk?

- To'xtamishxonning odati borki, jang saflarida o'zi qo'ngan manzil atrofig'a Turon zamin farzandlari din, qari-quri fuqaroni tizib qo'yib, ishrat qiladur. Bular o'shal begunoh sho'rliklardan. Amir Qatag'on asir olib haydab keldi.

Sohibqiron hang-mang bo'ldilar, qonları chehrariga toshdi. Illo bu «devona» o'ziga yarashmagan bir fasohat bilan gapiradirki, aytganları talbis yo makrga o'xshamasdi. Uni xirgohga boshladilar. Inoqqa amr qildirkim, «Bu mojararo taftish qilinsin, agarchandi gap haq bo'lsa, «asirlar» emas, amir Qatag'on qatl etilgay.

«Darvesh» Movarounnahr xoqonining toqi-ravoqliga har kuni kirib yurgan odamdek, na masnad-u maqomiga, na hasham-u aslohiga hayrat ko'rguzdi. Oltur, desalar, - o'tirdi, gapur, desalar - gapirdi.

- Tunda abyot aytib nag'ma qilg'an senmi eding?

- Men.

- Oting nimadur?

- Ayri Qo'buz derlar.

Sohibqiron, hazil qilur deya, jilmaydilar.

- Nechun «Ayri»?

- Termiz sayidlari yetakida murid ekanmen, yo'qlikdan ayriga sim tortib chertar edim... asli ismin Muhammad.

- Bor, Libos yopurlar, xizmatimizda bo'lurseen.

- „... Men so'z xizmatidamen, - dedi Ayri Qo'buz tap tortmay, - so'z esa haqqat xizmatidadur. Sohibimni senga ham almarshasmen.

Sohibqiron lol qoldilar. Bu nag'makash so'zida olamppanohni biron marta ulug'lamadi, endi esa betga chopib... Sohibqiron g'azzabdanmi, hayratdanmi vujudlarida andak titroq sezdlar. Hozir' bu quibachchani darhol chopib tashlaslar haqlari ham, hadlari ham bor edi. Ammo bu devonayi benavoning ko'zimi, so'zimi - nimasidir bunday say'idan tindi, quoqlarida uning tungi sirli navosi yangrab ketganday boldi.

- Bu hayotda ulug' piyrimiz va qaynotamiz rahmatli Ubaydulloh Sadr ash-shariatin o'zga hech kimsa bizni senlab aytmagan. Sen ikkilamchisisen, - dedilar qayg'adir, chet bir nuqtaga tikilib.

- Jasorat egasiga qo'lkotmasligingni bilurmen, Sohibqironning mardigini yana bir bor imthon qilishga jazm etdim. Zotan, mening uchun buning evazi baland emas, umrimming bu yog'i tekkinga qoldi, shohidsen.

- Unda jasur emas, tavakkalchi tentak ekanse.

- Eshitgan edimki, Sohibqirong'a tab'i mah-zul bir so'zamol sozanda manzur bo'lmish, mash-shoqlar ichra davrada ko'ngul ochar erdi. O'zi esa so'qir ekan. Bir kuni davlatpanoh andin: «Oting nimadur?», deya so'rading. «Otim Davlat», dedi sozanda. «Davlatning ko'zi ko'r, bo'lurmى?», deding. Sozanda aytdi: «Davlat ko'r bo'lmasa, oqsoqning qoshig'a kelurmu?».

Sohibqiron beixtiyor kulib, noxush sovigan vujudlari yayradi.

- Bu rivoyatdur... - dedilar.

- Mening Iskandari Soniyini senlab gapirishim ham bir kun kelib afsona bo'lur... - dedi Ayri Qo'buz. Shundan so'ng bu tuni mug'anniy Sohibqiron ko'zlariga go'yo boshqa bir qiyofada namoyon bo'la boshladı. Nogoh uning kecha tunda kuylagan navoyinolasi butunicha yodlariga keldi. U so'zlar go'yo musiqa birla eskir mavjlarida sayrona edi:

Bargi sabz yoz bo'yı kun nurin emdi.  
Kuch yig'ib, dedi: «Bas, kun - o'zim endi».

Hasaddin sarg'arib, chirt uzildi-yu  
Pildirab-shildirab qabrog'a indi.

Kuzning qaro tuni, momaqaldiroq,  
Yig'och tegrasında tentirar yaproq.  
Barq qilich sermab, yoqar guixanlar,  
Sarosar tutanqib biqsir gulshanlar.

O'shal gumroh bargidin tutashib olov,  
Ui durkun ham o'rtanur lov-lov...

Barg yengil, yengiltak mulhidi zardusht,  
Ona mulkin yoqib bo'lur modarkush,  
Makruhdır kim kechsa uhuvvatidin,  
Alhazar yomonning mazamatidin...

Tunda daryo sohilidan yetgan bu ohanglar Sohibqironning oromini olgan edi, endi esa bor ma'noki fikrasti bila uquvlariga keldi. Sohibqiron bu navoda avval go'yo tamomi o'z umrlarini, keyin sarbasar o't tutashgan dunyoni, Movarounnahri ko'rdilar. Agar gumroh yaproq To'xtamish timsoli ho'lsa, bu bandayı benavoning sehrli qo'buzi bizning say' qo'shishimizga ishorat qilmasmu?

- Ayri Qo'buz... ko'nglimizg'a kelurkim, navoyi abeting ila ertangi jang-u zafarimizni bashorat

qilursen. Ayt, quvib borsak, nobakor To'xtamishni mahv eturmizmu?

- Asrori g'oyibni bilmam, Sohibqiron, fol-u ta'bir ham ochmam, qur'a ham solmam. Vale, Olloh dilimg'a salsa, chertib, kuylag'aymen...

Bu javob mujmal bo'sa hamki, To'xtamish daf etilmasa, xonadonda yong'in o'chmag'ay, degan fikr Sohibqironning dillaridan ketmay qoldi. Kechalari Ayri Qo'buz abetidan hikmat-u karomat izlab tong otdirar, shaddod qo'buzchini juluslariga chorlab, yana muroqaba qurar edilar. Bu mubohasalar odat bo'lib qoldi. Shoiringning sirli, mavhum suhabatları manzur bo'lar, farosat-u basiratig'a botinan tahsin aytar edilar. Shuyla, Ayri Qo'buz, chapdast Inoq qatori, Sohibqironning o'zgalar uchun hayratomuz, rasamad mantiqidan g'ayri bir mahramlari bo'lib qoldi. Baxshi o'zini ortiq erkin tutishi bilan goho Sohibqironning g'azablarini oshirar, ammo ul zot bu shaddodg'a negadir «Bor, ozodsen!» deya aytolmas edilar.

Buni o'qigach, Sohibqiron ruhlariida yengillik sezib,

Xudoga shukrona aytdilar: «Inshoolloh, endi dashtni bejang-u jadal, bexun-u ajal musahhar eturmizz», deb. Xushxabar suyunchisi uchun ulamoyi fuzalog'a ikki qalqon zar in'om berdilarkim, To'xtamish taboh qilg'an Samarqand madrasasi ta'mirig'a musarrif etilg'ay. Ko'ngillari tinchib, ko'p tunlar sirasida ilk bor Jon-u tan rohatida uyqu olar edilar, ammo subhidamda yobondagi qoy qoralaridan bir nag'mayi ujib og'oz etdi. Beshak, Ayri Qo'buzning navozishi erdi, e'timodlarini tortdi:

Tong kavkabin uyg'otgan sabo,  
Dala-tuzda mavjlan, marhabo,

Dashti Qipchoqqa qochib daraksiz ketgan  
To'xtamish halovatlarini o'g'irladı. Ul qayonda,

tinchib ketdimi? Yo quvib borish lozimmi? Oq O'rda ga lashkar tortish xususida mashvarati harb chorlashga ham ikklanib, bezovta bir qynoqda yurganlarida ul dog'ulidan elchi kelib, nomaluttdikim, mazmuni va uslubi chunon dabdabalikdir:

«Noma

yetib Sohibqiron qiblagohimg'a matum bo'lq'aykim, avval hamd-u sano Tangri taborakkakim, ko'kni muallaq, yerni mutabbaq yaratidir, duoyi durud Muhammad salollohu alayhi vassalamgakim, Olloh taolo aning tufaylidin o'n sakiz ming olamni vujudg'a keltiribdur, shariat andin joriy bo'lib, zalolat cho'lida qolq'onlarni hidoyat yo'lq'ig'a solibdur. Alqissa, bizning ham shu yo'lq'a kirishimiz vojib, oramizdag'i behuda nizo-yu muhoribada ko'p ahollohi begunoh zabun bo'ldi. Muslimmonni muslimmong'a muxolif etmay, shariat taqozosi bila janobimdin sulhi xayr umid qilurmen. Qiyomatning andeshasini qilaylik, deb muhr bosdim. Noma tamom – vassalom!».

Qo'ychibonning nafasi, yoki  
Nay navosi, so'lim, dirlabos.

O'taringni tundan qo'riqla,  
Og'llarni, cho'pon, qulfla:  
Yo-yu hadangingni unutma.

Sovimasin gulxamming qo'ri,  
Hid oladi o'q yegan bo'ri.  
Qon hididan mast-u makkor u,  
Qaytib kelsa - cho'ponning sho'ri.

Quyruqini qisib keladur,  
Tulki yanglig' pisib keladur,  
Tun firibgar sokin g'aflatki,  
Sharpasini to'sib keladur...

Buni eshitgach, Sohibqironning ko'z o'ngida Qip-  
choq dashtida yaralangan bo'riday tentirab yurgan  
To'xtamish gavdalandi. Sapchib, shabgoh hijobini  
yirib, oyoqqa turdilar. Ul qasamxo'rning balandpar-  
voz nomasiga laqqa tushayozgan ekanlar, hozir tun  
o'rtasida oyoqyakang qaldirab turgan bu begona  
zotga nafratlari toshdi. U nomaning tazvir ekanligi  
ayon edi-ku! Qani u zobiti muzaaffar?! Sohibqiron  
go'hida o'zlariga bir dam chetdan nazar solib, illo  
bag'irlarini ko'p oluda qila bilmay, bu holatdan tezda  
chiqar edilar. Asfariy sallani bosha olgach, xulla  
qabo ustidan shohona fo'ta bog'lab, isfahoniyl qilichni  
salanglatib, davlatxonaga chiqdilar. Sohibqiron  
holatidan hamisha voqif Inoq zunda paydo bo'lib,  
amirlarni mashvarati harbga chorladi. Shahzodalar  
tasarrufidagi uluslardan qo'shin talab qilib yorlig'lar  
yuborildi, barlos, arg'in, jaloyir, do'doy, to'gay, arlot

kabi qirq aymoqqa choparlar, elatlarga tovachilar  
ketdikim, boricha lashkar yuborsinlar.

Ikki hafta o'tmay, salkam bir lak lashkar Qo'r-  
g'on ostida Sohibqironning ko'riklariga dohil bo'ldi.  
Rahtiroll but bo'lib, tilovati Qur'ondan keyin tabal  
degan dovul nog'oranning sadosi falakni tutdi.  
Chor tarafdin el-u ulus kelib, navozishlar aytib,  
qiblagohning mulozimatlarida bo'ldilar, duoyi to-  
tiba bilan fath-u zafer tilab qoldilar. Alambardorlar  
ichida Sohibqironning oltin zirhli dubulg'alar  
yilttlaganda «Suron» nidolari eshitilib, qorovul  
to'dasi ketidan hirovul va chopovul qismulari siljidi.  
Chap va o'ng qanotlar esa, Sig'noqning yaydoq  
yalangliklariga chiqqandagina bemalol yoyilib, o'z  
o'rinalarini oldilar. Tuman-tuman otlig' - piyoda  
lashkar larzasidan osmon guvlar, nayza-yu qalqon  
chaqmoqday chaqnar, biydek Qipchoq dashtlarida  
siyrak yulg'un tebranar edi.

Kun og'ganda ufqda g'ubor ko'rindi. Ko'p  
o'tmay qorovul to'dasidan xabar yetdikim, jatta  
lashkari yetti bayroq ila keladir, chovurtkadan  
ziyoda, deb.

Haqiqat Sohibqironning bosqlariga nayzadek  
kelib urildi: «Ana, Ayri Qo'buzning yarador bo'ri  
makri haqidagi tungi qo'shig'i ayni karomat ekan!  
Sulhi xayr deya noma bitib, o'zicha bizni g'aflatga  
qo'yib, orqasidanoq lashkar solibdur, g'addor!  
Mayli, ul bizni bu yerlarda kutmas, qanotlarni yoyib  
«quchog'imizga» olurmiz!..»

Yog'iyga ikki farsang qolganida Sohibqiron tizzin  
tortdilar. Juvong'or va barong'or to'dakarni ikki  
qanotga keng yoyish uchun dasht kengqliklari qo'l  
keldi. Alhol, qorovuldan choper yetdikim, qipchoqlar



har otg'a ikki bog' o'tni surgatib, siyosat birla to'zon to'zg'itib kelurlar. Sohibqiron mo'g'ul jangarilarining bu ko'hna-yu jo'n dasturini fahmlab jilmaydilar va to'satdan bosqin qilg'uvchi chopovul to'dasini shabixunga, ya'mi tungi hujumga yo'lladilar.

Shabixun mudhish chopqin bilan boshlandi. Firiби fosh bo'lganini payqagan g'anim orqaga yuz tutdi. Va qanon to'dalari ichra arosatda qolib, qolgan-qutganlari parokanda holatda qochdilar. Sohibqiron lashkarlari dasht tunining jahannamidan chiqib, yog'iyini tongdin shomgacha, so'ngra yana bir tongdin yana bir shomgacha quvib bordilar.

Endi faqat hirovul to'dalari oldinda, jangovar holatda edi. Qolgan cherik aslaha-yu rizqi-ozuq zaxirasi bilan, har bir askar to'rt xil yarog'i, do'rdirg'-u qozoni bilan orqada borar, oddiy safar tirkchiliги davom etar, kapalakday qo'nib uchadigan chodirlar orasida gulxan yallug'lanar, qumg'on qaynar, mol so'yilib, changaklarda go'sht qoqlanar edi.

Ikki hafta o'tib, rabbiul-aval kirganida hirovul to'dalari bir kichik kent qo'rg'onining mustahkam istehkomlariga yo'liqdilar. Josusning xabaricha, istehkomlar doira-doira bo'lib, ularning necha qatlama ekanligi noma'lum. Har istehkom zabit etilganda yog'iy himoyatning bari jonini fido qilar, aslo qaytmas edi. Ko'p qon to'kildi, Sohibqironning chopqinch'i to'dalari ham goh janglardan Sovuti ushalib, o'pchin-u qalqonlari qilich zarbidan pora bo'lib, talafot ila qaytar edilar. Sohibqironni talafotlardan ham ko'ra ul qo'r'gon elating jonfidoligi, behad qurbanlari, qonli taloto'plar charchatdi. Bu tosh yong'oqni aylanib o'tib, sadqayı sar, deya safarni davom ettirishni maslahat ko'ruvchilar ham bo'ldi.



Ammo Sohibqironning bosgan iziga o'z ma'muriy - valiyalarini tayinlamay orqada zabit etilmagan yog'iy - albotisini qoldirish odattari yo'q edi.

Yetti istehkomni qon bilan olgach, to'xtadilar. Bu qo'rg'onnini yanchib o'tish asli hech gap emas edi. Illo, tinmay qirilayotgan bu fidoyi elatning ne asrori bor? Yo Ollo, bu ne hikmatkim, bu xil qon-u qirondin ko'ra sog'u omon taslim bo'lmoq kichik qo'rg'on uchun ming avlo emasnu? Bu gilqo'rg'onning nimasini asraydур?

«Hay, shabixun qilib betalafof olurmiz», deya, Sohibqiron shomda bu azobli o'ylar bilan behalovat, hobgohlariga kirdilar. Safar charchog'ida qarorgoh ham tez tindi. Bedor-u dilkun sokinlikda lang suronidan qutulgan yobonlar bir maromdagı munglig' chirildoq sadolariga to'ldi. Buning ustiga, qaydadir Ayri Qo'buz noxun chertib nola qilar edi. Uyquni boy bergen Sohibqironni yolg'izlik, cheksizlik, ayriliq va darbadarlik ohanglari chulg'adi. Baxshining esa, bundan uzoq o'z dunyosi, o'z ertaklari...

Piri komil raxt yuklab xarig'a,  
Yurar erdi mulki Ajam sarig'a,  
Yo'ito'sarlar chiqib aning yo'lidin,  
Xurjunini yulqib oldi qo'lidin.  
So'rdirlar: «Ne xurjuningda, ey bobo?»  
Dedi: «Bunda bordur durri bebabho». Shunda yirtib matosini otdilar,  
Durji bekunj - yig'och quti topdilar,  
Andin dagħi xarsang quti topdilar,  
Yig'ochini bolta bilan choptilar,  
Xarsangini yanchib - tuyib otdilar,  
Andin bitta qumaloq mum topdilar...»

Yo'ito'sarlar dur qidirar edilar,  
Bul mum ekan, o'tga tashla, dedilar.

Piri komil tiz cho'kdi shundayoq:  
«Yolg'on dedim, men gunohkor, meni yoql»

Mum to'fon mayjalarida ushibdur,  
Nuhning najot kemasidin tushibdur.

Anda pinhon erdi bug'doy donasi,

Ki habotot – nabototning onasi.

Alqissa, pir o'tga berib jonini,

Asrab qoldi bani bashar nonini...

Horg'in Sohibqiron mug'anniying nimasidir  
hikmatomuz bo'lsa ham, bunday uzoq va beg'am  
rivoyatiga miyiqda jilmayib, pinakka ketdilar.

Yarim tunda shabixunga suron tortilib, Gil-  
qo'rge'on zabit etildi. Qon ko'p to'kilib, muhofizadagi  
elatdin kam kishi omon qoldi. Tongda qo'rge'on o'r-  
tasidan bir qur qariyalalar Sohibqironqa peshvoz  
chiqdilarki, ularning qurshovida bir yusufjamol o's-  
mir bor edi.

- Bu norasida kimdur? - dedilar Sohibqiron.

- Bu bizning Olloh muruvvati va shahodati bi-  
lan, bo'lg'usi shoirimiz, - dedilar mo'ysafidlar, - shu  
yoshidan ilohiy so'zlar va go'zal ash'or aytadur.  
Shoyat istiqbolda elatimizdan avliyo chiqar, degan  
umiddan o'zga hech narsamiz qolmadi. Xonumonimiz  
kuydi, faqat umidning joni qattiq, barchadan keyin  
o'adir. Bu sabiyimi himoya qilib, ko'p fidokor  
farzandlarimizning qoni-jonini qurban qildik. Uni siz  
Sohibqironga ham bermagaymiz.

- Biz... biz... - deb Sohibqiron hayratda anchagacha  
so'z topolmay, bu vayrona ichidagi nuroni  
qariyalarga qarab uzoq turdilar, - ul sizningdur, biz  
olmaymiz... Illo, bizga ash'oridin aytsin.

- Aytmaydur, - deyishdi chollar. - Qo'rge'onimiz  
atrofida yer quchib, nigan bo'lgan yarim elatimiz  
hurmati, hozir Olloh aning diliq'a hikmat kalomini  
solmag'ay...

Sohibqiron, balki umrlarida birinchi martadir,  
so'zni suhbatdoshida qoldirib, musallam orqaga  
qaytdilar. Xirgoh darboriga yetmay, Ayri baxshining  
tungi nolishi xotirlariga tushib, junjikib ketdilar.  
Nag'mani birato'lа eslab, manglaylariga mushtblab,  
afsus tortdilar: «O'shanda shabixunni to'xtatib,  
esni yig'ib olish ayni muddao edi-ku, qartaydikmu,  
nima balo!? Olloh baxshining diliqa soladur, nechuk  
bizning diliqizga solmaydurd?»

Uzoq o'tirib, ich-etlarini yeb, yana nadomat  
chekdir.

Shu mahal Ayri Qo'buz, bamisolruh, odaticha  
beijoza paydo bo'ldi.

- Norasidani ko'rdingmu? - dedilar Sohibqiron

bosh ko'tarmay.

- O'zimni ko'rdim...

- ...

- Elning orzu-umidini ko'rdim, Sohibqiron.

- «Bani basharning rizqi...», «Habototdin nabo-  
tot! - deya nag'ma baytlarini esladilar Sohibqiron  
tovushlarida andek qahr ila.

- Abetni eshitibmu erding? Bu rivoyat,  
darhaqiqat, elning ertangi maony va ruhoni  
rizqi xususida. El ani jon barobar bilib, o'zini o'tga  
tashlab, asrab qolibdur...

- Qirg'in hisobig'a... Imo-ishoranni qo'yib, bizga  
kelib oshkora aystsang bo'lmasmu edi?  
- Ustozim shayx Sayyid Vaqqos aytur edilarkim,

«O'qilgan chala bo'lur, o'qilgan bo'lа bo'lur», deb.

## *Asgad Muxtor*

- Ishorat bashorat emas.

- Unday da'vom yo'qligini aytib edim qiblagohga.

Men Xudoning osiy bandasi, dilimga solg'onidin o'zgani bilmasmen.

- Biz...

- Sen sipohlaringsiz Sohibqiron emassen. Sipoh-laring esa - davlatning bandalari.

- Alar Xudoning bandalari.

- Alar dunyo ishlari ila tamom band. Men alarga ilohiy sehriyat borilagini eslatib, dillarini tikanak sim yanglig' chirmagan dunyo ishlarin sal chalg'itishga urunamen.

- Sen o'tgan gal ham: «Olam sehrlidur, tarix jahongirning jang-u jadallardangina iborat emas, ul afsungar afsona-yu ilohiy hikmatlar ila ham butun bo'lur», deding, bu xotirrimizda.

- Sirru asror, ko'ngil davlati, ilohiy so'z, el umidi,

norasidaning abeti kalomi...

- Bas... senga ne kerak?! - Sohibqiron bu so'zlarining o'rinsiz ekanini bilar, jahllarini bosishga urnar, ammo bu shaddodni quvib chiqarolmas edilar. Sezar edilarki, undan g'ayri yanada aftodahol bo'l'g'aylar.

- Mana, sen jang oldidan Qur'oni majiddin varaq ochib, oyat o'qursen, - deb davom etdi Ayri Qo'buz,-

mening abyotim seni taammulga solur. Qariyalar so'zidin bu holga tushding. Inchunin, bag'ritosh ermassen. Menga shu kerak...

Bir umr joni huzur-halovat ko'rmay, jang-u jadal, qonli qironlarda diyda-yu bag'ritosh qotgan bu insomning ko'nglini sal bo'lsa ham yumshatish niyat edi bu devonaga.

- Jahongirlarga bosh egmadim, insonga qulluq qiladurmen, - dedi shoir.

## *Hudavayod*

Umrida ilk bor eshitayotgan bunday shaddod so'zlardan vujudlari qizib, uzoq bosh solib o'tirgan Sohibqiron asta dedilar:

- Dayrda ko'p savob-u gunoh ishlarni qildik. Har neki bo'lsa, Ollohning madadi, bandasining tadbiri biladur. Tadbirimiz taqdirga mos tushib, fath-u zafar ila shu kunga keldik. Illo biz To'xtamishdek g'anim-u faziiga berahm bo'ldik.

Shoinga Sohibqironning sokin tovushlari xush keldi.

- Tasbeh deya qo'yningga solganing ilon chiqib-dur, ani yanchmoq vojib, - dedi Ayri Qo'buz...

Biyobonda tong oqarib, shabnam hovurida ko'tarilgan qo'g'a, yulg'un hidlari havoda kul-u dud bilan qorishiq edi. Sohibqiron arkoni aqraboni chorlab amr etdilarkim, taslim bo'lg'an ulusga shohona marhamat ko'rguzilg'ay. Bakovullar yugurib-yelib elga ofiyat berdilar, ulus amirlariga sovg'a-sovrun ulashib, ikki kun navozish qildilar, ulusning barcha elatlarida shikva-yu shikoyat tinglanib, bariga xiroj, juzya, qo'nalg'a, boj, shilon soliqlaridan xolislik e'lon qilindi. Sohibqiron kechagi qariyalarga maluqona xil'atlar peshkash qilib, birini ulusga voliy tain etgach, tilovati Qur'ondan so'ng yana yurishga tabal qoqtirdilar. Amir noiblari chortug'-u burg'ilar bilan chiqishdi, mag'lublar ham el tutinib, ulardan ko'p o'qchilar, chopqichilar, nayzadorlar Amir lashkariga kelib qo'shildi.

To'xtamishxon to'dalari Xo'jand suyidan kech-junidan so'ng, necha kun qochib, Gilqo'rg'on ulusi-dek begunoh elatlar panasida, moyonsiz qipchoq yobonlarida pusgan edi. Qorovullar g'anim saflari vitorini olib kelgach, ikki qanot to'dalari yog'iyni



g'aflatda bosib, yana chopqin qildilar, jatta yana ortga yuz tutdi. Sohibqiron amirlari hirovul to'dasini pistirmaga joylab, chopovul bilan ot solib, yana quvdilar. Ot dupuridan biyobon tebranar edi, lak-lak lashkar g'ubor ichida mag'ribga silir ekan, kummi-tumi o'tgani bilimas, faqat sabohning namchil salqinlarida aroba g'irchi-yu qo'ychibon qurreylari, toy kishnashi-yu tuyu pishqiriqlari qulooqqa chalinar edi. Temur lashkarlarining mahobatlari yurishi haqidagi ovozasi o'zidan uch kun oldinda yurar, yog'yni yolda bog'-rog'ni yoqib, tirik joni chirqiratib, xonumonini sovurib, dala-tuzni chovurtkiday qiyratib, yaylovlarni tap-taqir qirtishlab, jonholatda qochishga majbur etar edi.

Quvishning o'n yettinchi kuni otar o'l a boshladi. Bu o'lat emas, qo'nim kerak edi, qo'nimga esa giyoh yo'q, butun og'irlik tevalar o'rakchiga tushadigan bo'ldi. Qayonga qochayotir, qayonga boshlab ketayotir bu chiyabo'ri?! Qaysang bosib keladi, quvsang qochadi, tikka jangga xushi yo'q nomardining. Inoqning xabariga qaraganda, bir guruuh amir-u no'yon sarosimada gap qilishibdu: «To'xtamish biyobonlar ichkarisiga atay boshlab, borsa kelmas manzillarda ochlik va o'latdan tamom toliqitirib, tiz cho'ktirmoqchi ekan». Chap qanot qanbulida ters munaqashalar sezilar emish. Lashkar to'dalarida bu sarosimani Sohibqironning salobatigina bosib turardi.

Ko'p o'tmay zaxiralarning tagi ko'rindi, o'qdonlar bo'shadi. Yurishning ikkinchi oyida sipohlar dala parrandalarining yumurtqasi bilan kun ko'rib, keyinroq dasht o'ti va turli ildizlarni tanovul qila-digan bo'lilar.

Itil suyiga yetmish farsang qolganda Sohibqiron tizgin tortib, bir qiyalikda qarorgoh yoydilar. Safi buzuq lashkar horg'in va och edi. Tunda jabdug'-u ter hidi anqigan jolisi harb suronli bo'ldi: haligi bir guruh amir-u no'yonlar nayza-yu qilichlarini qunga sanchib: «Ul yuho domiga tortib firib beradur, bizni zabun etadur, tobora ichkariga boshlab, och-horg'inlikdan yiqilganimizda kelib chopqin qiladur. Illo Sohibqiron amr etsalar, biz o'limga borurmiz!» deb shovqin soldilar. Inoq boshliq amirlar va Sohibqironning farzandlari esa, chig'atoj dasturiga ko'ra, davlatpanoh oldilarida tiz cho'kib, «Yo'q, ul iblisni tirik qo'yib bo'lmas, quvib yetish zarur, toki bayrog'ini tuban qilsun ul ulusni talonga tashlab qochayotgan nomard bilan yakkkatalosh qilaylik, iloni yanchmasak yana bosh ko'taradur, hujunga amr eting!» dedilar.

Sohibqiron chorpoyada o'tirib, og'irlik bilan tingladilar: yuzlaridan u yonga-bu yonga oqqanlari bilinmadni.

Keyin xos chodirlarida yolg'iz to'lg'anib, hor-g'inlikdan ikki rakat namozga ham hollari kelmay, yobonga qapishib qolgan qarongohning go'riston-dagidek sukonatiga qulog osdilar. Azobli o'ylardan yuzlari tosh qotgan, qarashlari qo'rg'oshindek zil: mijha qoqmas edilar.

Sohibqiron harbiy safarda hali bunday beqaror ho'ganlari yo'q edi, yobonda sochilib yotgan lakkashkargina emas, go'yo butun dunyo buyuk hukmdorning tonggi hukmini kutar, ammo u zotning kayollarida zidlik tarozusining shayini mualaq edi... Og'ir xayollar qiyng'ida ko'zi ketib qolgan ekan, tongda harir bir epkindan uyg'onib, tiniq

idrok og'ushida rohat topdilar: uzoqda yulg'unzor kengliklarga Qo'buz navosi taralar edi. Sohibqironning quloqlariga yetdi:

Orta yobon-u kenglik,

Yog'iy bo'lmay yuzz tuban,  
Ot sol tonggi epkindek

Omadningni top top!

Yog'iy bo'lmay yuzz tuban,

Ko'zi qonga to'lmish-ov  
Yuho makrin tutibon,

G'orga dohil bo'lmish-ov.

G'or sovug'i qahrlı,

O'z qa'rığa tortadur.  
Ul mo'ltoni sohimi

Bosish xavfi ortadir

Yog'iyga ham yog'iy bor,  
Yo'lining odog'i bor.

Istiqbolida zulmat,  
Vahm-u rixlat dog'i bor.

O'zi topgan mog'ora,  
Lahad bo'lur o'ziga.  
O'pirilib, tog' aro,  
Tuproq to'lur ko'ziga.

Gul ochilsin yo'jingda,  
Yelkang uzra oftob  
Bayzo qilich qo'lingda  
Yovuz boshin chop, chop!

Inoq ham bedor ekan, eshik ochilib qullug' qildi.  
Sabohga peshvoz chiqdilar. Yoyilib yotgan qarorgoh

uyg'oq edi. Amir-u amirzodalar, tumanbegi, yuzboni, sipohsolor bahodirlar, yana yaqin-yovuqdan oziq ovqat, sovg'a-sovrun bilan tunda yetib kelgan kent sayyidlar, ulus amirlari va amaldorlar davlatpanohning dargohborida intizor edilar: «Buyuring, Sohibqiron, nima qilaylik?» Riyorat vakillari tiz cho'kdilar: «Talanga tashlab ketmang, qiblagohl!»

Hukmfarmo Sohibqironning besabr jo'shib turishlaridan niyatları ayon edi. Ko'zları bilan olomonda Ayri Qo'buzni izlab, topoilmagandan keyin, illovborga imo qildilar: «Yo hazrati Bahovuddin!» - deb uzangiga oyoq qo'yib, kumush qoshiqli egarga otlanganlarida qanoqlar saf tortgan edi. Ot yo'rtib, qunot qambullari, manglay qism lashkarlariga bir-bir ser solib, saflar salohiyatini ko'ruvdan o'tkazib kelgach, marqab meshidan uzoq-uzoq souvuq ichdilar. Bu sohibfarmoning barqaror xotirjamliklari belgisi edi. Demak, qarorgohda jangovar kayfiyat shay. Ulamo fatvo berib: «Yog'iyning yuzi qaro bo'lsin!» - deya g'anim tomonga bir siqim tuproq sochdilar, keyin sipoh-u riroyatdan rozilik bo'lgach, dovul nog'oraning sadosi keldi-yu har bir navkarni ifayratga kirgizuvchi mashhur «Suron!» xitoblari ikki qit'a dashtlarini tutashtirib, uzoq yangradi. Alambardorlar qo'lida hilpiragan yashil bayroq o'rjasidagi uchta to'linoy mushkul safarning yangi luniga peshvoz chiqqanday, tong nurida nuqradek yutullab yuksaklarda suzar edi. Amirkodalar boshliq qorovul ilg'orlari sarin havoni yorib, tog'dan tushgan bahor toshqinlariday olg'a yuradilar. Otdi - har qanotiga uch tuman lashkar qavjiroq sahro yong'inlaridan ko'kka o'rigan tutunday, necha yuz larsang masofani qoplab, usqdan usfqqacha g'ubor



ko'tardi. O'rtada, zaxira qo'shinlar, daler bahodirlar qurshovida bosh qo'mondon qarorgohi ummondagi buyuk bir orolday siljib boradi. Shotir-u jilovdorlar Sohibqironning ipakday mayin qadami bilan qariyb yarim kuranni bosib o'tgan sevimpli oqyol tulporlarini boladay erkabal, sal terlasa yuvib-tarab almashtirib turar edilar. Inoq esa bu otlar haqida bunday der edi: «Sohibqironning qo'ng'ir tulporlari o'llimning yo'qlig'iga kafil bo'la oladur!»

Hafta o'tmay g'ajarchilar xabar yetqizdikim, yog'iy yoyiqping Turatur degan kechivuda pistirma qurmish. Pistirmalarni qora tunda bosish amir Shayx Nuriddinning hunari edi. Chap qanotda g'animing Qozonchi yetovidagi cherigi Kaysuv bo'yida qo'nim topmish edikim, shu kecha saflari buzilib tor-mor etildi. Ummoni Qulzum sohilida mo'g'uliy qaytag' alarming ko'p jangari to'dalari joylashgan edi, xunrezlik ko'p bo'ldi, katta talafot Sohibqironning qonlarini chehralariga toshirdi. Bir kechasi sara qo'shin oldiga choh qazitib, bu yonini arobalar bilan to'sib, gulxanlarni so'ndirishni buyurdi, zaxira kuch-lar oldida g'ul bilan o'zлari ot surdilar. Sohibqironning salobatlari yog'iyning Bek Yorliq o'g'lon, Xudodod Oqtov, Kunchi o'g'lon kabi mashhur muboriz bahodirlarini qochishga mahkum etdi. Shundan keyin zabit lashkar ikki qanotini rostlab yana yurdi-yu, Itil bo'yidagi Uvak degan joyda qattiq savashdan keyin To'xtamishning bayrog'i tuban bo'ldi. Xoinning o'zi esa o'g'onlari, amir-u no'yonlari bilan savash maydonini tark etib, Bulg'or chakalakzorlarida jon saqlash uchun ko'zdan g'oyib bo'ldi.

Shundan keyin u o'zini o'nglay olmay, xonlik martabasini tamom boy berdi.

Endi shimoliy dashtlar sohibi yo'q edi.  
Oltin O'rda uluslarida Sohibqironning nomlari xutbaga qo'shib o'qildi, u zotning ismi shariflari bitilgan tila tangalar zarb etildi.

Sohibqiron o'z jasur bahodirlarini tarxon unvonlari, kumush kamalar, silovsin mo'nalari bilan, yana yuz ming kepakiy dinor ukulka hamda yaxshi otlar bilan rag'batlantirildilar, navkarlarga saxovat bilan ulufa ulashdilar. Darband, Saroy va Hojitarxon qal'alarini qayta tiklamoqqa farmon berdilar.

Ibrohim Darbandiy qasrida sayyodi xosning ov go'shtidan ziyofat yegach, Movarounnahr sultonining muzaffar lashkarlari «sayqali zamin» sariga as'asa-yu nusrat ila yo'l oldilar...

Sohibqiron bilan Ayri Qo'buzning so'nggi musohabalari shundan ko'p yillar o'tib, Shom-u Rum fathidan keyin Keshda bo'lgan edi. Bu paytga kelib ikkalalari ham qaddi dol piri safed, bir-birlaridan nechun ajralolmasliklari xususida, dayr-u oxirat, gunoh-u savob xususida ko'p o'yaydigan, Sohibqiron esa, ayniqsa, horg'in va ko'p asabiy bo'llib qolgan edilar...

Oppoq sochi yelkasiga, oq soqoli ko'ksiga tushgan baxshi «Sultoni rub'i maskun!» deya ta'zim bilan ostonoda paydo bo'lganida Sohibqiron odattaricha masnad maqomlaridan tushib, o'ng qo'llaridan joy ko'rsatdilar.

Bandalik niyatlarimiz mustajob bo'lg'ay deya, soqol silab omin tutgach, jim bo'lib qoldilar. O'tirib Ollohga takbir aytish hamisha andak suket taqozo etadi, ammo Sohibqironning o'ychanliklari nechukduri to'zimsizroq tuyular edi.



- Bu kech mirzab chertmading, Qo'buz?
- Qaridim, davlatpanoh.
- Sendin dag'i so'rmoqchi edik: nechun abetingni tunlari ta'lif etursen?
- Tunlari osmoni fakak yaqin, davlatpanoh.
- Sohibqiron horg'in jilmaydilar.
- She'rnii Olloh dilingga soladur... aytgan eding. Illo, qo'y bu mavhumotni, Qo'buz. Ani sabiylarg'a de. Ma'lumkim, faqat Qur'oni karim Ollohdin nozil bo'lmishdur.
- Qur'oni karim ham nazmiy kalomdur, davlatpanoh. Kalom - Ollohnning irodasi. Lavhi Olloh, aqli kull va aqli awvaldur. Illo, az vaqteki, shoir jonini asrab qolding, men kalomni qilichg'a zid qo'ymadim.
- Xudo oldida shoh-u gado barobar, qolaversa, sen bizning vijdonimiz bo'lding.
- Shoiring vijdoni esa so'z, alhol, so'z - haqiqat-dur, deb aytgan edim.
- Kimming haqiqati, Qo'buz? - deb keskin so'radilar Sohibqiron.
- Haqiqatni bo'lisdan urush chiqodur.
- Sohibqironning qoshlari chimirilib, qoralg'on keng yanoqlariga ajin yig'ildi. Aftidan, qalqib kelgan jahlni tiyib, aytar so'zlarini aytmadilar. Baxshi buni payqadi, o'ychan uzoq tikilishib o'tirdilar. Keyin sovib, «Ha, qarib qoldik...» deganday, boshlarini ohista sarak-sarak qildilar.
- Ayo, Ayri Qo'buz... - dedilar Sohibqiron bosh egib o'tirganlaricha, - farosot-u bashoratingg'a tahsin ko'p aytdik, emdi... bizning qazoyimizni bashorat qilaolurmusen?
- ... Nauzanbilloh... - deb sapchib tushgan keksa baxshi nursiz ko'zlarimi katta ochib, serrayib qoldi.
- Rub'i maskunga foti muzaaffar bo'lib, sultanat qurib, ismimiz Iskandari Soniy, jam'i malikul-mulkni ilgimizg'a oldik. Kimsaki, bizga yurak bermaydur, bir o'limdin g'ayri. Yer yuzida bizga bosh egmagan shu qoldi. Andin bizga omon bo'lurmu, qachon bizga duch kelg'ay, ayt.
- Sohibqironning qora bulutdek bosib kelgan bu xunuk kayfiyatidan astoydil cho'chigan baxshi bu dargohda ilk bor o'zini yo'qotdi.
- Bandasi mehmon... - dedi ovozi qaltirab.
- Qazoyi qadar vahdati vujudning lavhi mahfuzida, ya'ni daftari a'molida qayd etilmishdirkim, andin qutulib bo'lmas, Sohibqiron.
- Yo'q, ayt, qachon duch kelgay? Biz bilishimiz kerak. Yetti iqrimming oshubi gardanimizda ulgurishimiz kerak.
- Faqir avliyo emasmen, bashorat qilmam, agarchandikim, malikulmavt yuz ko'rguzsa aytib yig'lagaymen.
- Yo'q, chalg'itma, ayt, qachon?!
- Yo rab! «Kulli yavmin batar...» Sohibqironning chehralari qorayib, ko'zları yondi. Nahotki, moumanlik aziyatidin vos-vos bo'lib, nafsilavvomadin pu-shaymonlik yetib, vahimada qolg'on bo'lsalar? Alhol, yuzlarig'a so'z aytmoq ham xavfli edi. Anno Ayri «yo'q»qa yana «yo'q» dedi. Sohibqiron vujudlarini o't olganda, o'rinalaridan turdilar.
- «Kalom» dersen, «Mehmon» dersen, dag'i «vahdati vujud...» Saroyimizza isqirt jandangni tark etmay, necha yil yurding indamadik, so'fiy! Ustozing Shoh Mansurning terisini shilgan edilar, yo seni ham... Ayrining shu jandadan bo'lak yo'qotadigan shay'i yo'q so'z esa uning sohibi edi, aytidi:

- Bu xirqani murshidim yelkamg'a yopganlar,

ul zotning ramzi hollaridurkim, yechilmag'ay.

So'fiylarning shayxul mashoyixi Hoja Ahmadga esa, Yassida muhtasham maqbara insho etgan sen eding, davlatpanoh. Men so'fiy emasmen, ilmin g'arib.

- Bas! Har ikki so'z aro bizni mot qilmoq dilingda iddaodur... Ko'lankang ko'rinsa o'llim yodizg'a tushar, nega aytmaydur, nega aytmaydur, deb shivirilaydur shaytoni la'in. Tunlari nag'mang halovatimizni oladur, illo... aytmaydur, aytmaydur... Sen shoir emas, shumqadamsen!

Ayri Qo'buz angladikim, asab tarangligi tobiga yetdi, endi gap qaytarish u yonda tursin, tasallii so'zi ham kor qilmas. U so'zsiz, ta'zimkorona bosh egaroq, orqasi bilan yurib, ostona tomon chekindi. Eshikka yetay deganda haligi tarang asab uzildi chog'i, gapni bo'lib beruxsat chiqib ketayotgan xirqapo'shni ko'rigan Sohibqironning jahl xurujiga kuchlari yetmay, «Mirg'azab!», deb yuborganlari eshitildi. Bolalar ish bo'lgan edi. Mardud shoir shu sovuq tovushdan suringandek, shartta orqa o'girib saroydan chiqib ketdi.

So'nngi payttar Sohibqironda bunday nogahoniy holatlar bo'lib turardi. Sovuq ter bosgan mangaylarini ushlab, egilib qoldilar. Nima bo'ldi?

Nima qilib qo'ydik? Bu dargohga beijoza kirib, beijoza chiqib ketadirgan bitta-yu bitta devonayi dilovar shu edi...

Beixtiyor eshikka qayrilib qaradilar. Ostonada qizil gardanpo'sh yopingan, yuzi murday oq, lekin soqoli qop-qora mirg'azab qo'llini ko'ksiga qovushtirgancha ikki bukilib turardi.

- Yo'qol! - deb qattiq tovush bilan jerkidilar Sohibqiron titrab. Sharpasiz krib kelgan jalod xuddi shunday sharpasiz g'oyib bo'idi.

Sohibqiron beedad iztirobdha to'lg'anar edilar. Xonadan xonaga shaxd bilan yurib, dar-u daricha-larni lang ochtirdilar, go'yo havo yetishmas, dunyo tor edi. Bunday paytda jonlariga ora kiradigan, taskin so'zini, yo haqiqat so'zini topib aytadigan, goh beozor, goh dilozor mahramlari qani? Bormidi u, yoki tushlariga indimi?

Yo'q, u hali, mumkinki, krib keladi. Ijozatsiz, ayni mavrudida krib keladi.. Xudo xohlasal... „Ammo Ayri Qo'buz qaytib kelmadi. Uning o'rniga shunday xabar yetdikim, shoiri devona tun uxlamay, shu tong oldidan rihlat topibedur. Xudo rahmat qilg'ay. Qandoq?

Shundoq. Tinch va beozor. O'z hujrasida cho'zilib yotib, gap-so'zsiz jon taslim qilibdur, tongda kirsalar, oq soqoli engagiga tarashaday tikkayib turgan-mish. Takya bakovulining aytishicha, marhum tuni bilan uqlamay, yuvinib-poklanib, saripoy oq kiyibdi.

Va aytdidiki emishkim, «Inshoolloh, tekinga qolgan hu Jon ham asqotdi: ul buyuk zotni bir gunohdan asrab qolishga yaradi», deb...

Bu xabar Sohibqironning ichlarini laxcha cho'g'-day o'rtab o'tdi. Og'ir yaralardan siqtamagan, yolg'izlikda noiloj ingrab yubordilar. Sovuq edi, badanlari sovuq, ark sovuq, olam sovuq...

Hutning avvalida Chin-Mochindan yalavoch chonpar kelib, yana bir sovuq xabar yetkazzi. Qoshg'arga qalmiq qaytag'alari oralab, muslimonlarni qaqshatib talon qilayotgan emish. Jattaning bu elati yovqur bo'jadi, nima qilmoq kerak?

Bunday savol tug'ilganda Sohibqiron hamisha tolsi harb chorlab, musolahat qilar edilar. Bu gal arkoni ashraf-u umaro Shahrabszda mashvarat qurdi: yurish kerakmiyo'qmi?

Sohibqiron turli fikrlarni, goh jo'shqin, goh so'lg'in nutqlarni uzoq tinglardilar-u, ammo zohiran nechukdir loqayd qoldilar. Keyin Konigil tepaligida chodir qurib, Xitoy elchisini qabul qilganlarida, uning chinniy sovg'alarini olib ra'iyaga ulashganlarida ham, ziyofat berib amirzodalarga maluqona xil'at yopganlarida ham yurish xususida ma'lum qarori qat'iyatlari bilinmadı. Nimanidir yo'qotganday, bo'shang, hamon loqayd va parishon edilar. U zotning beqaror ikkilanishlari amir-u sipohlar ko'nglini ham ikkiga bo'ldi. Inoq bahodir Chin-Mochinga yurishning qizg'in tarafdori edikim, uning atrofida bir sipohiy guruh jolis qilar, «Yovning yang'mosini kutmasdan saflarini buzib gorat qilurmiz!», der edi Inoq bahodir. Qoshg'ardan kelgan chopar ko'p sergap ekan, ziyoftada kayfi oshib, lof urdikim, tushkun kayfiyatdag'i sipoharning qulog'i uning og'zida edi:

- ... Uch fil ustida temir daraxtidin bir hujra, - der edi chopar hovliqib,-andin siyosat bilan ovoz chiqaradikim: «Ey, turk, bu fillar har biri necha shahr-u kentni vayron qilg'on besh yuz yoshar jangarilardur, kim muqobil bo'lsa raxtini yelkaga olur, taxi-baxtini barbod urur» deb.

Qarorgonda g'ovur timmadi, olampanoh esa sukutda edilar...

Axiyri, Sohibqiron lashkar-u arkoni davlat bilan O'tror mavzeyiga ko'chishga amir-farmon berdilar. Ul mavzeda yurish oldidan lashkarlarning uch oylik

ko'rigi bo'lishi lozim edi. Ammo bu safarga baribir Sohibqironning oyoqlari tortmas, shashtlari past, tunlari dillarida zafar umidini porlatguvchi Ayri Qo'buz abyoti ham yangramas edi! U zot bunday so'nuq pallallarda lashkar tortib o'rghanmaganlar.

Saryom shahri yaqinidan Aras soyi oqib o'tar edi. Bu yerning osmoni sokin, qishning ayoz tunlari uzun va behalovat. Bedor kechalarda Sohibqironning quoqlariga qo'buz ohanglari kelib urilar, sayr soatlari go'yo Ayrining arvohi ta'qib etar edi: «Gunohimizdan kech, ey shoiri devona, zafarimizni karomat qilg'il...»

Shunday behalovat ayoz tunlarining birida Sohibqiron o'rda ravoiqidan horg'in yurib chiqib, sohildagi soy toshiga kelib o'tirdilar.

To'qson edi. Uzoq va mayus o'y surdilar, xotiralar og'ushida qoldilar. Bu vaqt ulug' zotning o'g'illari Shohruh Hirota hokim, Mironshoh to'ra Bag'dodda sulton, nabiralari Sultan Muhammad Kandahorda valiabd - barini yodladilar. Mashriqdan Mag'ribgacha hukmlari yurar, yetti yuz mo'tabar bekzodalar xizmatlarida qoyim, barini yod etdilar. Xirqapo'sh, nag'makashning so'zlarini xotirladilar: «Jahongirlarga bo'yin egmadim, insonga qulliq qildurmen...» Yo'q. Ayri, afsus, jahongirdan hayiqar eding. Shuning uchun nimanidir aytmading nimanidir yashirib olib ketding. Nega?..

Uzoq va ma'yus o'y surdilar, Sohibqiron. Shunda tonggi sohilning bir bodi badi muxolif kelib, tuslari lag'ayyur tepib.. Falakning yuzi qoraydi...

**FANO VA BAQO**

«Bo'limasa vasli mango, ikki jahomni na qilay»  
(Mashrab)

«Yozganlarim bari – hayat va o'lim haqidasi»  
(Edgar Po)

«Olohnning va dasi haq. Dunyoi-dan sizni  
hargiz aldab qoymasini» (Qur'on) karmidan)

**X**otin kishi bilan ish bitgandan keyin odam behafsala bo'lib qoladi. Xolxo'ja buni ilgaritdan bilardi-yu, lekin bunaqangisi bo'lgan emas. Haligina «Huriniso! Huriliqo!» qilib erkalgani Hurixonning basharasini ko'rghisi kelmay, uning vannadan chiqishini ham kutmasdan ko'ylagini kiyib, ketishga otlandi. Ob-havo nobop kunlar Xolxo'ja ta'sir qilmaydi. Biroq, bugun shomdanoq negadir ichi xira, bekordan bekor ezilib ketyapti. Kostumini yelkasiga tashlab, derazadan boqsa, qora tun qo'yimda nimadir bo'g'iq gumburlab... yo'q, momaqaldoq emas, samolyot yo vertolyot ham emas, yer qa'ridan vahimali, bo'g'iq guvullash ko'tarilayotganday. Bir zumentan keyin bo'lsa, uzoq-yaqinda itlar vroullab, tinchlikni buzzi. Xolxo'ja shahar joyda itning bunday chiyabo'riday xunuk ulishini eshitgan emasdi. Mash'um nishona...

Eshikka qarab yurdi. Yo'lakka chiqqanida tepasida nimadir qirsillab, ohak to'kildi. Sarg'ayibroq yonib turgan chiroqlar lipillab chayqalardi. Xolxo'ja boshi ustida beton pilitaning darz ketganimi ko'rib, og'zini ochib ham ulgurmey, oldinroqda shift to'sinlari qarsillab, nazarida devor ag'anadi. Qars-qars tebranayotgan zinapoyadan o'zini pastga otdi, xud-di gugurt qutisiday mayishib yanchilayotgan beton

*Chodirayot*

qavatlardan nechtasi orqada qoldi – bilmaydi, ro'parasidagi esnik kesakisi bilan o'pirilib, qattiq gumburdan keyin orqa-o'ngida quyuq to'zon ko'tarildi. Ko'z ochib, nafas olib bo'imas, chiroqlar o'chgan, tepadagi beton qavatlar xuddi bosib tushmoqda, na oldinga, na orqaga yo'l bor. Xolxo'ja nimagadir qoqinib-surilib, xavfsiz joy qayerda ekani-edi. Bir joyda turishga toqati chidamay, to'zon quyunida chang yutib, qorong'ida qandaydir g'isht uyumlaridan hatlab o'tib, devorni paypasadi. Qo'lli nimadandir tilinib, bilagiga issiq qon yugurganini sezdi. Sezdi-yu e'tibor bermadi, chunki bu vaqt qayerdadir g'irchillab esnik ochildi. Tepada yana ham dahshatliroq gumburlashlar eshitillardi. Xolxo'ja toyibmi, bir nimaming zarbi bilanmi, shu zahotiyogq zinadan yumalab, pastga tushib ketdi.

...Yotgan yerida lat yegan, shilingan joylarining og'rig'idan ham oldin kallasiga o'y keldi: bu mudhish zillzila edi, u esa – tirk. Lekin qayerda yotibdi? Rahmladiki, haligi g'irchillagan eshikni o'zi ochgan ekan: u yumalagan zina, bu zax joy – ko'p qavatti binoning podvali bo'lishi mumkin... Ha, yerto'la, hididan ma'tum.

U «tirkman» dedi-yu, ammo shubhalanib qol-di. Atrof zim-zijo, quloqlari tom bitgan, faqat ... hid bilyapti, hid! Demak, nafas olyapti, dimoqni puxsalaydig'an boyagi chang yo'q, zamin ham tinchidi chog'i. Xolxo'ja qo'l-oyg'ini qimirlatib kordi, sal zirqirasa ham, xayriyat, bari butun. Atrofini paypaslab, turib o'tirdi. Barmoqlari bilan quloq-burnini ushlab ko'rdi, shukr, u-bu sharpani eshitayapti. Lekin quloqlari zing'illar, boshi g'uvillar



edi. Keyin tushundi: jimjilikdan ekan. Haligi mudhish gumburlashlardan keyingi bu jimjilik undan battar vahimali tuyuldi... Qani endi hozir birdan uyg'oniib ketsal! Bordi-yu Hurining to'shagida misz'ib qolgan bo'lsa-yu... Koshlaxydi. Mana bu ko'zga turtsang ko'rinnmaydigan zimistonning sassig'i – tushga o'xshamaydi, tush emas. U sho'ring qurg'urni ham hozir hoynahoy bosib qoldi-yov. Vannasida kafansiz ko'milib yotibdimi hali...

Shu zahoti necha yuzlab jon nobud bo'ldi, Xolxo'ja sen tiriksan. Sen tiriksan, Xol! Olanda shu payt ikki narsa bor: o'lig-u tirik. Uchinchisi yo'q. Sen esa tiriksan, Xolxo'ja. Shu o'yillardan keyin u bir dam nafas rostadi. Ammo qayerdandir yana bir nima qirsilladi, guv eshitildi. Zilzila «qaytdi» shekilli. Xolxo'janing endi o'gisi yo'q, u o'llimning dahshatini boshidan kechirdi. Outuldim deganida... endi o'lanni o'ylash ming bora mudhish... U devorni paypaslab, o'rnidan turdi. Tizzalari qaltilar edi. Qorong'ida bittagina nur zarracha bo'lsa ham yorug'lik qidirib, mo'tirab turganida sal narida lip etib... voajabo, chiroq yondi. Xolxo'ja hushidan ketayozdi, birdan urilgan shu'ladan ko'zlarini chirt yundi, yorug'likdan butun vujudi yayraganday bo'shashdi. Bu nima o'zi? Nima bo'idi? Elektr chirog'i-ku! Kim yoqdi? Yo undan boshqa odam ham bormi? Xiragina qizarib, sal lipillab turgan kichkina lampa zim-ziyo yerto'lani kunday yoritgan edi. Biror joyda sim uzilgan bo'lsa, keyingi qimirlashda o'zidan o'zi bexos ulanib qoldi chamasi. Omad-da! Xolxo'ja omadli yigit o'zi. O'ylab qarasa, omad unga bir umr soyaday ergashib yurgan ekan: soldatlikka bir yarim yosh yetmay, qirg'in urushdan chetda qoldi, ta'qib-u qamoqlardan xudo

asradi, qo'ying-chi, kasalkonaga ham tushgani yo'qda. Baxt-u mol – dunyoning mo'may-mo'mayi gohida shundoqqina osmondan oyog'ini uzatib tushaverdi, olamda o'zidan bo'lak g'ami yo'q. Omad bu safar ham ro'parasidan chiqib qolsa, ne ajab.

U ehtiyyotlik bilan devor bo'ylab yurib, bir umid ilinjida yerto'lani aylanib chiqdi, eshik-teshik degan narsa yo'q. Orqa tomon butunlay bosib yotibdi – yaqinlashish xatarli. Kirgan eshigi, yumalab tushgan zinapoyasi qayoqdan edi, aqli yetmadni. G'isht beton, tuproq o'pirilib tushgan, hammayoq gum.. Xolxo'janing vahimasi oshib, havo yetmayotganday, badanidan sovuq ter chiqib ketdi: tirik ko'milgan bo'lsa-yal! Nima bo'ladi unda? Awval aqldan ozib, jinni bo'ladi. Keyin ochlikdan, yolg'izlikdan talvasada ion berib... murdasi sasib yotadi. Bir sichqonni – kalamush ham yugurib o'tmaydi, bu yerda... Yo'q Nima «yo'q»? U kuchi boricha ovoz berib ko'rdi, yerto'lani yana aylanib, jon-jahdi bilan baqirib-chaqirdi. Bo'g'iq yangragan ovozni yerto'la qora go'rday o'z qa'riga yutardi. Xolxo'ja shaytonlaganday zir yugurib, devorlarga urilib, qoqinib-surinib, holdan toydi. Miyasi karaxt, hech narsa o'ylayolmay, beton devorga suyangancha uzoq turdi. Yo'q... Qutqazishadi. Yerto'lada odam ko'milib qoladilishsin-chi, qidirib qolishadi. Kovlashayotganda tepadan beton plitalar bosib tushmasa, bas. Ular sal ilinib, omonat turganga o'xshaydi. Xolxo'ja tepaga ko'z tashlashga botinmay, g'ujanak bo'ldi. U qo'rqishdan, vahima-yu talvasalardan toliqan edi. Ilnaqaqada telba bo'lib qolish mumkin. O'zingni bos, Xolxo'ja. Nafas bo'g'ilishi ham vahimadan, bu yerda



havo yetarli, uqdingmi, awal esni joyiga qo'yish kerak. Qancha vaqt o'tdi o'zi? Bir o'ylasa – necha

kunlardan beri shu yerdə o'tirganga o'xshaydi.

«Kunlar», deganda eti jimirlab ketdi. Yo'q, yo'q, axir.

Hali yarim soat ham bo'lGANI yo'q. Xolxo'ja buni

yaxshi biladi, qizib ketgan miyasinig bir chekkasida

idroki uyg'oq. Mana shuni yo'qotmaslik kerak,

telbalik o'idiradi, sovish kerak, sovuqqonlik kerak.

Yarim soat emas, nazarida undan ham kam, besh-o'n

minutgina... Lekin bir dunyo xayol o'tdi boshidan.

Yolg'izlikda shuning o'zidan ham jinni bo'lish

mumkin. Idrok dedi. Yolg'izlik-chi? Bu ikkalasining

chiqishuvi qiyin yo u, yo bu yengadi.

Xolxo'ja dahshatlili yolg'izlikning idrokan us-  
tun kelishiga ko'zi yetib turganida, allaqayaoqdan  
ingragan ovoz eshitildi. Badanidagi og'riqlarni  
unutib, sapchib turdi, alangladi, yana quloq soldi.

Tashqaridami? Tashqarida bo'lsa, eshitilmas edi.

Tuproq, g'isht ostidami? Unday bo'lsa, uni qidirib

bir joyni kovlash ham xatarli. Kovlamay quloq

solib o'tirish – undan ham mudhish.. Ingrash yana

eshitildi. U yordamga muhtoj bir issiq jon ekanligi

aniq. Xolxo'ja uyoq-buyoqqa yugurgiladi. Uni

quvonch yogurtiyaptimi, vahimami – o'zi bilmasi.

Burchaklarga kirdi, beton bloklari mayishib,

armatura simlari chiqib, o'pirilib yotgan yon

devor kovaklariga, kunjaklarga ko'z soldi. To'xtab,

jimlikka qulq tutsa, ovozidan tezroq topardi, lekin

hovliqib jum turolmayapti, asabari qaqqagan, sabr-

toqt tugagan, o'zining nafasidan boshqa sharpani

eshitmas edi. Bunga sari o't olganday shoshib,  
cho loqlanib yuguradi, yiqiladi, yana turadi.

– Hoy, kim bor?

Ovozim chiqmayaapti shekilli, deb bir zum tinch qoluvdi, zaif ingrash yana takrorlandi. Xolxo'ja o'sha yoqqa urdi o'zini. Bu haligina o'zi kirgan eshik tomonda edi. Endi eshik yo'q. Bu yon ham o'pirilib, il'sht-u beton uyumi shiftga taqalib yotibdi. Ovoz shu yerdan keldi, bu aniq. Yana bir eshitilsa – ustidan chiqadi. Kutdi. Ingrash eshitilmadi-yu, shitirlab tuproq to'kildi. Xolxo'ja bir uchi bilan yerga qadalib qolgan balka ostiga bosh suqib qarasa, ingrash yonginasida eshitildi. Qorong'ida yarim ko'milib yotgan gavdani ko'zlariligi aganday bo'ldi.

– Hoy, tirikmisiz?!

– ... O-o-oyog'im... – dedi haligi odam.

Tirik! O'lib qolmasa bo'lgani. Qaysi tomonдан borish kerak? Bu yerdə bir nimani sal qimirlatsang, bosib qolishi hech gapmas.

– Kimsiz?

U odam bir nima deb g'udrandi-yu, og'zi tuproqqa to'lganmi, tushunib bo'lmaydi. Joni uzilib qolmasa has. O'lib qoladigan bo'lsa... hali yolg'izlik vahimasi bosayotuvdi, endi... Yoningda o'lik bilan yolg'iz qolish... O'zingni bos, Xolxo'ja. Og'ir bo'l, omaddan umid uzma. Buni qutqazish kerak. Qutqazish kerak. Bir yelkasi bilan to'sin tagiga suqilib, qo'llini uzatdi. Uning paypaslayotgamini sezgan haligi odam, yana:

– O-o-yoq... – deya shivirladi siqtab.

Xolxo'ja kafti bilan uning ustidagi tuproqni sidirib tashlab, qo'l-oyogi qayerdaligini topishga urindi. Paypaslab yuzini topdi, issiq nafasini sezdi.

– Hozir... hozir... Birpas toqat qiling, birodar... Bu odamning oyog'ini bosib yotgan yo'g'on xoda bir uchi bilan yerga tiralgan, bir uchi bilan tepadagi beton plitani suyab qolgan edi.

- Xodaga tegmang... oyoq... oyoqni torting, - dedi yotgan odam. Uning ko'zi qorong'iga ko'nikib, u-bu narsani ko'rib yotganga o'xshaydi. Xolxo'ja hushyor tortib, o'zini chetga oldi. Qarasa, chindan ham xavfli: xodani qimirlatsa, shift bosib tushadigan...

- Oyoq... ni, - dedi chorasisz odam qattiq og'riqdan tishini tishiga bosib. Xolxo'ja uning etigini paypaslab topib, oyoqni xodaming ko'tarilgan tomoniga qarab surishga urindi. Tepaga qarab olib, etik poshnasi dan mahkam ushladi-da, yana tortdi. Bechora jon-jahdi bilan «ya... ya... yanal» degancha tinchib qoldi. Og'riqdan hushini yo'qtdimi, nima balo? O'lib qolmasa bo'gani. Xolxo'ja tag'in bir zo'r berib siltagan edi, u xunuk ovoz chiqarib dod soldi-yu, yana jimb qoldi. Xolxo'ja ham qimir etmay qulqoq solardi. Xayriyat, nafas olishi sezilyapti. Tavakkal qilib, ikkala oyog'idan torta boshladi. Uni yorug'likka sudrab chiqqunicha vujudini qora ter bosdi. Usti-boshidan shuvillab tuproq to'kilgach, kapalak mo'ylov, o'rta yashar, naynovgina yigitning loy tekkan aft-basharasi ko'rindi. Lekin ko'zi yumuq, yuzi ifodasiz, behush yotar edi. Xolxo'ja uning tomirini ushlab ko'rib, xunuk jilmaydi-da, yana chaqqon harakatga tushdi. U o'zidan mammun, jonlanib ketgan edi. Sho'rlikning yuz-ko'zini siypalab, ustidagi ohak kukanini qoqib tashlab, so'radi:

- Hoy, qalaysiz?

- Oyoq... - dedi yana yigit ko'zini ochmay.

Oyog'iga qaradi, etigini tortib ko'rdi, lekin ikkinchi oyog'iga qo'l tegizishi bilan yigit baqirib yubordi. Xolxo'ja bo'sha, uning faryodiga quvonganday:

- Bormisiz-e... - dedi. - Hozircha chidaysiz, birodar. Simmagan etik qo'ni saqlabdi, shukr qiling,

lekin qattiq lat yegan, chidaysiz! Shunday dedi-yu, ded solishiga qaramay, etikni shartta, yechib oldi. Yigit bir ingrab, jim bo'ldi. Xolxo'ja bir poy etikni quchoqlagancha o'tirib qoldi. Ikkalasi ham go'yo og'ir ishdan keyin dam olishar edi. Anchadan son yigit ko'z ochib, shiftga, atrofga, keyin najotkoriga boqdi. Qayerda yotganini hali fahmlagan yo'q chamasi.

- Tuzukmisiz? - dedi Xolxo'ja.

- Boshim nimagadir urilib.. hech nimani bilganim yo'q. Hushimga kelsam... oyoq og'riyapti. Qattiq og'riq hushimga keltirdi, chamanda.

- Hozir-chi?

- Hozir.. qarang-chi, oyoq butunmi?

Xolxo'ja oyoqqa yopishib qotgan paytavani ehtiyyot bilan yechib oldi-yu, qorayib-ko'kargan boldirni ushlab ko'rishga qo'rqed.

- Bugunoq chopqillab ketasiz...

- Nazarimda, qon yurdi... rahmat sizga. Qayer-damiz? Nima bo'ldi?

- Zilzila... Yomon bo'ldi. Yerto'lada qamalib yotib-miz, yuqorida nima bo'ganini bilmayman.

- Hushimga kelganimda o'zimning ham taxminim shu edi. Boshqa hech kim... biron eshik-teshik yo'qmi?

- Yo'q... Yilt etgan tuynuk ham yo'q...

- Chiroq...

- Chiroq keyin yondi, hayronman. Xullas... hozir tirk qolganimiga shukr deyishga to'g'ri keladi. Oyoq qalay?

Yigit indamadi. Ancha jim yotgandan keyin zo'r bilan sal yonboshlab, paxtaligini yechib buklab, orqasiga qo'ydi-da, devorga suyanibroq o'tirib,

momataloq bo'lib ketgan boldiriga qaradi. Oyoqni

qimirlatolmadı.

— Simmagan deyapsizmi? Nazarimda majaqlanib

ketganga o'xshaydi.

— Singan bo'lsa hozir men bilan gaplashib o'tirar-midingiz, birodar. Og'rig'iga chidolmay, devorga tirmashardingiz, ha. Mayishib, qon uyuhib qolgan, qorayib ketgamini ko'rmaysizmi? Otingiz nimadi?

— Ochil, Sizniki-chi?

— Xolxo'ja. Shu uydanmisiz?

— Oltinchi qavatdan.

— Xayriyat, — devordi Xolxo'ja.

Shu uydan ekan bu sho'ring qurq'ur! Hoy, buni emas, o'zingni o'lindan qutqazibsán, Xol. Buni albatta qidirishadi, yerto'lani kovlashadi! Yuragida umid uchqunladi.

— Nima dedingiz?

— Meni bu uyda hech kim bilmaydi... deyapman. Baxtsiz tasodif bilan kelib qolqandim...

Odamni o'lindan qutqazish bu qadar quvonchli bo'lishini bilmas ekan. Yaradorga yordam berish taraddudiga tushdi.

— Xizmat bo'lmasa, Xolxo'ja aka, hov sandiqni ko'raysapsizmi? Sandiq?

— Ha, ana, devorga suyab qo'yilgan.

Xolxo'ja qorong'i burchakdagı axlat tashlanadigan qopqoqli taxta qutini ko'rdi.

— O'shanda chirpit... katta shisha bor. Olib kel-sangiz.

Xolxo'ja borib qopqoqni ko'tardi. Sakkiz litrlik shishani topdi. «Sandiq»da yana allaqanday temirtersak, egri-bugri quvurlar, qog'oz qopchiq, unda jumlikka bardosh berolmasligini o'ylab, sekin chiroq



shakarmi, tag'in bir nimalar bor edi. Og'ir shishani ko'ksiga bosib olib keldi, u to'la emas, tubida nimadir chayqalar edi. Ochil qo'liga olib, po'kagini ocharkan:

— Samogon, — dedi ijayib. Xolxo'ja hidan tahlilagan edi. Lekin:

— Rostdanmi? — deb yana so'radi, — chag'ir pazlik ham qilaman deng?

— Shu la'natini deb tushgan edim, bu qora go'rga... Noqulay jumlikni yana o'zi buzdi.

— Kuzya degan shopir og'aynim o'rgatgan. Men o'zim shopirman-da. Bu... oson, men sizga aytSAM. Shakar topilsa bo'lgani, — shisha og'zini hidab, aftini jiyirdi, — juda zakonni bo'ladi, «Stolichna»ngiz u yoqda tursin.

— Kayfi zo'rmi?

Ochil indayolmadı.

— Hozircha oyoqdan bo'lsa ham... — deb hazillashdi Xolxo'ja. Ochil «ma'qul aytdingiz» deganday bosh ing'ab qo'yidi, u ko'zini chirt yumib olgan edi. Spirit la'sir qila boshladi chog'i, bipasdan keyin yengil tortib, sheringiga iljaydi. Lekin bu iljayish tez so'ndi. Xolxo'ja yonida tirik odam paydo bo'lganiga quvonib ketib, hazil boshlaganidan o'zini noqulay sezdi. Bu ahvolda hazil chindan ham gustoblikka o'xshardi. Vaqtini so'rab, Ochilda ham soat yo'qligini bilgach, ko'nglimi yana vahima bosdi. Qancha vaqt o'tdi, hozir tummi-kunni - ma'lum emas, taxminlab ham bo'lmas edi. Yerto'lada vahimani oshiradigan og'ir jumlik.

— Chiroqni o'chiring-chi, balki biron joyda yoriq-mi - tuynuk bordir, — dedi Ochil, — bo'lmasligi mumkin emas. O'chiring.

Xolxo'ja hozir chiroq ham o'chsa, bu zim-zivo

- Uzr... - deb qo'ydi.

Yana jum qoldilar. Anchadan keyin Xolxo'ja qarasa, shergi uxlab qolibdi. Uyqumi, behushlikmi, ishqilib mayli, sho'rlik orom olsin. Hozir Xolxo'ja uchun u - butun bir dunyo. Shu bo'imsa jimi bo'lib, ajalidan oldin o'lib, yerto'lada chirib ketishi aniq edi. Mana, gaplashib o'tirishibdi. Yig'ladi, jerkidi, uzr so'radi, ustayapti... Ajab, hayotda minglab, odam bilan yonma-yon yashaysan, bittasining sariq chaqalik qadri yo'q. Boshiga tushmasa bilmas ekan bandasi. Shu o'ylar bilan o'zi ham uyguga tolganmini sezmay qolibdi... Ko'z ochsa - atrof o'sha-o'sha, yarim o'pirilgan shiftda sarg'ish chiroq miltillab turibdi. Ro'parasida Ochil unga tikilib o'tiribdi.

- Vaqt necha bo'ldiykin? - dedi Xolxo'ja xuddi o'zi uyida uyqudan turgandek, beg'am kerishib.

- Vaqt?.. Kunni-tunni deng.

Ochil turdi. Temirga tayanib, og'riq oyog'ini sudragancha, uzoq burchakka qarab ketdi. U endi yiqlgancha aylanadi, tentiraydi. Hammayoqqa bosh uradi. Hammayoq devor. Umidning oxirgi uch kunini ham o'chirib qaytradi. Chindan shunday bo'ldi. Lekin u bo'kirib yig'lab, qaytib keldi: og'riqdanmi, vahimadanni - bilish qiyin edi.

Yo'q! yo'q! O'lib ketamiz! Kovlash kerak! O'tiraveradimi o'llimi kutib?!

- Kovlash - o'llimning o'zi. Qayer bosadi, qayer bosmaydi - ichkaridan turib bilib bo'ladi?

- Aniqlang, qimirlang, nimani kutyapmiz?

Ochilning ahvولي ayanchli edi. Bog'langan oyog'ini ham urib olganga o'xshaydi: yuzi benihoya dardli. Jim qoldilar. Birpasdan keyin Ochil zaif tovush bilan:

- Uzr... - deb qo'ydi.

Yana jum qoldilar. Anchadan keyin Xolxo'ja qarasa, shergi uxlab qolibdi. Uyqumi, behushlikmi, ishqilib mayli, sho'rlik orom olsin. Hozir Xolxo'ja uchun u - butun bir dunyo. Shu bo'imsa jimi bo'lib, ajalidan oldin o'lib, yerto'lada chirib ketishi aniq edi. Mana, gaplashib o'tirishibdi. Yig'ladi, jerkidi, uzr so'radi, ustayapti... Ajab, hayotda minglab, odam bilan yonma-yon yashaysan, bittasining sariq chaqalik qadri yo'q. Boshiga tushmasa bilmas ekan bandasi. Shu o'ylar bilan o'zi ham uyguga tolganmini sezmay qolibdi... Ko'z ochsa - atrof o'sha-o'sha, yarim o'pirilgan shiftda sarg'ish chiroq miltillab turibdi. Ro'parasida Ochil unga tikilib o'tiribdi.

- Vaqt necha bo'ldiykin? - dedi Xolxo'ja xuddi o'zi uyida uyqudan turgandek, beg'am kerishib.

- Vaqt?.. Kunni-tunni deng.

Meniki nuqul o'n ikkiga borrib quldiraydi, - deb hazin jilmaydi Ochil.

- Meningcha, hozir ertalab soat o'nlar bor-ov...

- Qayoqdan bildingiz?

- Men har kuni o'nda bazada nonushta qilaman...

Mana, hozir og'zim suv ochayapti.

- Magazinchimisiz, deyman?

- Oziq-ovqat bazasida mudirman.

- O... undoq bo'lsa, bu yerning taomi sizbop emas-ov...

- Mana, samagon bizbop.

- Och qorinni shilib ketadi, battar ochqaysiz. - Siz ichmaysizmi?

- Biz shopirlar bunga o'rgansak, ajalimizdan besh kun oldin...

- Bu yerda mashina haydamaysiz.

- Baribir, o'rganmaganman.

- Buni o'zingiz qilgannmisiz, axir?

- Sotishga... Hozir bilasiz-ku, magazinlaringda anqoning urug'i bo'lib ketdi, bu sabil. Mana bumi...

- chirpitni chayqab qo'ydi. Ochil, - yigirma beshga olyapti shishasini.

- Quyqasini qalqitdingiz. Ha mayli, bo'tanasi qorimi ham to'yg'azadi.

- Menga qanddan ola keling, aka.

Xolxo'ja borib, «sandiq»dagi qog'oz xaltani ko'tarib keldi.

- Zakkuskaza yaraydimi? - so'radi Xol.

- Yo'q.

- Nega, bu ham shundan bo'lgan-ku, qarindoshi bilan yig'lab ko'rishmaydimi?

- Yo'q, ko'nglingiz aynib, kecha yegan noz-ne'mattarringizni ham qayt qilib tashlaysiz.

- Bu gapingiz ham to'g'ri... - dedi Xolxo'ja, suv aralashgan sutdek oqarininqirab turgan shishaga qarab. Ichkisi kelar, xavotiri ham bor edi.

- Mayli bo'limasa, siz kayf qiling, men qand yalayman. Tomoq tomoq emas, tomoqdan o'tgani tomoq.

U yaladi. Bu ichdi.

-... Kayf, qand... Itni kunini ham chiroyli gap bilan bejasa bo'ladi-ya, qarang, - dedi Xolxo'ja tomog'ini kuydirib o'tgan chag'irning qo'lansa hididan aftini burishitirkarkan.

«ltning kuni», degan so'zar ikkalasiga ham chorasisz ahvollarini yana eslatdi. Ularni qilday umid ushlab turar, dam-badam uzoq jum qolib, tiq etgan sadoga ilhaq, tepaga qarar, qulq osar edilar.

U yerda esa, mudhish jumlilik. Juda qalin qatlamlar ostida ko'milib qolishgan shekilli.

- Nima bo'ldi endi, sizningcha, hozir tunmi?

- Hayronman. Bordi-yu kun bo'lsa, tepada biron narsa taq etardi, axir... Siz bilan bizga bu yog'i hamishalik tun bo'limasa, deb qo'rqaman...

Ochil yalt etib qarab «yoqangga yopishsin!» devorishiga sal qoldi.

- Nafasni souuq qilmang, aka... - dedi keyin xonush. Xolxo'janing kayfiyati unga ham ta'sir qila boshladi.

Xolxo'ja bo'lsa, o'zini qayoqqa qo'yishni bilmayapti. Kecha shishaning og'zidan ichilgan uch-to'rt qultum samogon uni ezib yuborgan edi. Xumoriga quillatlib yana ho'pladi. Ochil o'zini undan ko'ra, tadbirkorroq hisoblardi: u kam gapirib, kam harakat qilib, oz-ozdan shakar yalab, ko'proq uxlab, kuch suqlaydi. Bu yerda qancha yotishlari hali ma'lum emas. Sherigi esa, chidami tez tugab, o'zini-o'zi yeb qo'yyapti. Gazablanib, ko'p gapiradi, yana ichib qo'yadi-da, battar eziladi, tashnalikdan nolib, zang bosgan quvurlardan tomayotgan iliq suvdan ichib keladi. Ochil o'sha quvurning tagiga tunuka idish qo'yib keldi - suv yig'ilib, sovib, timib turadi.

- Oling bundan, birodar, kayf bilan vaqt o'tganini bilnaysiz, - dedi Xolxo'ja. O'zi molday shimirib, uchib oldi. Shundan keyin yetti-sakkiz soat uxladi. Ochil bo'lsa, uning xurragini tinglab, «shift»ga qarab yotarkan, bexosdan ko'ngli buzilib, yuzini yengi bilan to'sib yig'ladi. Charchagach, uyquga ketdi. Uyg'onsa, barakalla-e, xurraq hali-hamon davom etardi. Uslash albatta, yaxshi, kuch g'animat Ammo



Ochilni borgan sari vahima bosyapti, qancha vaqt, necha kun o'tdi - ma'lum emas; yuqorida nima gap, ularni hech kim esladimi o'zi? Qidiruvchilarning sharpasi ham sezilmaydi, nahotki mana bu sho'ring qur'g'urning souvq gapi to'g'ri chiqib...

Xolxo'ja qimirladi, bosimqirab, baqirib uyg'ondi-da, Ochilga olayib qarab, bo'kirib yig'lاب yubordi. Ovozi xunuk edi. Ochil tasallliga bir nima deyolmadi. Sherigini hiqichoq tutib, tinchib qoldi.

- Tuzukmisiz?

- Tushimda... bo'rilar qurshab olgammish. Tushning teskarisi bo'ladi deyishadi, ishqilib...

- Yo'q, aka, - dedi Ochil, bilag'onligi tutib, - Az-roilning bir turqi - bo'ri ekan. Eshitmaganmisiz?

Xolxo'ja indamadi. Ochil ehtiyyotsiz gapirib qo'yanini sezib, tilini tishlab qoldi. Keyinroq Xolxo'ja suv ichgani borganida yurishidan bilindiki, darmoni tugayapti. Suvni tunukasi bilan ko'tarib kelib, yoniga qo'ydi. Bu ishi ham to'g'ri; har safar borib kelish uchun majol kerak, shu yerda tursa, chanqaganda og'iz ho'llab turilaveradi. Suv yo'g'ida tayammum, degan mashoyixlar.

Kunmi-tunmi degan bahs ham tugadi. Buni endi uyqu bosishiga qarab ham aniqlab bo'lmaydi - uyqu vaqt ham chalkashib ketdi. Xolxo'ja bo'sa, hamisha shirakayf, uyuqisirab yotgani yotgan. Vaqtini qorin ochishiga qarab ham aniqlab bo'lmaydi - ochlik ichni tatalab, umurtqani so'rib, tinkani qurityapti. Ovqat haqida gap ochishga jur'at yo'q, bir-birlaridan ko'zlarini olib qochishadi. Umid ipi borgan sar'i ingichka tortib ketayotganini sezadilar. Dildagi ro'yoyst gapni aytishdan qo'rqib, soatlab g'iq etmay o'tiradilar. Sherigi yana ichib uxlab qolganida Ochil

o'zini qayoqqa qo'yishni bilmaydi. Xolxo'ja och qoringa ko'p ichyapti, bir kor-hol bo'sib qolmasa edi. Ochil ang'lab yetdiki, yoningda issiq jon bo'lmasa jon saqlash mushkul.

Bir safar Xolxo'ja uyg'ondi-yu, juda uzoq jum yotdi. - Aka, - dedi Ochil xavotir olib, - nimalarni o'ylayapsiz?

Xolxo'ja yana ancha o'ylaganidan keyin tilga kirdi: - Shu... bir xayol kalladan ketmayapti. Xuddi changak solib yopishib olgan...

- Nima ekan u?

- O'zing haqingdag'i yomon gapni birovlarga gapraverma, derdilar dadam rahmatli. Bir chekkasi - bu ham to'g'ri. Yomon gapni ichingda saqlab, go'ringga olib ketganing ma'quil. Dunyoda sening to'g'ringda faqat yaxshi gap qolishi kerak. Yomondan odamlarga nima naf, to'g'rimi?

- To'g'ri.

- To'g'ri-yu, lekin hamma yomonlikka shu dunyoda o'rgandik, shu yerda orttirdik barini. Odam bolasi dunyoga sof keladi, bu yerda orttingan jamiki qabihikkalarini, jinoyat-u pastkashliklarini tashlab, sof ketishi kerak emasmi?

- Bu gapingiz to'g'ri. Tirikchilik - asli tirriqchilik. U dunyoga ishonmaydi-da ko'plar. Shuning uchun qo'rqmay kirdkorini qilaveradi. - Boqiy dunyoning borligi uning ostonasiga kelganimizdagina yodimizga tushadi. Inson uning borligiga bir umr jymon keltirsa, kaptar kelib quzg'un ketmasdi.

- Kelsa gumon - ketar iymon, degani shundan-da. ... o'ligimiz shu yerda qolib ketishiga ko'zim yetib qoldi, birodar.

- Unday demang, aka.

– Sizni bilmayman-u, men... Gapirishga holim bo'rida qulq soling...

Ochil bo'shashib ketdi, oyog'ini sudrab, unga yaqinroq siljidi. Xolxo'janing ovozi bazo'r eshitilardi, nafasi tez, chindan ham...

– Aytgamingizzay, darhaqiqat, – deya uni chal-g'itmoqchi bo'idi.

– Endigina mol, bilim, hunar, tajriba to'plaganing ... barini birdan... olib ketgaming yomon ekan...

– Dunyo yig'ib netarsan – bir kun tashlab ketarsan. Buntisi mayli, lekin gunohni olib ketma.

– Ha... Qisqa umrimizza shuncha gunoh! Ming yil yashasak nima bo'lardikin? Dahshat!

– Yosh ekansiz. – bilmaysiz: hayot o'lindan yomonroq. Men ne vaqtidan beri shuni o'ylab, boshim yorilay deyapti. Hayot zararli, odam shundan o'ladi asli. Ammo-lekin doribaqo... ostonasida turgan kishi uchun fanoning o'zi ham, u tug'dirgan mudhish gunohlar ham hech nima emas. Faqat ularni dunyoga tashlab ketish kerak.

Ochil avval uni alahlayapti deb ham o'yladi. Lekin qarasa, gapni o'ziga yarasha mantiq bilan olib ketyapti. Ovozi zo'rg'a eshitiladi, nafasi bo'linib-bo'linib chiqadi-yu, lekin gapida jon bor.

– Tashlab ketib bo'lar ekanni... – dedi Ochil, esan-kirab.

– Bo'ladi, – dedi Xolxo'ja.

– Kimgadir yorilish kerak. Yoriladiganing bo'l-masa yomon, ichingda ketadi. Xavriyat, mana..."

– To'g'ri, aka, odam odamning dardini oladi. Jon jonga quvdat.

Xolxo'ja charchab, jimb qoldi. Ochil, o'lim oldi-dan odam ortida qoladiganlarni o'ylasa kerak, deb

yurardi. Yo'q inson hamon o'zini o'yarkan. Unga yorilmoqchi bir gunohi azim tilkalayapti ko'ksini. Shunni «tashlab», «soflanib», ketmoqchi. Shundan yengiltortsza, mayli lekin ulgurarmikin?

– Qanddan yalang aka, darmon bo'ladi.

– Yo'q, endi foydasiz... Siz qulq tuting, – Xolxo'ja nafas rostlab, gap boshladi. – Bir begunohni o'n besh yilga qamatib yuborganman, birodar.

– Yopiray, qandoq?

– Yolg'on guvohlik berib. Buni men bilaman-u, mana, endi siz bilyapsiz.

– Men bilmayman, aka, – dedi Ochil kapalagi uchib.

– Hozir gapirib beraman. – Xolxo'ja tunukadagi suvdan kaftiga olib, lablarni namldi. – O'n yil avval oziq-ovqat bazasida hammol edim. Tolzordagi magazin mudiri Haydarov bilan o'sha yerda tanishganiman. Qo'yninga u-bu qistirar, men uning mashinasiga benavbat yuk ortib berardim. Keyin shu odam, baraka topkur, qog'ozlarimi to'g'rilab, ispolkomda uy-joy olishim uchun navbatga qo'ydi. O'zim, joyi lannatda bo'lqur. Mastura kampirning hujrasida jarada turardim-da.. – Xolxo'ja nafasini rostlab olib, davom etdi: – Uch yil kutdim, to'rt yil kutdim, navbat tegmadi. Qishloqda va'dakashgan qaylig'im bor. Sarviniso degan... Orzularimiz ushalmadi. Re-lilar barbob bo'lganidan alamzada bir holatda yur-ganinda, hujramga Salim so'poq kirib keldi. Yonida qora chopon kiygan turqi sovuq bir barzangi. Boshi sapchadek, peshanasi do'ng. Salim so'poqni baza-ning yerto'lasida, bir ulfating maishatida ko'rgan odim. U-bu buyurishgan, xizmatlarini qilganman. So'poq bo'lsa ham g'o'daygan: boyvachcha, odamni

bir tiyinga olmaydi, u ham qaysi bir gastronomning mudiri.

– Voy-bo'-o... Shu katalakda turibsamni, kalamush ham bordir? – dedi hujrani ko'zdan kechirib.

Keyin darcha yoniga bordi-da, birdan gapni boshqa yoqqa burdi:

– Haydarovni yaxshi bilasan-a?

– Ha... – dedim.

– Uzoqdan ham, qadam olishidan tanisang kerak?

Hov anovi darvozaxonaga kirib ketsa, shu darchadan turib tanisamni?

He yo'q, be yo'q, nima deyapti o'zi? Garangsib turaverdim.

– Taniysan, taniysan, qani beri kel-chi. – Borib, darchadan ko'chaga qaradim. – Darvozaxonani ko'ryapsamni?

– Ha.

– Haydarov shu yerga kirib ketdi deylik, albatta tanib olasan, a?

– H-ha... – deb yelkamni qisdim.

– Endi qulq sol: ertaga, kech soat oltida Haydarov kelib o'sha darvozaga kirib ketadi, – dedi u dona-dona qilib. – Sen uni «tanib» qolasan. Nima qilib yuribdi bemahalda, deb o'ylab ham q'o'ysan ichingda.

– E... a... kelmasa-chi?

Hozirgacha tund, bezabon bo'llib o'tirgan qora chopon tilga kirdi:

– Kelmasa ham tanib qolasan.

Uning tovushidan vujidimga titroq yugurdi. Bu vaqt So'poq qo'lting'indan tutib, to'rqa olib o'tdi-da, stolga bir qog'oz tashladi.

– Ol, bu senga.

Olib, ancha tikilgandan keyin bildimki, uch xonalik uy-joga order ekan. Mening nominga yozilibdi. Endi bularning niyatiga tushunib qoldim.

– Qachongacha bu katakda o'tirasan. – Shang'il-ladi So'poq, – istasang ertagayoq ko'chib bor, shaharning qoq markazida...

– Yolg'on guvohlik...

– Nima yolg'on? Ko'rding – taniding, vassalom. Tergovchiga ham, sudga ham javob shu – bir og'iz gap, sendan boshqa hech narsa talab qilinmaydi.

– Sen xolis guvohsan, tushundingmi? – dedi qora chophon, o'mnidan turib.

– Ha, aytganday, – So'poq cho'ntagiga kovladi. – Mana bu... mana bu «Gaz-24»ga chaqiruv qog'ozি. Avtomagazindan. Sening nomingga yozilgan, ko'r-dingmi? Buni suddan keyin borib olasan, – deb qog'ozni qaytib, cho'ntagiga solib qo'ydi.

– Buni nima qilaman? Pulim yo'q meni.

– Bo'ladi, hammasi bo'ladi, – dedi iljayib, yelkamga qoqarkan. Jo'nab qolishdi. Faqat qora chophon kiygan barzangi ostonada turib, yana o'dag'ayladı:

– ertaga, kech soat oltida. Ko'rding, taniding ichingda hayron bo'llib o'ylab ham qo'yding.

U yerga qarab, kesib gapirdi. Tovushida «Endi ishimizga sheriksan, bilib qo'y!» degan tahdid bor edi. Shunday qilib, oldindan tayinlangan ushlagancha karaxt bo'llib, kechgacha o'tribman. O'sha kechasi uxlaganim yo'q. Ming xayolga bordim. Ahli rahmon bilan nafsi shayton tapir-tupur olishar edi ichimda. Biri: «Darrov yirtib tashla, yovg'on oshing, beg'alva boshing, deb turibdi; biri bo'lsa: hoy, omading kelib turibdi, bola. Uch xona,



46 kvadrat metr. Sarviniso hayt desang uchib keladigan, odama o'xshab yasha sen ham», deydi. Menga qarang, birodar, bu So'poq odam emas, odam qiyofasidagi shaytoni la'in edi, meni yo'idan urdi o'sha kechasi, mana Xudo guvoh... - deya nochor qo'llarini yoydi Xolxo'ja sheregiga qarab. Go'yo Ochil uni bozir hamma gunohlaridan mosuvo qiladiganday.

- Ha, qizilni ko'rib Xizr yo'ldan ozgan ekan. Keyin-chi, keyin nima bo'ldi, - dedi Ochil shoshib.

- Ertasiga kechasi... o'sha darvozaxonadan o'lik chiqdi, - dedi Xolxo'ja. - Birov o'dirib ketibdi. Qiy-chuv, milisa, «Tez yordam:», yig'i-sig'i... Men u odamni tanimas edim... Tergovda Salim so'poq tayinlagan gapni aytdim, men nomard. Haydarovni darchadan ko'rdirim, dedim, soat oltida dedim. Vaqtin qayoqdan bildingiz, deb so'radi. Soatga qaragan edim, dedim. Qanaqa soat deb qolsa bormi, xonumomim kuyardi. Chunki uyimda soat-poat yo'q, qartaga yutqazgamman... Xudo nomardni ham asrab qolarkan, qarang.

- Bandasining o'ziga qo'yib beradi-da.

- O'zim... O'zim qildim hammasini. Omaddan rag'-batlanib, sudda ham tap tortmay guvohlik berdim. Boshqa dalillar ham bor ekan, shekili, Haydarov sho'ring qurg'ur, qotil sifatida o'n besh yilga... «O'ziga qo'yib beradi» deysiz-u, lekin... mana, o'sha begunohning qarg'ishiga uchrab o'tribman.

- Zato u dunyoligingizni yengillatdingiz menga yorilib... Xo'sh, keyin-chi, keyin nima boldi?

- Ikti oydan keyin Salim so'poqning haligi tund barzangisi mashinaning qog'ozini ham olib kelib berdi. Bir olgan madad, ikki olgan odat, buni

ham oldim. Endi nima talab qilar ekan, deb uygum qochib yursam... yo'q, tinchib ketdi. Qaytaga, o'sha o'zim yuk tashib yurgan oziq-ovqat bazasiga mudir qilib qo'yishdi, eski mudirni bo'lsa Haydarovning o'miga ko'tarishdi. Yog'liq joy emasmi, ko'p o'tmay mashinaga ham qurbim yetib qoldi... So'poq har ko'rganda yelkamga qoqadi: «Amerikadan nima kam joyimiz bor: u yerda lyuboy hammol prezidentikkacha ko'tarilishi mumkin!» deydi kulib. Biroz dam olib, labini ho'lladi-da, uzuq-yuluq qilib davom etdi. Darmoni qurib borardi.

- Lekin Salim so'poqning menga hushyor bo'lib, kuzatib yurishini bilardim. Birovning qaramog'ida yashash... hech kimga nasib qilmasin. U mening mirimdan-sirimgacha biladi, men esa uni bilmayman: kunning xizmatida, pulni qayoqdan oladi, anov sho'r-likning o'limi nega kerak edi, qotil kim... So'poq doim ko'z o'ngimda, goh uzoqdan ko'raman, goh ro'paramdan chiqadi. Mushuk bilan sichqonday «inoq» bo'lib ketdik. Bir yil o'tmay, tog' etagidagi jilg'a sohilidan chorborg' ham to'g'rilab berdi, qarryb tekin.

- Chakki emas, tagingizza «Volga», suv boy'ida chorborg', uch xonali kvarfir, yonginangizda Sarviniso...

- Sarvinisoni allaqachon esdan chiqarib yuborganniz. Boyigan saring Sarvinisolar ko'payaverar-kan. Bu yerto'lada tiriklay ko'milib yotishim ham o'shalardan birining kasofati. Badbaxt bo'lmasam shu baloliq kunda kelamanmi? Qishloqdagisining qarg'ishiga yo'liqdim...

Xolxo'ja majoldan qoldi. Uni ovutish, chalg'itish, tushkunlikka tushishiga yo'l qo'yomaslik kerak edi. Ochil uchun o'lik yonida yotish... Unday desa, o'zinig ham sillasi qurib, qandga ko'zi tushsa oq

kafanni ko'rganday junjikib ketyapti. Shunday bo'lsa ham har zamonda ko'zini chirt yumib, yalab qo'yadi.

O'lgisi yo'q.

- Kuyavermang, aka. Bu sinovdan o'tolgan odamning o'zi yo'q.

- Qanaqa sinov?

- Shu dunyoda, Xudo bandani bu dunyoga uning iymonini sinash uchun yuborar ekan. Gunoh desangiz bizda ham to'lib-toshib yotibdi. Mana yorildingiz - yengil tortdingiz. Zora xudoning qahri ham qittak yumshasa...

- Haq gap aytdingiz. Ancha yengil tortdim, qarang. Bu so'zdan so'ng Ochil ham uzoq, azobi xayolga toldi.

- Sizda nima gunoh bo'lardi, yosh siz... - dedi Xolxo'ja yana tilga kirib. - Gunohga sho'ng'ish pallangiz endi kel... - u gapini bo'lib, ovozini pasaytirdi, - bu dumyodan yosh ketgan ham ma'qul ekan.

Ochil gapning oxirini eshitmadni chog'i.

- E, unday demang, aka, yoshlikning o'zi turgan-bitgani gunoh, men sizga aytasam. Bo'limasa men, takasaltang, xo'jayining oyimchasi ni ezg'ilab yuramidim!

- Qanaqa xo'jayin?

- Katta xo'jayin-da.

- Siz...

- Ha, o'shani olib yuraman. Bizning viloyatimizga kelishdan oldinroq xotini qazo qilgan ekan. Ikki yil avval yigirma yashar dirkillamasiga uylandi, jannatxon degan. To'ydan oldin ham xo'jayimi unikiga, uni xo'jayining chorborg'iga oborib-obkellib yurardim. Ketvorgan, men sizga aytasam. Odama o'g'rinch qaraydi. To'ydan keyin, ham bozorga,

atelyega oborib yurdim. Mashina chaqirmagan kuni yo'q. «Xo'jayin, aravani yuboring» deb ertalabbdan telefon qoqadi, nozanin. Bizzing xo'jayin ham ovoziga erib, «Jon» deydi-da, meni yuboradi. Bir marta men ham haddim sig'ib, xo'p bo'ladi, jon, deya hazillasib qo'yibman. Hafa bo'lish u yoqda turzin, xaxolab, quchoqlab olishiga bir bahya qoldi. Yoqdi, qurang. Men uni mashina minishga ishqiboz ekan desam, yo'q, meni ko'z ostiga olgan ekan, mochagar. Bir kuni xoli topib, kabinada chippa yopishdi. «Hoy, xo'jayindan qo'rqmaysizmi?» desam, «Xo'jayiningiz o'sin», deb battar suykaldi. Nima deysiz, endi, yigitchilik, bo'shashdik.. Bari shundan boshlandi, aka, xudo guvoh. Xotin kishi ayyor, tadbirkor bo'larkan, ikki kunning birida xoli topib keladi, kutilmagan loyda qo'lga tushiradi, kuppa-kunduzi tap tortmay ko'ksini ochadi. Xo'jayindan xavotirdaman, desam «E, qo'ying o'sha xo'jayiningizni», deb qo'l siltaydi. Men ham yo'q deyolmayman. Uch yildan beri ahvol shu. Uning noz-u ehtiroslarini ko'rsangiz, siz ham yo'q demasdingiz, aka.

Xolxo'jaga sal jon kirganday ingrab, yonboshiga ag'darildi.

- Sizning gunohingiz menikiga qaraganda holva ekan. E, gunoh emas, savob-ku bu, birodar.

- Unday demang, aka. Bizning xo'jayimni bilmay-siz. Ilgarigi xotinini rashk vajdan o'zi bo'g'ib o'ldirigan, degan mish-mishlar bor. Sezib qolsa, bormi, bunisi ham juvonmarg bo'ladi, meni bo'lsa bir kun emas bir kun «tasodifan» mashina bosib ketadiya. Zo'rniki tegrimon yurgizar ekan. Jonim qilning uchida turibdi, men sizga aytasam. Sirimni bitta sizga aytdim...

- Boshqaga... aytmaysiz ham.

- A?

- Yengil tortdingizmi axir?

- H... ha, aytdim-qo'ydim-da endi, baribir emasni. Bir boshga bir o'lim. Jon bor joyda qazo bor.

- O'lim haq. Poklanib borish kerak. Parvardi gorming oldiga... - dedi-yu, Xolxo'ja shilq etib chalqancha tushdi.

- Aka, aka! Sizga nima bo'ldi, mazangiz yo'qmi? Xolxo'ja indamadi. Turtkilab-tortqilasa ham o'lifikday yotaverdi. Ochilning o'zi ham bazo'r qo'l uzatib, qolgan quyqa suvni ichib yubordi, tunuka zangi och qorinni qirib o'tdi.

- Ak-ka... - deb, u ham tinchib qoldi. Anchadan keyin qulog'iga bo'g'iq bir gumburlash eshitilganday bo'ldi. Ko'zini ochib qarasa, hech gap yo'q, o'sha o'sha mash'um jumlik. Bari ochlikdan. Bunday holatda birovning ko'ziga bir nimalar ko'rindi. Birovning qulog'iga galati sadolar eshitiladi. Lekin Ochilning hali esi joyida. Umid bilan uzoq qulog solib yotib, ko'zi ketib qolibdi. Uyg'onganida ko'rsa, ikkalalari ham cho'zilib yotishibdi. Ochil bunga chetdan ko'rayotgan uchinchi kishiday qaradi. Vaqt o'tib, ularning o'ligni topgan odamlar mana shunday tikilishsa kerak...

Bunday o'ylar Ochilning darmonini tamomila quritadigan. Sherigini vahima bilan, hushiga keltirdi. Xolxo'ja o'ziga keldi-yu, ko'ziga Ochil bir ko'lanka bo'lib ko'rindi shekilli, ma'nosiz boqdi.

- Menga qarang, bir nima gumburladi... Siz ham eshitdingizmi? - Xolxo'ja yana indamadi, ko'zlar yumildi. U keyingi vaqtida tez-tez hushidan ketadigan odat chiqargan edi. Ochil har safar vahimaga tushadi,

jon uzilmadimi?! U ketsa xuddi Ochilni ham o'zi bilan olib ketadiganday tuyulardi...

Endi ular kamdan kam gaplashadilar, so'z qotishga majol yo'q. Buning ustiga, biri o'ziga kelsa, biri behush yotgan bo'ladı. Har zamonda zaif ingrash bilan bir-birilaridan xabar oladilar. Goho esa, ikkala si baravariga hushdan ketib, uzoq yotishadi. Qancha vaqt o'tdi, kim tirik, kim o'lik - ma'lum emas.

Xolxo'ja iliq bir to'lqinda chayqalib uyg'ondi. Ko'zini ochib qarasa, atrof yorug'; oppoq kiyimdag'i bir aylabiga qoshiq tutyapti. Yo'q, u dunyo emas, mana, og'zida sut ta'mi sezilib tamshandi. Qayerdandir, ming'ir-ming'ir gap eshitiladi. Nahot bari kechirganlari dahshatl tush bo'lsa?! Ayl qoshiqni yana tutdi, shirgurunchi, manniy kashami, ishqilib sut ta'mi, biram mazali! Yana so'raganday, yutinib tikildi ayolga.

- Shoshmang, oz-ozdan... - dedi ayol. Ovozi ham mayin.

- Ochil... - dedi negadir Xolxo'ja. Nimaga Ochil dedi bilmaydi.

- Sheringingizmi? - deb so'radi ayol, bemorring ulga kirganiga quvonib. - U kishi ham tuzuk, xavotir olmasangiz ham bo'ladı. Ancha tetik tortganidan keyin, uyidan kelib olib ketishdi.

Xolxo'ja tushundiki, bu ayl - hamshira, bu joy - shifoxona. Demak... ularni qutqazishgan, u dunyodan qaytarib olib kelishgan. Ikkinchisi so'zi - «rahmat» bo'ldi. Hamshira jiimaydi. Bemor yana ko'zini yundi. Biroq ko'p o'tmay uni boshqa ham-shira uyg'otdi.

- Orom olganiningiz yaxshi. Lekin ovqat yeyishingiz kerak, - dedi u ham qoshiq tutib.



Bu safargisi tovuq sho'rva edi. Ustidan dori ichirdilar. Taomlar bari shirin, mazali, ammo oz. Xolxo'ja har safar hamshira ortidan tamshanib qarab qoladi. U tez oyoqqa turdi. Bemor ozib, cho'p bo'lib qolgan bo'lsa ham, ruhan tetik: tirik qolganining quvonchi endi qamradi vujudini. Boshdan kechirganini o'yala, aqliga sig'maydi. Birovga gapirib bersa, valloh ishommas... Umrining bu yog'i tekkinga qolganini o'yilab, bu yerdan chiqqanida hech qanday kayf-u safoni rad etmay, tarallabedod qilib yashash rejalarini tuzardi. Bunday kayfiyat ta'sirida tezda to'lishib, ochko'zligi ham yo'olib, mo'l-mo'l, to'yib-to'yib ovqat yeydigan bo'lgach, unga javob berdilar.

Bazada ish ilgarigiday tiqilinch, yugur-yugur ko'p. Tarallabedod qayoqda deysiz, tirikchilik uni yana o'pqoniga tortib ketdi. Zilziladan keyin shahar sertashvish. Ko'rganlarimni gapirib tugatolmasman, eshitib hamma hayratda yoqasini ushlar, meni avliyoday bilib, kelib ziyorat qilishar deb o'ylagan Xolxo'jani hech kim tuzukroq gapga ham solmadi. Hozir shaharda unaqalar ko'p edi. U qayta kelgan dunyo ilgarigidan battar serg'alva bo'lib chiqdi. Xolxo'janing navbatdag'i omadidan kelgan quvonch ham asta-sekin suvga urdi. Ish orasida Ochilni eslab qoladi. Uni topib, bir chaqchaqlashishga ham vaqt yo'q. Qalay yuribdyikin?! Shofyorning «oyimcha» haqidagi gaplarini eslab, o'zicha jilmayib qo'yadi. Kunduzi eslab jilmayadi-yu, kechalari Ochilni nuqul o'sha go'rga o'xhash mudhish yerto'lada ko'radi. Bu bir alomatga o'xshar edi. O'shanday tushlardan birida bosimqirab uyg'onarkan, kallasiga kutilmagan fikr kelib urildi: axir Ochil endilikda uming mash'um sirini biladigan birdan bir odam-ku. Biror joyda

og'zidan gullab qo'ysa, nima bo'lati? O'zingga sig'gan sir o'zgaga sig'mas, deganlar. Xolxo'ja uning changaliga tushgan bir bechoradek his qildi o'zini. Shundan keyin tushida ham, o'ngida ham ko'z oldiga Ochil kelaverdi. Goho o'zini ovutib, «o'libdimi...» deydi-yu, yana mulohazaga tushadi. Bir tomondan, u chindan ham baxtsizlikda topishgan qadrdoni, ikkinchi tomondan... istagan vaqtida tutib berishi mumkin bo'lgan, begona sirdosh. Nega begona? Uni topish, gaplashish kerak, ahvoli, kayfiyat qalay... Axir hali bemalol gurunglashgani yo'q, uyini ham ko'rmagan. Ochig'i - tuzukroq tanish ham emas u bilan...

Bu so'nngi fikr Xolxo'jani yana notinch qildi. Kim biladi, balki og'zi bo'sh bir maqtanchoq mahmadonadir? Sirming og'zi enlik, el qulog'iga ellik, deganlar. Yerto'lada o'lish yo qolishdan bo'lak gap o'tgani yo'q oralalarida. Bo'rini yo'qlasang, qulog'i korinarkan. Og'ir xayollardan qiynalib o'tirganida, bir kuni Ochil o'zi yo'qlab keldi. Xolxo'ja uni zo'rg'a tanidi. Yerto'lada xonaki pijama ustidan kiyilgan isqirt paxtalikda ko'rgan edi-da. Hozir bo'lsa, egnida jigarrang charm kurtka, moy'lov yiltillatib taralgan, quyuq qora sochi peshonasini bosib tushgan, og'zi qulog'ida edi, naynrovning. Hukumat mashinasidan tushib, quloch yozdi, arzon atirni anqitib, qiyomatlidostday ko'rishdi. Xolxo'ja ham ko'ngildagi xavotir, shubha, vahimali o'ylarni darrov umutib, bir umrlik qadrdonday quchoqlashdi. Kulishish, eslashishdan keyin Xolxo'ja oldingi oynasi maymun, shayton, habashvachcha qiyofasidagi anvoysi tumorlar bilan bezatilgan mashinani imlab ko'rsatdi:

- Xo'jayinnikmi?

- Ha, sizniki... yuribdimi g'izillab? Bo'lmasa ko'rib beraman.

- Yo'q, tuzuk hozircha, - dedi Xolxo'ja. Shundan keyin popugi pasayib, kulmay qo'ydi. Mashinani eslashi bejizmasmikin? Ochil, yo'l-yo'lakay to'xtadim, deb shoshib turardi. Gapning bu yog'i ancha sovudi. Ko'ngillariga bir g'uluv keldimi, shuncha sarguzashtni boshidan kechirgan odamlar gaplashgani gap topolmaganday, kutilmaganda suhbatni muxtasar qilishdi.

- Ko'rishaylik axir, telefoningiz bormi?

Xolxo'ja bazaning telefon nomerini berdi, «U-bu kerak emasmi?» «Mashinaning kamchiliqi bo'lsa, aytинг», deya bir-birlariga manzirat qilgan bo'lishdi,

- Ko'rishaylik.

- Albatta.

Juda quyuq xayrashgan bo'salar ham, asosiy

mavzu chetlatib o'tilganligi, orada xattarli bir chigal

qolganligini ikkalalari ham sezishdi. Ayniqsa,

Xolxo'janing ko'ngliga bu uchrashuv battar g'uluv

soldi, unda ilon-chayonday shubhalar yana g'imirlab

oldi... Iljayishini qara. Hayosizga har kuni hayit.

Ul'fati - bezori shofyorlar, piyozning po'sti ko'p,

yomonning - do'sti. Kayfa gullab qo'yishi hech

gapmas. Otni tepmaydi dema, itni qopmaydi dema.

Chiliasi chiroq ko'rmanagan bu beg'am aravakashda

sir yotishi mahol. Uning mash'um soyasi endi

Xolxo'jani oy-xayollarida ham, tushlarida ham

ta'qib qilaveradilar. Bu yengiltak bir joyda gullab

qo'ysa - tamom... Uy-joy, mashinasi, chorborg'i, baza-

si - bular bari qora go'rga. Haydarovning o'mniga

bororib tiqishlari ham hech gapmas. Qamoqda

chiriydi. Turma desa sochingin tomirigacha muzlab,

hadiksirab yurgan Xolxo'jaga bu - o'llimdan battar, undan ko'ra, o'sha yerto'lada ko'milib ketgani ma'qul edi. Yo'q, u o'llimning og'zidan qaytib keldi, hayoti qayta boshlandi, yana sho'ng'ishta to'g'ri keladi gunohlarg'a, jinoyatlarga. Yashash o'zi shunaqa... bir dard ekan. Odam asli mana shundan o'ladi... Birovning qaramog'ida yashash peshanamda bor ekan, deb nolir edi. Endi bo'lsa uni xuddi Azroil quvlab yurganday, o'zini qo'yarga joy topolmay qoldi, asabları, qaqshagan, uyqusida halovat yo'q. Bazadagi ola-g'ovur janjallli mashmashalar ham uni chalg'itoalmadi. Har zamonda qorong'i burchakda o'tirib, ikki qo'li bilan peshanasini siqar, kechalari tamini sharros ter bosib uyg'onib ketar, cho'michlab sovuq suv ichar edi. Uhing mudhish siri qora jinoyati yuribdi, odamlar orasida.

Tasodifan... yo'q, uning ochilmay qolishi tasodif bo'lardi. Endi omadga ishonish qiyin. Ozodlikka chiqqan u sir sovun ko'pigiday yer ustida omonat uchib yurarkan, Xolxo'jaga kun yo'q. Xurmachadan chiqqan bu jinni Xolning o'zidan bo'lak hech kim dat qilolmaydi. Qismat o'z qo'lida. Shunday xayollarga bordi-yu, nima demoqchi, nima qilmoqchi - o'zi bilmaydi. Doimiy xavfsirash, mash'um g'uluv, asabiylik xayollarining tiniqishiga yo'l qo'ymayapti. Aslida uni o'z xo'jayinin qo'li bilan daf qilsa ham bo'lardiku-ya. Borib chaqsa, ya'ni shofyorining undoq-mundoq... O'lguday rashkchi berahm degan ed... Lekin bunday qasdma-qasdiga ketsa, u ham jim turmaydi, Xolxo'janing jinoyati og'irroq, yutqazadi. So'ngra, o'z xotimini epolmagan u hez «xo'jayin»ning bir narsa qila olishiga ishonib bo'ladimi? Yo, aksincha... u bilan oradan qil o'tmaydigan do'st tutish

ham mumkin. Yaqin olib, o'zini aka, echkisini tak deb.. Lekin qachongacha? Oqboshdan o'tin bo'imas, o'ymashdan xotin, deganday, bir kun emas bir kun baribir... Bir umr ko'z o'ngida balo-yu qazo, hadik bilan yashagan odam og'rimay o'lar ekan. Pesning chektiga moxov tushsa, shunday bo'ladi. Kunlardan bir kun Ochil o'zi telefonga chaqirib qoldi.

- Yo'q bo'lib ketdingiz-ku! - dedi u. Ovozi baland, kayfi chog' edi. - Yuraverasizmi bazangizza, kalamushday ivirsib? Ertaga dam olish kuni dovonga chiqaylik. O'sha yerdagi restoranda oshnam bor, qimiz topib beradi. Okey? Bir ishrat qilaylik, onasini... bu yog'i tekkinga qolgan-ku!

Xolxo'ja bu kayfiyatga moslashmay, «bo'pti», deb qo'yaqoldi. Uning uchun dovonda, dam olish kuni degandan boshqa gaplar ma'nosiz edi, qulog'iga kirmadi. Dovonda... o'zi chaqirib qolgani chakki bo'imadi, hali omad Xolni tark etmaydiganga o'xshaydi. Hali rejasি yo'q, ammo Ochilining hovliqma tovushi qulog'ida yangrar edi. Shang'llamay o'l, tirik qolishimni bilsam, men ahmoq, seni o'llidan qutqararmidim? Bu yurishing uchun mendan qarzdorsan. Qarzni olish ham, berish ham... gunoh emas. Ko'cha xandon, xona giryon bo'lib qoldi, Xolxo'ja. Kechasi uyqusi qochib, miyasi qizib ketadi. To'xta-chi, kalamushday ivirsib, dedimi? Haziling yoqangdan olgur. Nimaga «kalamush?» U o'midan turib o'tirdi. G'uvullagan boshini kaftlari orasiga oldi. To'xta, Xol, hovliqma. Shoshgan ishga shayton oralaydi. Kalamush... o'z og'zidan chiqdi. Buni Xolxo'ja o'ylab topgani yo'q. Uning o'mida bo'lsa, har qanday kishi... Xolxo'ja qilmoqchi bo'lgan ishidan ham ko'ra o'zini oqlashni o'ylar, tasallı

qidirar edi. Ochil ham jim turmas, axir. Bostirib bormasang – bosilib ketasan. Shosha-pisha kiyinib, boradigan joyini hali o'zi ham bilmay, trashqariga chiqdi. Tong qorong'usi, olashovur yong'ir yog'ar edi. Ishxonasi tomon yurdi. Odatdagи yo'lli, lekin hozir – bemahalda uni bir qutqu yetakkab borar edi. Bazaning darvozasini ochib, oziq-ovqat saqlanadigan yerto'laga tushdi. Tun bo'yи dimlangan achimsiq va xush islar, omixta, unga tanish muhit... Ammo u kiriboq kursiga o'tirdi, sekin yurib kelgan bo'lsa ham nafasi tez edi. Nima qilyapti o'zi?.. «Ha, olmoqning bermog'i bor, yemoqning – quasmog'i...»

Baribir, og'riq tishning davosi – ombur». Yana bir nimalarni shivirladi-yu, turib zax burchakka bordi. Bu yerda kalamushlarni yo'qotish uchun saqlab qo'yilgan kuchalam, marginushmi bor edi. Shisha bankada, og'zi mahkam bog'liq kichkina sellofan xaltachalar, har birida bir chimdim bir chimididan kumushrang kukun... Xolxo'ja karaxt bir holatda, titroq qo'li bilan birini oldida, qorong'ida atrofga o'grinchha alanglab qo'yib, cho'ntagiga tiqdi... Dovon manzarasi so'lim... Atrofini qurshagan qorli tog'lar durbindagiday yaqin ko'rindi, yonbag'irlarda o'sgan yakkan-dukkmam archalarini bir-bir sanasa bo'ladi. Osmon dengizzday tiniq, zangori rangda, havo siyrak, nafas yengil. Tansiqboyev mashhur suratlarini shu yerda o'tirib chizgan bo'lsamikin... Restoran uchun joy tanlagan odamga ham qoyil qolish kerak. Ana, Ochil undan o'z uyidan chiqqanday tijayib chiqib keldi. Go'yo u bilan birga chiqib kelganday, taom hidi aralash xushbo'y tutun chulg'andi. So'rilardan nariда o'choq doshqozonlar. Qorada ko'mir bilan saksovul qot

olgan edi. Ko'rishishgach, Ochil mehmonni restoran ichkarisidagi xosxonalaridan biriga boshladi.

- Aytip qo'yay, ichmaymiz, ruldaman, - dedi Xolxo'ja.

- Ha, afsus... Ichsak, o'zimnikidan olib kelardim-u...

- Qo'ying, quyqa chag'iringizni ko'rgani ko'zim yo'q, shunday shirin havo turib... qarang, kayf qilyapti! Ana, kaboblar ham yurishibdi, - dedi Xolxo'ja yonbag'irlarda oq bulutday silijotgan qoy podalariga ko'z tashlab.

- Ha, asli tandir kabobga urinish kerak ekan-u... Ana, archa ham ko'p... Lekin jigar qovuradigan bo'ldik, tansiqroq, qarshi emasmisiz? Qimiz bilan dodlab ko'rishadi.

- Nimasini aytasiz! Dasturxon tuzaldi. Ochilning tanishi ikki grafinda qimiz, kosalar keltirib qo'ydi. Derazadan tog' manzarasi ko'rini turar, ilhombaxsh joy edi... «Omon qolganimizgal» dedi Ochil kosalarga qimiz ko'pitrib quyarkan. Ikki kosa ichishgandan keyin jigar kabobning hidи ishtahalarmi qitiqlay boshladi.

- Qimiz yaxshi pishibi, - dedi Xolxo'ja, - kelgusi safar bizning chorborg'da o'tirishamiz. Manzarasi bundan qolishmaydi. U domlaring nima bo'ldi?

- Avariyni bo'lib yotibdi. Buzib tashlaydi shekilli. Bizlarga yaxshi joy bergen, ko'rsatman, endi qiyomatlimiz-ku. Oling.

Yer tagida yotgan kunlarini negadir xotirlashmadı. «Yodgingizdam», «Esingizdadir...» qilib bir ikki boshlashdi-yu, qimizning kayfi me'yorida edi shekili, uncha «ichkari»ga kirishmadi. Gunoh-u tavba-tazarrularga «yaqinlashganları» ham yo'q. Ikkalasi ham, qayoqdagi gaplardan nari o'tishmadi. Kabob

kelganida esa, qimizbop xamir ovqatlar, ziraning hidli-hidsiz turlari, saksovulning nega tutunsiz yoni-shi singari ahamiyatsiz mavzularagi quralash gap u yoqdan kirib bu yoqdan chiqib turdi. Grafinlar yana to'idirib kelindi, sovigan sixlar yangilandi. Bir vaqt, yangi kabob dastasi kelganda Ochil shartta o'rnidan turib, deraza tomonga baqjirdi:

- Hoy, xom-ku, bu! - dedi so'kinib. Keyin kabob sixlarini dastasi bilan ko'tarib chiqib ketdi. Xolxo'ja «kayfi oshibdi» degan o'y bilan jilmayib, orqasidan qarab qoldi. Xuddi shu payt Ochilning lim to'la kosasiga ko'zi tushib, badani jimirlab ketdi.

... Borgan sari xavfli bo'ladi bu - ilon yuz yil yashasa ajdaho bo'larkan... Hozir chiqib ketganini o'zining navbatdag'i omadi deb bilgan Xolxo'ja bo'shashdi-da, tashqaridagi mashmashaga bir zum quloiq tutgach, sellofan tugunchadagini qimizga atalab tashladi. Saqlansang saqlanasan, saqlanmasang o'tga qoqlanasan... Ochil ancha hayallab, keyin isqirt xalatl kabobpaz bilan birga kerilib kirib keldi. Choy-nun, shakarob, qimiz, boshqa ne'matlar sochilib yot-gan dasturxonga xushbo'y taratib issiq kabob keldi.

- Mana bu boshqa gap! - dedi Ochil qaynoq jigardan olib. Kabobpaz bo'sh sixlarni yig'ishtirib chiqib ketganidan keyin, Xolxo'jaga ko'zi tushdi. - Ha? Rangingiz o'chgan? Havo elitgan sizni, havosi zo'r-dal! Qarshi oling, chorasi shu. Oldidagi qimizni dast ko'tarib, og'zini artdi-yu ovqatga urdi o'zini. - Bu yerning havosiga o'rganish kerak. Balandlik-da. Havo siyrak. Lekin foydali.

- Yo'q... manga bo'imadi, - dedi Xolxo'ja, - maza qochyapti. Uning oqargan rangiga qarab, Ochil ishondi. Chindan ham yoqmadni bu xunasaga, jo'nasa

tezroq jo'natib qo'yaqolish kerak, quyosh ham og'di. Ular turdilar. Ochil mehmonni mashinagacha kuzatib chiqdi.

- Ehtiyyot bo'lling, yo'l qiya. Yana uchrashamiz, xudo xohlasa.

- Rahmat, yaxshi o'tirdik, - dedi Xolxo'ja, eshikni ochib. «Eindi Azroil bilan uchrashasan», dedi ichida. Tezroq jo'nab qolish kerak edi, gaz berdi. Salim so'poqning tortig'i zo'r chiqdi, necha vaqtidan beri pand bermay, g'izzillatib yuribdi, mana. Cho', jonivor! Bekordan bekorga vujudi muzlab, qo'lli qaltrab ketayotgan Xolxo'ja bu dovonni tezroq unutishga, o'ziga dalda berishga urinar edi. Cho', jonivor! «Gaz-24» birpasma archali qoyaga yetib keldi, bu yog'iga yo'l keskin pastlab ketar edi. Uning qo'llari hamon qaltraydi. Miyasida ham xuddi qovog'ari g'ujig'on o'yinaydi... Qiziq... qanchada ta'sir qilarkin? Keyinroq... Kalamushni kuchala yegan joyidan ancha nariga borib tirisib qolganimi o'z ko'zi bilan ko'rgan. Xolxo'ja ikki barmog'i bilan peshanasini siqb, boshini siltab tashladi: shularni o'ylamaslikning iloji yo'qmikin? Iloji... Iloji... bu... bu qanaqasi?! Tormoz bo'shab qoptimi?! Tormozning pedali xuddi singan qo'lday shilq-shilq borib-kelar, ushlamas edi. Bunnimasi, haligina... Mashina qiyalikdan g'izillab ketib borardi. Tezlik 160 ga yetdi. Xolxo'jaming qaltriq'i ham tindi, butun es-hushi, asablari, vujudi bir tugunga tugilganday, o'y-xayoli - omon qolish! Chapda tikka qoyatosh, o'ng yoq - jarlik. Ro'paradan tepaga chiqib kelayotgan mashinalarning biri «hurkib» o'zini chetga olar, ba'zilari qo'rqqanidan faralarini yozib, uzun signal berib qolishar edi. Tezlik ko'rsatkichi qizil chiziqdandan o'tdi. Xolxo'ja ko'zini yo'ldan olishga

qo'rkar edi. Bu ketishda qayerga borib uriladi... urilish... yo'q, portlab kul bo'ladi. Ajabo, bu holatda miyasi ham xuddi uchib ketayotgan mashinaday ishlab turibdi. Xayoliga bir fikr keldi: bu ablak Ochiuning ishi! Dovonga atay chaqirishi ham bejiz emas. Hali bahona topib tashqariga chiqib ketganida... ancha ya... Ha, iflos. To'xtab tur, o'zing ham uzoqqa bormay, tarashaday qotasan!

Mashina nishabga qarab o'qday uchib borar, Xolxo'ja endi taqdirda tan berib, o'zini yo'qota boshlagan edi. Shalabbo ter bosdi, bo'shashdi, nima qilishini bilmaydi. Ochil gazanda o'xshash tajribali shofyor bo'lganida-ku, bir chorasini to-pardi. Qo'llidan darmon ketdi. Ro'paradan yana mashinalar chiqib kelyapti. Yonidan lip-lip o'ttishadi. Shofyorlar vahimada nimalarnidir baqirib qolishadi. Biri mashinasini orqaga qaytardi, shekilli. Xolxo'ja ko'zguda unga qarayman deb, yo'ldagi chog'roqning toshni ko'rmay qoldi. Tosh yelib kelayotgan mashinaning orqa g'ildiragini jindak ko'tarishi bilan... kabina shiftiga boshi bilan urilgan Xolxo'janning zehnida mashinaning charxpalak bo'lib jarga uchgani chaqnadi-yu, so'ndi. Shundan keyin uchish ham, taraq-turuq urilishlar ham yo'q, hamma narsa shunday seklinadiki... Xolxo'janning o'zi ham havoda soyaday asta suzib borib, tubsiz qorong'ilikda go'yo erib, g'oyib bo'idi. U hushiga kelishi bilan aqli tiniqib, hamma voqealar birda-niga ko'z o'ngidan o'tdi: dovon, Ochil, tormoz, uchib ketayotgan mashinaning charxpalak bo'lib jarga ag'darilishi... Ammo ko'zini ochsa - zim-zoyo. Tun, qoq yarim tun... Yo tun emas, ko'zdan qoldimi?

Unday desa, ko'zi emas, qaytaga boshi... Bosh qulog'i aralash butunlay chirmab tashlangan, yod hidi anqib turibdi. Xolxo'ja kasalxonada yotganini bu gal darhol tushundi. Demak, yana tirik. Lekin oyoq-qo'lini qimirlatishga tashlagan bo'lsa-ya. Barmoqlarini asta qimirlatib ko'rdi, ammo oyoq... Bosh ko'tarib qarashga yurak betlamadi.

Eshik g'iyq etib, xonaga qiya shu'lа tushdi. Hamshira kirib, derazzaning og'ir pardalarini surib

qo'ydi.

- Ha, qahramon! - dedi u. Ovozi yoqimtoy ekan.

- Qachon.. olib kelishdi?

- O'tgan kuni. - Kampir ko'rpa-yostiqni chaqqon-chaqqon tuzatib, uyoq-buyoqni yig'ishtirarkan, o'z bolasiga gapirayotganday yalinardi: - Endi ketib qolmagin, bolam. Mana joying yaxshi, qo'shnilaring beozor, Kecha ikki marta hushingga kelding-u, odam tanimasdan yana... Mana, hozir ovqatlantiraman, dori beraman. Katta do'xtir keladi. Mana bu matolaringga boshqatdan bog'laydi. Bilaman, og'riydi, bir baqirasan, ikki baqirasan, keyin tuzalib ketasan-da, bolam. Ko'p ko'rgammiz, bizga ham oson tutma, bari mana shu ichklik tushmagurning kasofatidan... Xudoyim-ey, yosh-yosh bolalar...

Kampir mehribon-u, juda ezma ekan. Uning gapiga qaraganda, Xolxo'janing qonidan ham alkogol asari topilibdi, shundan keyin, albatta, mashinasini tekshirishmagan ham. Xolxo'ja kampirning bu xabarini eshitgandan keyin, boshqa javrashlariga qulq solmay qo'ydi. Obbo, Ochil maraz-ey, shu joyda ham Xolxo'jadan ayorroq chiqdi: maydaychuydagacha hisobga olibdi. Lekin qora niyati bilan

ketti - undan nari. Itning tilagi qabul bo'lganda osmondan suyak yog'ardi. It! Yotdan yorug'lik, it-dan - chorug'lik chiqmas. Seni o'llindan qutqazgan kim edi, it! Ko'r bo'l - noshukr bo'lma!

Xolxo'ja sog'ayib chiqib ketishga astoydil qasd qildi. Endi Ochil yo'q (uning ko'p o'tmay kalamush-day tirishib qotganiga amin), jin ko'zachaga qayta qamaldi. Shuning uchun u og'riqlarga tishini tishga bosib chidash berdi. Tushlarida o'zini qiyalab uchib ketayotgan mashinada ko'rib, baqirib uyg'onar, yarasini bexos urib olib, uzoq siqtanar, azobi muolajlardan keyin orom topib uzoq uخار, kechaları taxtakachga tortib osib qo'yilgan oyog'iga qarab xayol surardi: mana, endi yashaydi ul Shu vaqtgacha o'tgan betayin umr umrm? Endi uni ta'qib qilib, orqasidan yuradigan o'llim ko'lankasi yo'q, ichidagi sir ichida, uni sirtga chiqaradigan ahmoq Xolxo'ja o'ldi. Avariyyada o'ldi. Yerto'lada ko'milib ketdi. Bu yotgan butunlay boshqa, dorilbaqoning ostomasidan ikki marta qaytib, es-hushini yig'ib olgan odam bu, ha. Bunday kayfiyat uning tezroq tuzalib ketishiga yordam berdi, albatta. Ikki hafta deganda unga qo'itiqtayaoq berdilar. Hamshira kampirning «qahramon-qahramon» deb erkakashlari ham daldabotilib, hakkalagancha yo'lakka, hatto hovliga ham chiqadigan bo'ldi. Kasalkona katta. Daraxtzor hovlimi qurshab olgan korpuslarning har biri o'z nomi bilan: Xolxo'ja yotgan joy ortopediya bo'limi deb ataladi, ro'parada - kardiologiya, o'ngda - nevrologiya, hov narigi sarg'ish korpus - toksikologiya bo'limi. Asfalt yo'kalarning ikki yonida gulzorlar, yashil o'rindiqlar, qisqasi, bemorlar uchun so'lum sayrgoh.

Bugun Xolxo'ja shu yo'kkalardan birida qo'tiqta-yoq bilan yurishni mashq qilib ketayotsa, za'faron-day sarg'ish o'sha korpus tomondan bukchayganroq, rangi zahil bir odam yaqinlashib kelaverdi. Orada yetti-sakkiz qadam qolganda dovulga duch kelganday sekinladi, surrang pijama yengini ko'ziga soyabon qildi; Xolxo'ja ham to'xtab, tayog'iga suyanib qoldi. Bir xil bemorlik jomasi kiygan bu ikki kishi, ikki shumshuk – it-mushuk, bu dunyoda bir-birlarini ko'rmaslik uchun qolgan umrlarini berishga tayyor edilar. Oldinga bir qadam qo'ymay, tikilib qolishdi. Uzoq, juda uzoq tikilishdi. «Yo rab, sen ham qaytdingmi, sen ham tirikmisan?» degan xitob bor edi ikkalasining ham ko'zlarida. «Bo'imsa, yerto'ladagi gapni ovoza qilishni endi ko'ri!» der edi ikkalasi ham ichida. Va hamon tikilishar edi.

Ha, u ham tirik, bu ham tirik. Endi, to oxiratgacha ular bir-birlarini ta'qib qiladilar. Yana oldinda umr, yana hayot, yana gunoh, yana jinoyatlar... Azobli yo'lni baribir bosib o'tish kerak. Fanoda ham, Baqoda ham. Xudovand bir insonga ikki dunyon berib qo'yibdi. Ammo iymonni boy berganga ikkalasi ham harom ekan...

### CHODIRXAYOL

**B**u yerda hamisha shovullab tuproq to'kilib turadi. Tepalik o'yilgan joyda tikka devordan, belkulrag-u ketmondon, sho'r bosgan yelkalardan, cho'kich zarbidan, kajava zambillardan shiti lab to'kilardi. Bu shovullash o'n besh-yigirma yil naridan kelayotgандay, bo'g'iq, doim bir maromda allalab eshitiladi.

Tepalik o'yilib, qo'raday katta kovak hosil bo'lgan, ichi nimqorong'i, hurmat taxtasingin tepasida yonib turgan ikkitagina lampochka bilan sal yorishib turibdi. Bu yerde ish tabiatning injiqqliklariga qaramay, qor-u qirov, sel-u jalada ham, sovuqda ham, issiqa ham timmay davom etadi, tuproq to'kiladigan jargacha so'qma yo'l yaxshi shibbalangan, o'sha yerdan tepalikning qo'jiroq shumg'ya-yu shilvi, bujg'un cho'kirtaklari chirmashib yotgan sirti bema-lol ko'rinadi.

Ishlayotganlarning bri eng ichkarida, orqa devordan tuproqni metin bilan o'yib berib turibdi. U o'rta bo'yli, qorachadan kelgan baquvvat odam, har zarbidan rosa yarim zambil tuproq to'kiladi, ko'zlarini qorraligidan g'ira-shirada ham yitillab ko'rinadi. Ikkinchisi tuproqni bel bilan zambil kajavasiga tashlab turibdi. Yorug'lik orqadan tushgan uchun, miyonagina tiqmachoq gavdasi chodirxayolning qo'g'irchoq soyasidek lipillab ko'rinadi, yaqiniga borgan odam qoracho'g'larida ishga astoydil ixlosning o'tini payqaydi.

Ular o'zi yetti kishi, ikkitasi, ya'ni uchinchi va to'rtinchisi zambilda. Bular aka-uka bo'lsa kerakni, bir-biriga juda o'xshash: qorachadan kelgan yuzlari ham, pishiql-puxta jussalari ham quyib-qo'yganday. Bir-birlarini ko'z qarashlaridan tushunishadi. Qora-cho'g' yilt etdimi – «ko'tar!» degani, bilinar-bilinmas im qoqdimi – «ag'dar!» degani. Tuproq to'kiladigan joyga mokiday qatnab, so'qma yo'lni shular shibbalagan. Beshinchisi yorug'roqda, kiraverishdagisi yozuv stoli yonida... ha, darvoqe. to'xtangchi, yaxshisi bunisini oltinchi deyaylik. Chunki u... Beshinchisi esa ketmonda. U boshqalardan shu



bilan ham ajralib turadi, o'yilgan g'orning yerrini qirib tekislaydi, tuproqdan, dumalagan tosh-u kesaklardan tozalaydi. O'zi keksaroq bo'lsa ham, hali baquvvat, girdig'um gavdasiga chog' ketmon obdan yarashib turidi. Endi oltinchisiga kelaylik.

U, aytganimizday, eski yozuv stoli yonida (stol ustida chang-g'ubor qo'ngan telefon apparati ham bor) taxtaday koyib turadi. Ko'zi qandayligi ma'lum emas, chunki u ko'zoynak taqadi. Qoracha yuzida odamga lop etib ko'rinaligan narsa shu ko'zoynak. Lekin u boshqalardan bu bilangina farq qilmaydi. Farqi yana shundaki, avalo, hali aytganimizday, stol yonida qotib turadi, shunga bog'lab qo'yilganday.

So'ngra ishlamaydi. Bir zamонлар, yoshligidа, mana bu «Hurmat taxtasi»ni tashkl etib, uni hamma ko'zlarining suratlari bilan, g'orning peshtoqini esa, shior bilan bezab qo'ygan. Endilikda shularning ta'sirini kuzatib, qimir etmas miyasini ishlatib turidi.

Yettinchi kishi, qo'lida ketmoni bilan, keyinroq yetib keldi. Uning bo'yи past ham emas, baland ham emas. O'zi ketmon bilan quchoqlashib tug'ilganda yumaloq. Tepalikning orqa tomonidan chiqib kelib, pastga yurnalab tushganday birdan paydo bo'ldi.

— Ha, shu yerni kovlash kerak ekanmi? — deb so'radi kelasolib. — Nega kovlash kerak ekan?

— Hokim To'rayevich aytganalr! — dedi Ikkinchи.

— Ha unday bo'lsa... — deb kaftiga tufladi-da, barini beliga qistirib, ishga tushdi. Endi unga shu yerni kovlash kerak ekanligi ham, nega kovlash kerakligi ham ayon edi. Oftobda qoraygan peshonasiga sharros ter qalqidi.

Lekin unda yana savol tug'iidi. U boshqalardan mana shu o'rinsiz savollari bilan ajralib turardi.

— Ana u kishi nimaga ishlamayapti? — dedi u yozuv stoli yonida taxtaday qotib turgan Oltinchiga ishora qilib. Uning bu qadar sersavolligiga ham hayron bo'llib, ham g'ashi kelib turgan Birinchи ishdan bosh ko'tarmay to'ng'illadi:

— Tepadagi shiorni o'qimadingmi?

— O'qish kerakmi? — deb so'radi Yettinchi.


— Yana savol beradi-ya. Muncha savoli ko'p ekan? Keyin shiorni o'qidi: «Qo'shimcha majburiyatni muddatidan oldin bajaramiz!» Uning ovozini eshitgach, qizil alvondagi bezaklar birdan jonlanib ketgandan, hamma anqayib tepaga qaradi.

— U ana shuni g'oyaviy jihatdan ta'minlaydi. Aftidan, Birinchи ko'p narsani bilar, shiorni ham o'qigan ekan shekilli-yu, kamtar ekan-da. Tarbiya bor, kichkina odamlar bor. Kichkina, kamtar odam Hadeb savol ham beraverma, dedi o'ziga o'zi Yet-

tinchi.

Shu bilan gap-so'z tinib qoldi, astoydil mehnat qilishga shart-sharoit tug'ildi. Tuproq shovullaydi. Bettim, bir maromda, hamma yerda tuproq shovullaydi. Telefonli stol yonida turgan Oltinchining xayoliga «Mehnat poeziyas!» degan tanish so'z birikmasi keladi, qoracha yuzlari yorishadi. Shunday jumlakda g'ayritabiyl bir shitirish eshitiladi. Ikki marta eshitildi. Savol beraverish naqadar noqulay bo'lsa ham, Yettinchi o'zini tiyolmadi:

— Bu, deyman, juda ichkariga o'yib kirib ketdik-ku, tepamiz o'pirilib bosib qolmasmikin?



- Bosmaydi. Bosmaydi deyishgan, - dedi Uchinchi bilan To'rtinch barobariga bo'sh zambilni yerga qo'yib.

- Ha unday bo'lsa... - deya, xotirjam bo'lib kajavaga tuproq tashlay boshladi Yettinchi. Tepalikning bosib qolmasligiga endi ishonchi komiledi, qoracha manglayidan mehnat terini sidirib tashladi. Lekin birpasdan keyin haligi shitirlash yana eshitildi. Ilhombaxsh mehnat jarayonida bunga kim ham e'tibor berardi. Xiyol o'tib, kiraverishda tepadan top etib ikkita kesak tushdi. Kesaklar ushalib, sochilib ketdi. Top etgan tovushga qayrilib qarashgan ham ediki xuddi o'sha joyda tepadan gup etib lo'mbazzay tuproq o'pirilib tushdi. Chang to'zg'ib, tashqari ko'rinnay qoldi, yana allanimalar gursiladi. Zimistonday qorong'ida changdan nafasi qaytgan odamlar jon holatda aval uyoq-buyoqqa yugurishib, keyin gursillash-u shovullashlardan quloqlari ham bitgach, bir-birlaridan najot istagan-day qo'l ushlashib o'rtaliqda guj bo'lib qoldilar. Dahshatl gursa-gurslar tinganda ham, qulqolariga ishommay, bir-birlarini qo'yib yuborishdan qo'rqqandek, tirik jon taftidan umid uzolmasdan shu holatda uzoq turib qoldilar. Hech narsa eshitilmas, hech narsa ko'rinnas, u dunyodami - bu dunyodami ekanliklarini bilolmaganday garangsib, qimir etgani jur'at topolmay turaverdilar. Anchadan keyingina quyuoq to'zon asta bosilib, aval yon devorda «Hurmat taxtasi» tepasidagi ikki chiroq xiragina bo'lib ko'rindi. Odamlar o'z nafaslarini eshitib, bir-birlarining changga belangan aft-angorlarini ko'rdilar. Hammaga go'yo qaytadan jon kirdi, tirik ekanliklariga quvondilar, ko'zları ham asta-sekin

qorong'iga o'rganib, o'rab olgan qora devorlarni ilg'ay boshladilar. Chor atrof kur-u gumgurs edi. Yugura borib devorlarni bir-bir ushlab, itarib, tepib ko'rdilar. Ilgari ochiq turgan tomon ham butunlay bosib qolgan, ular tiriklay ko'milgan edilar.

- E... endi... nima qilamiz? - dedi Yettinchi. Bu cheksiz jumlidka qora devorlardan titroq aks sado bergen birinchi jur'atl tovush edi. U ham bo'lsa - savol. Shu holatda ham savol beradi. Yettinchi o'zi biron jo'yali filr taklif qilolmaydi-yu, savol tashlagani tashlagan. Ammo shu birinchi sado hammani hushiga keltirdi. Qimirlab qoldilar, kimdir ust-boshini qoqdi. Kimdir sal o'ziga kelib, zambilg'altakka o'tirdi, yana kimdir og'zidagi loyni tuflab tashladi...

- Nima qillardik.. Hech kim topshiriqni bekor qilgani yo'q, har qanday ob-havo.. toes har qanday sharoitda...

- O'zi qaysi tomonni qaziyotuvdik? - dedi bu vahimali zim-ziyoda boshi aylanib qolgan Ikkinchchi.

- Mana bu tomonni... - Beshinchchi qoqla-surila orqa devor tomonga yurdi. - Mana bu yoq ochiq edi. Mana bu «Hurmat taxtasi» - yon devor, demakki... - U gapidan to'xtab qoldi.

«Hurmat taxtasi» yonida Oltinchchi ishg'a tushgan edi. U «Hurmat taxtasi»ni maxsus latta bilan artib unga Yettinching ham suratini osib ulguribdi. O'zi taxtada hamma bor, faqat bitta joy bo'sh qolgan edi. Endi qarabsizki, taxta ochilib ketibdi, xuddi shundan siqilib turgan ekanmi... Chiroyl! Chiroqlar ham uning tepasida. G'orni yoritib turgan chiroqlarmi, ilg'orlarmi - Oltinchining yuzida mana shu zavqli va hayratomuz xittob porlar edi. U ommaning kayfiyatni ajoyib tezkorlik bilan payqaydi. Tuproq tagida

qolgan shiorni ham yangittidan yozib osishi kerak. Stol tortmasidan tish poroshogini olib, ishga tushdi.

– Tuproq tashiydigan yo'l bekilib qolibki-u... – deb barobar gap boshlashdi Oltinchi va To'rtinchil. Lekin Oltinchi ishni g'oyaviy jihatdan ta'minlash uchun jon chekayotgan og'ir sharoitda ortiqcha obyektiv vajh-u karsonga jum quloq solardi. Aka-ukalar tarbiya ko'rgan odamlarga xos odob bilan, jim bo'lishdi. Ammo savolning boshingdan qolgur Yettingching isyonkorligini tiyib bo'ladimi! U savol bersa bo'lgani, kimga savol beryapti – o'zigami, birovgami, javob oladimi – yo'qmi, bu bilan ishi yo'q, ichini bo'shatib oлади shekilli-da. Yana so'radi:

– Axir, aval bu qora go'rдан qanday chiqib qutulishni o'yalamaymizmi?

– Buni o'ylaydiganlar bor, akasi, – dedi barini beliga qistirib, ketmonni qo'lliga olgan Besinchi. Hozir uning ishi ko'p – hamma joyda shiftdan tushgan kesaklar sochilib yotibdi. – Tepada sendan katta odamlar o'tirishibdi. O'yashadi.

– Sizning gapingiz ham gap, – dedi Yettingchi, – biz kichkina odamlarmiz. Endi hamma o'z ishiga kirishgan edi hamki, stoldagi telefon chang-g'uborni to'zgitib, jiringlab qoldi. Yaqinroqda turgan Oltinchi trubkani oldi.

– Ahvol qalay? – degan ovoz eshitildi.

– Ahvol yomon emas...

Trubkadan kelayotgan ovoz, shubhasiz, Hokim To'rayevichniki edi. Hamma jim bo'ldi. Biroq telefon simlari shikast yegan ekanmi, qancha nafas yutib qulq solishmasin, baribir uyog'ini yaxshi eshitisholmadi. Lekin Oltinchi topshiriqni yaxshi uqqa edi, ommaga yetkazdi.

– Hokim To'rayevich, avalo, qora ko'zlarga mening salomimni yetkazing, dedilar.

– Ana, aytmadimmi, o'ylaydigan kattalarimiz bor, akasi, – dedi Besinchi kipriklarini qolqopi bilan artib.

– Ha, o'ylashyapti, – davom etdi Oltinchi. – G'ordagilarni qutqarishni o'yladik, dedilar. Ammo biz tashqaridän qaziylik desak bu xavfli ekan, tepalik-ning biror joyi butunlay bosib qolishi bor. Shuning uchun topshiriq bunday: «O'zlarining sharoitga qarab ehtiyoj bilan mustaqil harakat qilinglar», dedilar.

Topshiriqni olgandan keyin hamma erkin, chuqur nafas olib, xotirjam bo'ldi. Xuddi qora yer qa'rining zim-ziyo tutqinligidan bir mo'jiza bilan qutulib, birdan yorug'likka chiqqanday, yayrab o'tirib qoldilar. Hokim To'rayevichning ovozidan eribroq o'tirgan Birinchi Yettingchiga qaradi:

– Hammamiz uchun hurmatli Hokim To'rayevich dono odam-da, topganimi qarang: «Qora ko'zlar!» Muomala deb buni aytadi. Qarang, hech kimni boshqalardan ajratib ham atamaydi, hech kimni xafa ham qilmaydi. Hammaga yоqimli – «qora ko'zlar!» Shu kengligi ommaga ma'qul-da kattamizning.

– Zo'r, zo'r. Gapga jubbo kiydiradilar.

– Hech-da. Chunonchi, mana seni oting bilan ayrib, alohida attasa, sen hovliqib, bir qarich o'sib, yana, xudo saqlasin, ochilib ketib, hamma yoqni savolga to'ldirib tashlarmiding! Shunday emasmi?

– Shunday. – «Qora ko'zlar» deganda esa hamma bir qolipdan chiqqanday bab-baravar. Hech kim hovliqmaydi ham, kamshitilmaydi ham.

– Ha. – Yettingchi «ha» dedi-yu, lekin yana savol parastigi turib, o'midan turib ketdi.

- Hay, birodarlar, aytgancha, bu mustaqil harakat qilinglar, degani qanaqa bo'ladı?
- O'zlarling bilib yo'lini topinglar deganidir-da.
- O'zimiz qayoqdan bilamiz, ko'rsatma bo'imadi-ku? – Yettingching «savolchiliga»ligiga o'rganib, bunga parvo qilmay qo'ygan odamlar bu safar hushyor tortishdi. Chindan ham, o'z bilgicha ish qilish mumkin ekammi, bunisi qanaqa bo'ladı?
- Telefon qilish kerak, aytishsin! – dedi Ikkinchı.
- Telefon qilib bo'lar ekammi. Telefon bir tomon-lama-ku.
- Qanday «bir tomonlama»? – dedi Yettingchi.
- U tomondan gapirib bo'ladı, bu tomondan – yo'q. Uqdingmi?
- Qanday? – dedi. Sira tinchimadi bu «savolchi». Go'yo faqat u hamma narsani bilishi kerak. Darrov bila qolishi kerak. Birinchiunga yana tushuntirib qo'yishga majbur bo'ldi:
- Menga qara, telefon ikki tomonlama ishlasa, tartib bo'ladiimi! Sen telefon qilsang, men telefon qilsam, sen bilan menga o'xshaganlar nechta? Hokim To'rayerovich bo'lsa...
- «Nima qilamiz bo'lmasa?» – bu savol hammaning ham ko'nglida bor edi. Bu «savolparast» podani bulg'atdi, shekilli-da. Birinchi marta bunday bezovta bolishlari. Ruhiy bezovtalik yomon ekan, halovat qochdi. Bu qiyonoqdan ko'ra, tepalikni o'sha ko'rsatilgan joydan qaziyyergan osonroq edi. Kovlayverilsa bir joydan chiqiladi-ku, axir.
- Biz yangi ko'rsatma oldik, demakki, eskisi bekor bo'ldi. Yangi ko'rsatma shundan iboratki, mustaqil harakat qilish kerak, – dedi Oltinchi qog'o-ziga qarab qiroat bilan.
- Bu avvalgisidan mushkulroq, albatta. Ammo shunday bo'lishi qonuniy. Chunki toshpiriqlar tobra og'irlashib bormasa, olg'a qarab siljish bo'tmaydi.
- Bir joydan kovlab, teshib chiqish kerak. Havo kirsin, yo'l ochilsin.
- Unday ko'rsatma bo'lgan emas...
- Qaysi tomonni kovlaysimiz?
- Ha mana, o'pirilib tushgan tomonni. Yo'l o'sha yoqda.
- U tomonni kovlashga kim ko'rsatma beradi?
- Bo'lmasa bir boshliq saylaysimiz. O'sha nima desa – shu.
- Yo'g'e... – dedi Birinchi qo'rqiб. – Tepada boshlig'imiz turib, yana birovni saylash uni tan olmaslik ka o'xshab ketmaydimi?
- Kichkina... Kichkinagina bir boshliqcha saylaysiz-da. Bizga bo'laveradi.
- Kimni?
- Mana, sizni, masalan, – deyishdi aka-ukalar. Birinching mo'yи tikka bo'lib, sapchib tushdi.
- Meni?.. Seni kim tayinladi, desa... Yo'q, tarbiya ko'rgan odammiz, o'zboshimchalik bo'ladı. Avvalo, yuqorida menga ishonch bildirilishi... – u bir tomonlama telefonga mung'ayib qarab qo'ydi.
- Yo'q, birodarlar, – dedi Ikkinchı, – saylovi nima-si. Har kim o'ziga boshliq saylab olaversa... Topshiriqning har bir so'zini diqqat bilan eshittinglar: «Ehtiyyot bilan» degen joyi bor. Bu donolik bilan aytilgan. Ehtiyyot bo'lmasa, mustaqillikning mana shunday xawfi tomonlari bor.
- Juda mushkul narsa ekan-da... – dedi Beshinchı ketmonini tuyab o'tirarkan. Keyin u bo'xchasidan

non, mayiz, talqon olib, qiyiqchasi yerga yozdi.

Buni ko'rib boshqalar ham ochiqqanini sezdi chog'i, biri belbog'dan, biri to'rxaltadan u bu olib o'taga to'kdi. Tortishuvlardan charchaganliklari ham endi bilindi. Shuncha tepalikni o'yib, shuncha tuproq tashib munalilik charchamagan edilar. Chindan ham mushkul ekan... U bu tamaddi qilgandan keyin, a'zoyi badanlari bo'shashib, uyqu tortib tursa ham, xotirjam bo'olmas, behalovat edilar: Oziq-ovqatning hidini oldimi, poygak tomonga kalamush yugurib o'tdi.

- Huv, padaringga la'nat! - dedi ishtahasi qochib,

ko'ngli betinch bo'lib o'tirgan Yettinchi. Endi uning savoli ham qolmagan edi. To'g'irog'i - bir-biriga mingashgan chigal-chirmov savollar uni yenggan, darmonini quritgan edi. U ham endi loqayd bo'lib qoldi, ko'pga kelgan to'y, boshqalarga nima bo'lsa, unga ham shu-da.

- To'xta, to'xta! - dedi Ikkinci shu mahal hov-

liqib.

Aka-uka Uchinchi-To'rinchilarining «dasturxon» qilib yoygan ko'k qog'ozini tortib oldi. Undagi piyola yumalab, ikki hovuch jylda, turshak, yana allanimalar sochilib ketdi. Aka-ukalarning og'zi ochilib qoldi. Ikkinci qo'lidagi ko'k qog'ozga tikilgan edi. Qog'oz g'ijimlanib, yirtilib ketgan, cheti ho'l, bir burchagi butunlay yo'q.

- Menga qaranglar! Mana bu... Axir bu... -

Hamma unga qarab engashdi. Ikkinci g'ira-shira qog'ozdag'i katta harflarni hijjalab o'qishga harakat qilardi.

- Ins... Ins...

- Insjins? Voy-dod!

- O'zingni bos, xursandchilik-ku qaytaga... «Ins...

instr... «Buyog'i sal yirtilibdi, attang», - dedi. Ikkinci qog'ozning yirtilgan, buklangan joyini barmog'i bilan tekislab, o'qidi: - «Instr - ukuksiya» Instruksiya!

- A? - dedi aka-uka barobariga, hamma oldidagi taomini unutgan edi. - Instruksiya?

- Ha-da. Mana! Instruksiya topildi, birodalar!

- dedi Ikkinci atrofida charaqlagan qora ko'ziarga tikilib. O'zi ham xazina topganday, olimga mahkum etilgan do'stalarining najotkoriday baxtiyor edi, ochilib ketdi: - Madaniy jamiyatda yashaymiz, azizlar. Bunday jamiyatda inson hech qanday vaziyatda ham yo'l-yo'riqsiz qolmaydi!

Instruksiya - bamisol marshkuli kushod. Toliquan vujudlarga halovat qaytib keldi. Ovqat, charchoq, ruhiy xotirjamlik, bu omad hammani elitti. Kechadan beri uxlamagan odamlar g'am-tashvishdan arib, oyoqlarini bemalol uzatdilar, a'zoyi badanlari rohatdan halimday bo'shashib, uyquga toldilar. Endi miriqib orom olsa ham bo'ladi, aha, yaxshilab hordiq chiqarish kerak, ertaga aniq, tayinli ishlar turibdi. Qayoqdadir kalamush shitirlayapti. Shitirlasa shitirlayversin... Ertasiga nonushtadan keyin hamma bel bog'lab, yeng shimarib bo'lganida Ikkinci chiroq tagiga borib «Instruksiya»ni o'qiy boshladi. Hamma tilovat somedek jum o'tirardi.

- «Instruksiya» - deb o'qidi Ikkinci, - «Birlamchi modda. Massani...»

- Massani?

- Ha, ommani degani. «Massani harorat selsiya bo'yicha - 5° dan past bo'lмаган salqin joyda saqlash kerak».

- Ha salqin joyda.

– «Ikkilamchi...» bunisi yirtilibdi. «To'rtlamchi modda. O'ylab bo'lgandan keyin... qo'llarni albatta, yuvib tashlash kerak»

– Yuvdik, yuvdik!

– To'xtanglar! – dedi aka-ukalardan biri. To'rtinchı – To'xtanglar, birodarlar.. bu... «o'ylab» emas, «o'ynab», «o'ynab bo'lgandan keyin» ya'ni, kichkina o'g'lim qo'g'irchoq-odam yasayman deb xarxasha qilaverGANidan, plastelin olib berib edim, bu o'shaning qog'ozi... Non o'rəb kelgan ekaman, birodarlar!

Yuzlaridagi shu'lа o'chdi. Bekorga xursand bo'lishgan ekan. «Aldanib qolgon yomon», deb bekorga aytmaydi ashulachi. Kechagi tashvishli, so'lg'in holat yana qaytib keldi. Hatto Yettinchi ham biron savol topolmadi. Ikkinchii «Instruksiya»ni jah bilan tashlab yuborgan ekan. Beshinchii uni asta olib, avaylab taxladi-da, ichki cho'ntagiga solib qo'ydi. Nima bo'lsa ham instruksiya, axir. Hurmat qilishi kerak tarbiya ko'rgan odam... Jimjilik eza boshladi. Yalang yerga kechagiday g'uj bo'lib o'tirib qolishgan edi. Qayerdadir yana kalamush shitirlagani eshitildi. Har zamonda stoldagi telefonga qarab qo'nishadi – ko'rsatma bo'lib qolar degan ilinj, sira o'lmaydigan umid bor-da...

Jimlik quloqlarda zingillab, sabr-bardoshni egovlaydi. Shu yerda dimiqib o'lib ketasizlar desa ham... ishqilib, biron bir ko'rsatmacha bo'lsa... Tavba, astag'firullo, shunday o'yga kelganlar ham bo'ldi-da. Axir odamni ham o'z-o'ziga qo'yib beradimi!

Bir payt bir chinqiriqdan sukut darz ketdi.

– Anuni qaranglar!

Mizg'ib o'tirganlarning quти o'chdi. Chinqirgan aka-ukalarning biri – Uchinchi edi. Uning alohida

ovozini endl eshitishdi, ovodi o'tkiz ekan. Hamma u ko'rsatgan povyot tonomija qaradi, o'sha yerdan kichkinagina bir nuqta yong'ilq qorong'i g'orni teshib kiran edi. Ingichta shu'lа, bir chimdimgina nur ichkari tomondaq ko're devorga o'qday qadallib turidi.

– Yorug'ilq! Yorug'ilq! – deb qichqirishdi.

Birinchi shu nafis nur tasmasidan sehrlangan-

day, asta o'sha tomon yurib, devor yonida to'xtadi. O'ylab turib, etigi bilan bir tepgan edi, ikki zambil tuproq o'pirilib, shovullab tushdi-da, odam bo'yvi toshik ochilib ketdi. Kun kirib kelganday bo'ldi il'omi.

Jo'ra-jamoat shovqin suron bilan o'sha tomon oshiqdi. Birinchi tashqariga qaradi:

– Og'izlaringdan gullab qo'yimalaring, kalamush yo'l ko'rsatdi deb! Kattamizning ori kelib, bizni noto'g'ri tushunib o'tirmasin!...

## MEN HAYOTNI O'RUGANAMAN

*Domboslik yozuvchi shaxsiyitlari  
Golovnya boy o'thamdi*

**I**lk bo'sa, birinchi muhabbat, deydilar. Bilasizmi, birinchi kitob degan gap ham bor. U ham nazarimda shular qatorl.

Birinchi kitobim chiqqan kunlar yodimda. Xuddi shirakayf bo'lib yuradi odam. Atrof go'zal, hammaga yoqimtoysiz, qizlar ham fuqat sizga qarayotgandek bo'ladи. Umrimda ashula aytmajan odam, o'sha kuni «Yallama-yorim»ni vang qo'yib yuborganimni o'zim ham bilmay qolibman. Hayot muncha shirint bordan buyon hamma yaxshi narsalar, butun dunyo ham,

shon-shuhurat ham, kelajak ham, go'yo bari – meniki. Tog'ni talqon qiladiganman. Mendan kuchli, mendan baxtli, menden chiroyli odam yo'q...»

Birinchi kitobdan keyin hovliqib ketadigan yosh-

larga hayron bo'lmasa ham bo'adi. Bu hech gap emas ekan. Meni bu falokatdan bir voqeа qutqazib qolgan.

Bosar-tusarimni bilmay yurgan kunlarim deng. Erta babor edi, shekilli. Nordon, xom olmani g'archil- latib tishlab, gazeta redaksiyasidan chiqayotsam, Hamdam qora duch kelib qoldi.

Hamdam qora eski oshnam, konda ishlaydi, gazeta topshirig'i bilan Oltintopganga borib yurib, u bilan qalin bo'lib qolganman. U chindan ham qop-qora. Buning ustiga, cho'tir. Bir qarashda, xuddi cho'tiriga kon g'ubori o'tirib qolgan-u tuzukroq yuvsa ketadigandek. Aslida esa unday emas, aslida o'zi shunaqa, ko'kintir qora. Xunukligi yetmagandek, oshnam yana o'guday dag'al. Ichida gapi bo'sa, yuzingda ko'zing bormi demay, aytil solaveradi.

Mana shu odam kuldek sovurdi-da, mening quvonchlarimni. Bir og'iz gapi bilan hafsalam pir bo'lib, shalviradim-qoldim.

– O'qidim, bo'imaydi kitobing, – desa bo'ladimi dabdurustdan. Yuzimga loy sachragandek ko'zimni pirlpiratib tikilib turdim-u, nima deyishini bilmay, «he, sen nimani tushunasan», deb sharta qayrilib ketmoqchi edim, bilagimdan oldi. Qo'polning pan-jasi ham shunaqa qo'polki, og'riqdan jahlni ham unutayozibman.

– Ni'ma deysan, nimaga bo'imaydi! – dedim.

Aftingga qarab rahmi keldimi, o'z qo'polligini sezdimi, yer chizib sekinroq gapirdi.

– Bo'lmaydi-da, yoqmadi... nima desam ekan...

– Kitob o'qysanmi o'zing?! – men baland kela boshladim.

– O'qib turaman. Buni bo'sa, sening ismingni ko'rib, olgan kunim kechasiyoq o'qib chiqdim.

Menga qayta jon kirdi: o'qibdi-ku, o'sha kechasiyoq qo'dan qo'y may o'qib chiqibdi. Yana nima kerak bu to'poriga? Ocherklarim muharririga yoq-qan, tanqidchiga yoqqan.

– Xo'sh, – dedim bo'sh kelmay, bepisandroq, teskari qarab.

– Shu-da. Xafa bo'lma. Silliq, ura-ura – olam guliston, balandparvoz gaplar. Konchilar unaqa emas, sen ularni bilmaysan.

Hang-mang bo'lib qoldim.

– Nimasini bilishim kerak?

– Hech bo'lmasa biron... fazilatini, xulq-atvorini. Bu galati xalq, sen bilmaysan.

– Sen bilasanni?

– Bilaman.

– Bo'lmasa, o'zing yoz.

– Qani endi sendek yozishni bilsam, – deb birinchi marta kulib qaradi u. Kulta, butun xunukligi qayoq-qadir yo'q bo'adi-qoladi oshnamning. Haytovur, tan olyapti-ku. Shundan keyin mening ham jahlim sal bosilib, uzoq o'ylab qoldim. Shu xilda gap-so'zsiz xiyobongacha boribmiz ham, skameykaga o'tiribmiz ham, bilmayman. Xayolimda Hamdam qoraning gapi: konchilar... Galati xalq.. Fazilati, xulq-atvori... Bizning jurnalistlar bir-birining nuqsonini bu xilda yuziga solmaydi. Bu qora bo'sa... To'satdan kallamga bir fikr keldi. Hamdamning cho'tir yuziga qaradim: yo shu yuz-xotir qilmaslikning o'zi ham bir fazilatmikan-a?

- Nima qil deysan? – endi aslimga kelib, maslahat so'rab qoldim.

- Bilmadim, – dedi Hamdam qora, – boshqatdan yoz, yordam beraylik.

- Yo'q, yordaming kerak emas, hali ham... – «rahmat» deyishga bo'y nim yor bermadi, – men o'zim borib o'rganaman o'sha g'alati xalqingni.

- Borib o'rganib bo'lmaydi, ular bilan birga yashashning, iloji bo'lsa, biroz ishлаshing kerak.

- Konchi bo'lib-a? – hunarim yo'q deyish o'rнiga panjalarimni yoydim.

- O'rgatamiz. Mana, mening brigadamga a'zo bo'lasan-u, ishlay berasan, bir oy, qancha kerak bo'lsa.

Men o'zim ham kutmagan joyda negadir quvonib ketdim.

- Rostdanmi? Brigadangga olasanmi?

Bu kuchli, tanish odam himoyasida men chindan ham ishlashim, konchilar hayoti bilan istagancha tanishishim, keyin esa yangi katta kitob ham yozishim mumkin edi. Bularning hammasi birdan ko'z oldinga kelib, o'rnimdan turib ketdim. Qarasam, Hamdam qora katta qo'pol panjasini yoyib, menga qo'l uzatib turibdi. Qars etib kaftiga urdim.

Hamdam xuddi shuni kutib turgan ekan, ish pishgandan keyin jo'nab qoldi. Shu payt mening xayolimga bir shubha keldi:

- Menga qara, bo'lmaydi, – to'xtatdim uni. – Konchilaring mening yozish niyatimni bilsa... menga qara, bunday yo'l bilan ularni o'rganib bo'lmaydi.

- Yozuvchi ekaningmi aytmaymiz-da, – dedi Hamdam.

- Kim deb tanishtirasan bo'lmasa?

- Ha toparmiz axir, boraver-chi, - dedi-da, shosh-gancha qo'l silkib, jo'nab qoldi.

Tahririyatdan ikki oylik ijodiy otpuska olib, ikki kundan keyin yetib borsam, Hamdam meni kadrlar bo'limga allaqachon rasmiylashtirib ham qo'ygan ekan. Brigadaning ishga chiqadigan payti yetaklab olib ketdi. Qarasam, shaxtaning lifti oldidagi maydonchada yigirmatacha yigit brigadirni kutib turibdi.

- Mana, o'rtoqlar, brigadamizga yangi a'zo, ishga o'rgatasizlar, – deb Hamdam mening yelkamdan turt-di. Yigitlar menga boshdan oyoq tikilishdi.

- O'zi kim, qayerda ishlagan ekan? – degan ovozlar chiqdi.

Hamdam o'ylab o'tirmay iljaydi-da:

- Magazinda ishlagan ekan, jindek ayb qilib qo'yibdi, mehnatda o'zini oqlamoqchi! – dedi.

Gapni qarang. Yo'lg'on-ku – baribir yo'lg'on, boshqa yo'lg'on qurib ketgannidi, a? Odamni sharmanda qildi-ku! Hamdam qora bu fantaziyanı ilaridan o'ylab qo'yanmadı, hozir kallasiga keldimi, ishqilib, rosa qovun tushirdi. Mening butun ko'rgiliklarim mana shundan boshlandi.

Tuppa-tuzuk iljayib turgan yigitlar qandalaga qaraganday bir jirkanib mendan ko'zlarini olishdi, go'yo men yo'q, ko'rmay qo'yishdi. Faqat ba'zilarigina zaharxanda, ta'na aralash gap tashlashardi.

- Ha, magazinda jindek o'margan ekanlar-da...

- Bizning komimiz turma emas edi-ku, brigadir?! O'zimni qayoqqa qo'yishni bilmayman, «yo'lg'on» desam ish buziladi. Ko'zimni yerdan olmay, chidashga qaror qildim; kulgi, haqorat davom etardi:

- Hunari ko'p ekan-ku, yana buni nimaga o'rganiz?

- Sinchaloq bilan tarozi pallasini bosish emas, ishlash kerak bu yerda, chidarmikan?

- Konni o'marib ketmasin tag'in.

- Jim! - deb baqirdi Hamdam qora. Shu bir gapi bilan chindan ham jum bo'lishdi. Obro'si bor ekan. Lekin, endi menga hech kim qaramas edi.

- Oti nima ekan? - dedi suyagi buzuq yo'g'on bir sariq yigit endi bosiqroq gapirib.

- Yo'Idosh, - dedi Hamdam.

Haligi yo'g'on yigit g'azab bilan beton plitaga tuf-ladi. Boshqaları xaxolab kulib yuborishdi.

Men otimni boshqa qo'yaman, - dedi haligi sariq jirkanib. Tushundimki, uning ham oti Yo'Idosh ekan, or qilyapti.

- Otingni boshqa qo'yishga shoshma, - dedi brigadir, - mana bugundan boshlab adashingga yoningga olib, ish o'rnat, keyin bir gap bolilar.

Yo'Idosh beo'xshov gavdasini chetga olib, bir nimalar deb norozi g'udrandi. Lekin, ko'rniib turibdiki, brigadirning buyrug'i qonun edi. Jimlik cho'kkanda, men yana avanch ahvolda qoldim.

Boshlariga kaska, oyoqlariga qo'pol etik, brezent korjoma kygan bu proxodchiklar oldida men shumshaygan, kichkina, himoyasiz ko'rinar edim. Xo'rligim kelib ketdi. Yer yorilsa, yerga kirib ketar edim, deb tursam, haqiqatan ham yer yorildi - tikka proxodkaning eshigi ochilib, qorong'i q'a'ridan guvvullagancha lift chiqib keldi. Kimdir oyog'im tagiga kaska bilan breznet kitel tashladi. Tezda kiyib, hamma qatori liftga kirarkanman, vujudimni qutsiz bir vahm qamradi. Temir liftning suroni, atrofingda odamlarning g'ovuri, qahqahasi eshitilib turmasa, yer qa'rining zax sovug'i yurakni uvishtirib, odamning

vahimada dod solib yuborishi ham hech gap emas. Shuv etib pastga tushib ketdik.

Bir joyda eshik ochilib, Yo'Idosh meni turtdi, qizil chiroq yonib turgan maydonga chiqdik, lift yana o'z yo'lida pastlab ketdi. Bizning ish joyimiz chakki tomib turgan tikka zaboy edi. «Bunisi - pnevmatik yukchi, bunisi - badya, bunisi - osma nasos» deb Yo'Idosh hafsalasi kelmayroq menga bir nimalarni ko'rsatdi-yu, uqqan bo'lsam o'lay agar. Men bu «g'or»da o'zimning ruhiy holatim bilan band edim, nafas yetmayotganga o'xshardi. Bu o'ylayvergandan shunaqa ekan. Keyin ish ko'payib ketgach, bu hissiyot yo'qoldi. Bizning ishimiz - vaqtincha istehkomlarni olib tashlab, doimiyisini qurish uchun beton qabul qilish edi. Lekin smena boshidayoq ishkal chiqdi, opalubka teshilib, beton sizib chiqsa boshladi. Har to'rt minutda tepadan tushadigan beton to'lal badyani qabul qilish bilan bir vaqtida opalubkani tuzatish mushkul edi. Nima qilish kerak? Yo'Idoshning yo'g'on bo'ynidan sharros ter to'kildi, bu ishkalmi u mendan ko'rardi shekilli: birinchchi kundan qadamin yoqmadidi. Teshilgan opalubkanning oralig'iga qaradik: qorong'i, zax o'pqon.

- Tush! - deb baqirdi Yo'Idosh. Men garang bo'ldim, bu jahannam qudug'iga tushib bo'ladimi? Tepadan badya kelib qolsa-chi? Yo meni kalaqa qilyaptimi? Lekin, Yo'Idoshning ko'zida g'azab, yana baqirdi:

- Tush deyapman!

Men bu tor oraliqqa odam tushishi mumkinligiga hamon ishonmasdim.

- Qo'rqapsamni? O'g'rilik qilishdan qo'rqmagan-misan? Tush!

Bu gaplarni eshitishdan jahannam qa'riga tashlagan yaxshi. Mening ham izzat-nafsim bor, axir, Shartta tushib ketdim, nima bo'lsa bo'lar. Bu tor oralıqqa haqiqatan ham Yo'dosh semiz o'zi tusholmas edi. Oyog'im tegishi bilan suyuq beton etigimni sug'ura boshladi, yelkamdan zanglagan suv oqib turibdi, aylanib bo'lmaydi. Opalubkaning qayrilgan temirini o'rninga qo'yishim kerak, oraga tosh tiqilib qolgan. Tiroq qayrildi shekilli, kaftingga bir nima iliq tegdi, ko'rib bo'lmaydi, qorong'i. Hali hech narsa ham qilolganim yo'q edi, tepara qizil badya ko'rindi, u tosh aralash qorishmani to'kib-sochib, ustinga bostirib kelyapti... Bir etigimni beton sug'urib oldi. Namiqsan kiyimim pastga tortib ketyapti. Tepada Yo'dosh baqirradi, xavfmi, daldami - tushunmayman, darmon quridi. Xudoyminey, shu yerdan o'ligim chiqmasa-da. Baqirvorgim keladi: «Hoy, barzangi, men yozuvchiman! O'g'ri emasman! Nima qilyapsan, qutqaz!» Lekin yo'q, bilamanki, baqirgan bilan baribir eshitilmaydi. Undan trashqari, shu ahvolimda hali or-nomus ham bor: «Chidayman, sir bermayman!» - deb tishimi tishimga bosaman. Oralıqqa tiqilgancha yonim bilan yotibman, badya ochilsa tiriklay ko'milib qo'ya qolaman. Lekin badya negadir ochilmadi, qonagan qo'llim bilan tosh-betonni tozalab, opaluba temirini qayrib joyiga tushirdim. Bir vaqt qarasam, tepamdag'i badyadan beton o'rninga zanjir osilib tushyapti. Angladimki, tortib chiqarishmoqchi. Zanjirga osilib, chala o'lik holda chiqib kelsam, Yo'dosh beton to'la badyaming avtomatik ravishda ochiladigan tub qopqog'ini ikki qo'llab ushlagancha, og'irlik zo'ridan yorilib ketguday, bo'zarib turibdi,

- Qalay! Ha, magazin emas bu yer... - dedi-yu, yana ruhinni so'nirdi. Zo'rg'a turibman-u, gapini qarang, buncha yomon ko'rishadi? Tavba, o'g'rilik qilib qo'nga tushganlarni turmaga qamash emas, shularning qo'liga topshirish kerak ekan, azbaroyi shifo!

Tahqir, kalaka yotoqda ham davom etadi. Men konda, ish vaqtida har qanday jismoni ezilishlarga roziman, ammo og'zaki xo'rashlariga sira chidash mumkin emas. Ular mendan kulib horдиq chiqaradilar. Shu yerda yotibman-u xuddi ko'rmayotganday, meni uchinchchi shaxsda atab gapiradilar.

- Magazinchchi qalay? Ruditani torozidan urib qolaytGANI yo'qmi? - deb so'rashadi Yo'doshdan. U yaramas ham mening barcha azoblarga chidab sidqidil ishlayotganimni bila turib, birontasining jag'ini tiyib qo'ymaydi.

- O'zi qancha o'margan ekan, so'radingmi?

Bu gaplarga Hamdam qoraning o'zi ham hingir-hingir kuladi cho'tirimi bo'zartirib, qilg'ilikni qilib qo'yib, biron marta yoningu tushgani ham yo'q. O'zini xoli topib, «jo'rttaga qilyapsamni, o'dirdingku, chorasi ni top», desam, endi orqaga qaytib bo'lmaydi, hayotni o'rganaver, deydi. O'sin, hayotni o'rganish shunaqa bo'ladijan bo'lsa. Odamni odam demaydi bu xumparlar. Askiyadan zerikib, falsafaga o'tib ketishadi, xuddi men yo'qday.



- «Mehnat tarbiyasi» degan gapga men mutlaqo qarshiman, - deydi Jabbor degani kulgidan jag'i char-chagach, karavotga cho'zilib.
- Xo'-o'sh! - deydi Hamdam uning hozir falsafa so'qishini oldindan bilganday, cho'zib.
- Menga desang mehnat - yuksak tarbiya ko'rgan yuksak axloqli kishilarning oljanob ishi. Unga tekin tomoqlarni aralashtirib, safimizni bulg'ash yaxshi emas.
- Balandparvoz gapni qarang! «Yuksak tarbiya ko'rganning bittasi semmisan?» demoqchi edim-u, qo'rqedim. Mehnat masalasiga kelganda bularga bir nima deb bo'lmaydi, ayniqsa, menga o'xshagan «yulq'ich». Yeb tashlashadi. Hali ham xayriyat, safsataga o'tib ketishdi, deb vaqtinchha bo'lsa-da, qutulganimdan xursand, pusib yotibman.
- Seningcha, avval nasihat bilan odam qilib, keyin ishga qo'yish kerakmi? - do'ng'illadi beso'naqay adashim. - Mehnatsiz odam bo'lib bo'pti! Mehnat maymumni ham odam qilgan.
- Uning gapi hammavaqt dangal va qat'iy. Lekin falsafa bobida baribir Jabborning og'ziga qaraydi. Jabbor bugun mehnat faqat sof odamlargagina muyassar bo'lishi kerakligi haqida uzoq gap sotdi. Mening smenadan keyingi ahvolimi bilasiz, bu «chuquq mulohazalar» quloqqa kiradimi? Yotibman mizg'ib.
- Men haqimda gap davom etardi:
- Odamga ishonish kerak, - derdi Hamdam qora. U qilar ishni qilib qo'yib, endi bu haqoratomuz gaplarni yumshatishga urinardi. Lekin, gap yumshamadi.
- Ishonch hazilakam gap emas, ishonchni qozonish kerak, - dedi Jabbor.
- Odamga ishonish mumkin. Maymunga esa...

186



Men shu kechadan boshlab laqabim maymun bo'lib ketadi deb juda qo'rraqan edim. Chunki, menga adash bo'lishdan or qilgan Yo'ldoshga bu ayniqsa qo'l kelardi. Ammo, yo'q, unchalikka borishmadni. Biz yotoqda besh kishimiz. Hamdam, Yo'ldosh, Jabbor, men, yana bir bo'sh karavot ham bor, egasini hali ko'ganim yo'q. Bularning gapidan bildimki, uning oti To'lagan ekan, oralarida hurmati juda baland, ismini ataganda qandaydir ezgulik seziladi ovozlarida. Yo katta odam, yo mo'ysafid bo'lsa kerak.

- Jabbor qorong'i tushguncha eshik oldidagi ustunga chiqib, lampochka qo'yib tush, - buyurdi brigadir.

- Ana, Yo'ldosh chiqsin, - dedi yotgan joyida «faylasuf».

Men? Nima ahvolda yotibman-u toqatim bormi?

Anavi Yo'ldoshni aytayotgandir.

- Gapni qisqa qilinglar, To'lagan iltimos qilgan, - dedi Hamdam.

Shu mahal To'laganning otini eshitgan hamonoq Jabbor ham, Yo'ldosh ham sakrab turib, qo'shni montyor bolaning temir tinoqlarini yelkalab, chiqib ketishdi. Ajabo, bu To'lagan deganlari brigadirdan kattaroq boshliqlardan, shekilli, dedim ichimda.

Ertasiga smenadan keyin bir bola kirib keldi, yotoqqa, o'zi chuvakkina, o'smirlarga xos kurak suyaklari chiqqan, lekin gavdasi barvaqt pishib, yelkalari endi kengayib kelayotgan, rangparroq bir yigitcha edi. Hamma uni o'rab oldi, kichkinagina gavdasi barzangi proxodchiklarning orasida qolib ketdi.

To'lagan mana shu ekan...

187

- Besh! – dedi u hammaning yuziga qarab. Keyin horg'in tovush bilan qoshib qo'ysi. – Oxirgisi qoldi... Eng og'iri...

Proxodchiklar ortiqcha zavq-hayrat ko'rsatish-madi. Hamma yelkasidan og'ir yuk tushganday yengil tortdi-yu, To'lagan haqida qandaydir tashvish ko'lankasi yuzlarida hamon bor edi...

Keyin bilsam, To'lagan brigadada ishlab turib, Politeknika institutiga imtihon topshirayotgan ekan. Nazarimda, uni «polk o'g'li»dek, o'z bag'irlaridan institutga uzatishni juda istashar edi. Ammo, To'lagan ikkita imtihonni topshirganida otasi o'lib qolibdi. Ota bechora, bizning oiladan ham bir bilimdon chiqsin, deb vasiyat qilgan ekan. Lekin, aza kunlari To'laganga so'nggi imtihonlarni topshirish juda og'ir bo'lib qolibdi. Endi, mana, oxirgisi... Bu voqeaga birinchi daqiqadanoq men ham beixtiyor xayrixoh bo'lib, chin dildan qo'shilib ketdim.

Bu kechasi To'laganning tumbochkasi tepasida chiroq o'chmadni. Men suyaklarim zirqirab toliqqa bo'lsam ham, ugray ohmadim, To'laganning rangpar yuzi kitob tepasida shamdan yasalgan haykadek qimir etmay turardi. Men otasini eslayapti, yig'lavormasa bo'lgani, deb cho'chib yotdim. Yo'q, yig'lamadi. Chirog'ini o'chirmay tong ottirdi. Faqat men uxlamay chiqdim desan, ahvoldan hamma xabardor ekan.

Ertasiga Yo'dosh meni bir chekkaga chaqirib:

– Men bugun smenaga chiqmayman, ishda yo'qligimni bildirsang!.. – deb mushtini iyagini sal tegizib, po'pisa qildi. Xo'p, dedim.

Keyin, narroqda uning brigadirdan shaharga javob olayotgamini eshitdim.

– O'sha imtihon oladiganlarga o'zim borib tushuntirib kelaman, – derdi lo'mbaidday mushtini yanib. – Bo'lmasa, bu xumparlar bolaning kulfatidan bexabar, qiyinab o'tirishadi.

O'zi aymabdi-da!

– To'lagan aytarmishmi? Shafqat so'raydiganlar dan emas. Borganiningni bilmasin, – deb tayinladi Hamdam Yo'dosha javob berib.

Uch kundan keyin To'lagan oxirgi imtihonni ham «5» ga topshirib qaytdi. Endi bu qo'pol to'ngaklar ham quvonchlarini yashirolmay qolishdi. Lekin To'lagan shu ondayoq hammasini hayratga soldi: – Sirtqiga o'tib keldim! – dedi u kitob-daftarlарini tashlab.

Hamمامиз о'tirib qoldik.

Ana xolos, bu qanaqa ahmoqlik. To'lagan ham o'tirib bosh egdi. U yotoqdoshlaridan «ahmoq» so'zini tugul berirog'ini ham eshitgan emas edi.

Axir hammasi «5» edi-ku!!

– Shuncha azob, buncha uyqusiz kechalar institut deb qoq suyak bo'lib qolding-ku, yaramas!

– Axir men institutga kirib keldim-ku, – deydi To'lagan yig'lagudek. U bunday gaplarni kutmagan ekan chog'i.

– Bilasammi, chumchuq nima? – deb qoldi Yo'dosh beso'naqay «tomdan tarasha» qilib.

– Chumchuq ham bulbulning o'zi. Lekin u konser-vatoriyaning sirtqi bo'lrimini bitirgan ekan.

Birdan portlagan qahqaha yotoxxonani zirillatib yubordi. To'lagan ham kului. Uning ikki haftadan beri birinchi kulishi edi, yoshimi artdi.

Shunda uning konda qolib, sirdan o'qishi chin dan ham ma'qul ekanini hamma so'zsiz tan oldi. To'lagan portlatuvchilikda yaqinda birinchi razryad olgan edi. U shu kasbini gapiryapti, aslida «sizlarni tashlab qayoqqa boraman», demoqchi edi. Aytolmadi, proxodchiklar orasida bunday chuchuk gapirish odat emas.

Men ham kelgusi kitobim haqida o'yaganimda, ahvolim juda og'ir bo'lishini ko'z oldimga keltiraman. Yuzaki qaraganda, dag'al bo'lib ko'ringan bu odamlar hayotida ko'p nozik tomonlar bor, lekin buni chuchmal gaplar bilan aytishdan saqlangan ma'qul: biroq, qanday gaplar bilan aytish kerak, men u so'zlarни topa olarmikanman?

Bularning g'azabi ham, mehri ham chegarasiz. Hozir hamma iljayib qarab turgan To'laganga havasim kelib ketdi. Menga ham bir kuni iljayisharmikan? Goho shunday oyoqsti qilishadiki, xo'rligim kelib, «hay, insonlar, men hech narsa o'g'irlaganim yo'q», deya mojaro solib, yig'lab yuborgim keladi. Lekin zo'r berib o'zimni tiyaman. Bularning xulqi haqida kallamda u-bu tasavvur tug'ilta boshladi, ishni buzish yaramaydi, chidash kerak.

Kunduzlari zax yer qa'rida og'ir, notanish ishlardan qiyalsam, kechalar o'z o'ylarim bilan azob chekardim. O'ylarim esa endi ko'proq bo'lg'usi kitob haqida emas, o'z taqdirim haqida ekanini payqab qolaman. Men ham kasb orttiriyapnan, bir kun kelib bolalar mening kimligimni bilishar, o'shanda, yengil-yelpi kun kechirish shaydosi emasligimni bilishganda, ularning qanchalik quvonishini endi ko'z oldimga keltira olaman. Men ham To'lagan singari ulardan ajralolmay, shu yerda qolib ketmasam hali...

Lekin, u kunklarga ancha-muncha bor, chog'imda. Mana, tag'in smenaga otanyapmiz, qo'pol etik poshnasini do'qqillatib trotuarda ketayotgan proxodchiklar orasidaman, ularning ro'yirost dashnomlari biroz kamaygan bo'lsa ham, hali tugagan emas. Buning evaziga men nimanidir, so'z bilan aytolmasam ham, sezib turbman, nimanidir bilib oldim.

Hamdam qoraning avtgani ham shu bo'lsa ehti-